


DISCOVRS
ACADEMIQVES
DE L'ORIGINE
de l'AME.

Par Messire RAOVL FORNIER
docteur ez droicts en l'univer-
sité d'Orleans.



A PARIS.
Chez DENYS LANGLOIS
rue S. Jacques, pres le col-
lege de Clermont.

1619.

Avec privilege du Roy.

Ex libris P. Cadot



A 1

AVIOMOM

MA... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..

... ..



A

MONSIEVR
DE HEERE
DOYEN DE S.
Agnan d'Orleans.

MONSIEVR,
On dict que iadis à
Rome fut instituée
une escole en laquelle on instrui-
soit la ieunesse à cognoistre exa-
ctement la monnoye, & discer-
ner la faulse d'avec celle qui e-
stoit de mise. Laquelle inuen-
tion fut si bien receuë du peuple,
qu'en l'honneur de Marius

Gratidianus qui en estoit l'auteur, on dressa une infinité de statues parmy les places de la ville. Mais si cet art nouveau fut iugé digne d'une si belle recompense, quels honneurs doit on rendre à la memoire de ceux qui premiers ont institué ces academies où la communication des hōmes doctes enseigne à distinguer les vrayes opinions d'avec celles qui n'en ont que le masque? Certes tout ainsi que les Indiēs par un artifice trompeur scauoient donner anciennemēt un si beau lustre à certaines pierres, qu'ō les eust prises pour oppales si la clairté du soleil n'eust faict discerner la verité d'avecque

l'apparence : aussi parmy les sciences il se trouue vne infinité d'opinions si specieuses en leur faulseté, qu'on les feroit passer pour veritables, si la lumiere des conferences n'en descouuroit le desguisement. Cete consideration dès long temps occasionna l'assemblée de nostre premiere academie, où chacun à son tour ayant accoustumé de traicter quelque poinct, ie fus en mon ieune age porté d'une curiosité particuliere à la recherche de l'origine de l'ame. Et combien que ie ne fusse pas ignorant du manquement que i'auois des sciences les plus necessaires à l'esclaircissement de ce subject,

i'esperay toutesfois que le concert de nostre cōpagnie suppleroit ce deffaut, puisque selon le iugemēt de Platon l'entrevue des gens de lettre est tres profitable pour la confirmation des choses veritables, la refutation des faulses, & l'esclaircissement des douteuses. Ce petit recueil que i'en ay tracé depuis à mon loisir ne meritoit pas, ie le confesse, de sortir en public, mais la faueur que vous m'avez cy devant faicte d'augmenter par vostre estime le prix de mes labeurs, m'a donné courage de mettre encore au iour celuy-cy.

Specialement depuis que vous

5
auez non seulement trouué bon
de renoueller en vostre maison
ces anciens exercices de nostre
academie, mais encore m'auez
faict l'honneur de publier sous
mon nom quelques discours de
ceux qui y ont esté faicts, ie me
suis senty plus estroittemēt obli-
gé de vous rendre en quelque
façon la pareille. Je confesse
pourtant que i'eusse volontiers
condamné ce petit fruiet de mon
travail aux tenebres perpetuel-
les, mais le desir que m'auez
faict paroistre de le voir en lu-
miere m'a donné la resolutiõ de
l'exposer avec ses imperfections
plustost que l'estouffer. Ainsi
Senèque autrefois pressé par ses

enfans de divulguer le recueil
 des declamations de son temps,
 eut raison de se laisser aller à
 leurs persuasions comme ie fais
 aux vostres : mais luy pour le
 merite de la chose , & moy
 pour le respect de vostre priere
 qui me tient lieu de commande-
 ment. Ayez agreable, Mon-
 sieur , l'offre que ie vous en
 fais , & l'estimez non tant
 de la part de l'ouvrage qui est
 sans merite , que de la part de
 l'auteur dont la volonte est
 pleine de bonne affection. L'es-
 poir que vostre bienveillance
 accoustumee m'en donne , fera
 naistre en mon ame un senti-
 ment dont à iamais ie cheriray

la memoire aussi bien que ie con-
tinueray le desir de demeurer.

MONSIEUR,

Vostre tres-hum-
ble, & affection-
né seruiteur,

FORNIER,

*Approbation des Docteurs en
Theologie.*

Nous soubsignez Docteurs en Theologie de la faculté de Paris certifions auoir leu & examiné le liure *De l'origine de l'Ame composé par M. Raoul Fornier docteur regent ez loix*, & n'auoir rien remarqué en iceluy qui ne soit conforme à la foy Catholique, saine doctrine, & bonnes mœurs: ains vn discours tresdocte & tres exacte de tout ce qui se peut dire sur ce subiect de plus rare & meilleur. Pour ce nous le iugeons tresdigne d'estre mis en lumiere pour le bien public & instruction d'vn chacun. *Faiët à Paris ce 3. May l'an 1619.*

A. DE GAZIL.

IOH. AL. BERNARD.

Extrait du Privilège du Roy.

PAR grace & privilege du Roy dō-
né à Sainct Germain en Laye le
4. May 1609. signé Par le Roy en
son conseil, & plus bas Bernard. il est
permis à Denys Langlois maistre im-
primeur & libraire en l'vniuersité de
Paris, d'imprimer, vendre & distri-
buer vn liure intitulé *Discours acadé-
miques de l'origine de l'ame, composé par*
*M. Raoul Fournier docteur ex droitz en l'u-
niuersité d'Orleans*. Et defenses sont fai-
ctes à tous autres imprimeurs & li-
braires de ce royaume de l'imprimer,
vendre, ny distribuer sinon du con-
sentement dudit Langlois pendant
le temps de six ans finis & accomplis,
sur peine de mil liures d'amende, cō-
fiscation des exemplaires qui se trou-
ueront imprimez, despens domma-
ges & interests, comme plus à plein
à plein est contenu aux lettres patē-
tes sceelles du grand sceau de cire
iaune.

Journal de l'Assemblée Nationale

Le 17 septembre 1792
L'Assemblée Nationale s'est réunie à midi...
Le président a lu le rapport de la commission...
M. de Lafayette a prononcé un discours...
L'Assemblée a adopté les conclusions...
Le scrutin a été ouvert à quatre heures...
Le résultat est le suivant...



DISCOVRS ACADEMIQVES

De l'origine de l'AME.

PREMIER DISCOVRS



ESSIEVRS,

Je me suis esmerueillé souuêtesfois de la curiosité de ceux qui avec beaucoup de labeur & de soing poursuyuans la cognoissance de ce qui estoit hors d'eux, ont esté ce me semble trop nonchalans à la recherche de ce qu'ils auoyent de plus noble en euxmesmes. Entre tant de rares esprits qu'un

A

amour naturel de ſçauoir a iadis enflammé du deſir de penetrer les plus cachez ſecrets de la nature, pluſieurs ont employé beaucoup de temps & de peine à comprétre les choſes plus eſloignees ; à meſurer la haulteur du ciel, la grâdeur de la terre, la profondeur de la mer ; à conceuoir la diuerſité des mouuements celeſtes, les accords diſcordans des qualitez elementaires, la production des meteores, la vertu des plantes, la tranſmutation des metaux, & la diuerſité du reſte qui nous enuironne en ce monde. Quelques-vns s'approchans encore plus pres d'eux meſmes, ſe ſont efforcez de cognoiſtre la compoſition du corps humain, les offices diuers de toutes ſes parties, &

le meſnage de la nature en ce chef d'œuure admirable. Mais peu de gens ſe ſont aduifez d'entrer plus auant en eux-mefmes, pour conſiderer interieurement l'origine, l'eſſence, les qualitez, le ſiege de leur ame. Ainſi voyons nous pluſieurs perſonnes qui ſ'enquierent importunement des loix & des couſtumes qui ſont pratiquees aux nations eſtrâges, & viuent comme eſtrangers en leur propre patrie. Ainſi feignent les poëtes que Lamia eſtoit aueugle chez ſoy, & voyoit clair au dehors. Ainſi ces curieux ſe plaiſent à contempler les obiects ordinaires comme cete eſpece de miroirs artificiels ſur leſquels ceux qui iettent la veuë y voyent tout representé forſe eux-mef-

mes. Et ce qui semble encore rendre plus condamnable cette commune negligence, est la consideration du peu d'estime qu'ordinairement nous faisons de nostre ame, ie dirois volontiers l'ingratitude dont nous vsons enuers elle, en mesprisant la cognoissance de l'outil par lequel nous cognoissons toutes choses. C'estoit la raison que les amis de Cassiodore luy mettoient en auant, pour l'inuiter au discours de la substance & des vertus de l'ame, lors qu'ils disoyent *nimis ineptum esse si eam per quam plura cognoscimus quasi à nobis alienam ignorari patiamur, dum ad omnia sit utile nosse quâ sapimus.* Car à la verité de quel front nous ofons nous venter d'auoir quelque certitude en ce-

te incertitude que nous auons de nous mesmes? Quelle cognoissance pouuons nous auoir de ces lumieres celestes, si nous ne sçauons que c'est que ce diuin flambeau qui nous esclaire à l'intelligence du reste? *A Deo*, disoit Seneque, *animo non potest liquere de ceteris rebus, vt adhuc ipse se querat.* Et quelle folie d'essayer par les subtilitez mathematiques de mesurer tout le monde, & ne pouuoir se mesurer soy-mesme? *Quasi verò*, dict Pline, *mensuram vllius rei possit agere, qui sui nesciat.* Aussi S. Bernard des l'entree de son traicté de l'Amé, commencé par les reproches de l'ordinaire curiosité de ceux qui affectans la cognoissance de plusieurs choses laissent en arriere la cognoissance d'eux-

mesmes. *Multi multa sciunt, & seipfos nesciunt; alios inspiciunt, & seipfos deserunt.* C'est donc vn des plus dignes objets des sciences humaines que la cognoissance de l'ame, l'estude des hommes ne peut viser à vn but pl^o loüable, & durât le tēps que l'ame est enuelopee de ce te masse charnelle vne des pl^o belles meditations où elle se puisse occuper, est la consideration de son origine. *Anima dum corpore utitur hæc est perfecta sapientia,* dict Macrobe, *ut unde orta sit, de quo fonte venerit, recognoscat.* Mais comme d'vn costé ces raisons m'encouragent à la poursuyte de mon entreprise, aussi d'ailleurs la difficulté du subiect m'estonne dez le premier abord, & peu s'en faut qu'elle ne me fasse

renger à l'opinion de S. Augustin, qui traitant cete mesme questiõ resoult qu'il n'en fait rien resouldre, & qu'il est plus à propos d'en laisser la decisiõ au secret de Dieu, que d'une temeraire presumption en affermer quelque chose. Rufin apres auoir rapporté diuerses opinions des Grecs & des Latins sur cete controuerse, finalement appelle Dieu à tesmoin qu'il n'y a encore trouué rien de certain ny de bien resolu, & laisse la cognoissance de la verité touchât ce poinct à Dieu, & à ceux auxquels il la daignera reueler. Voiremais, dira quelqu'un, est ce pas vne honte à l'homme, qui n'est hõme principalemēt que par l'ame, d'ignorer sa nature? & veu qu'il affecte d'estre si clairvoyant au

milieu des tenebres, ne cognoistre pas toutefois cete lumiere qui luy fait cognoistre le reste? Non certes, puis que & son infirmité le rend excusable, & les loix mesme de la nature semblent estre aucunement fauorables à son ignorãce, ne permettant pas que l'instrument qui exerce ses operations à l'endroit des choses de dehors, puisse agir sur soy mesme. A la verité si nostre œil qui penetre iusques au ciel, ne se peut voir luy-mesme: si nostre palais qui sçait discerner la diuersité du goust de tant de viandes, ne peut iuger de sa propre saueur: si nos narines qui de leur flair attirent à soy toutes sortes d'odeurs, ne se sentent point elles mesmes: si nostre cerueau qui communi-

que le sentiment à tous les autres membres, n'en a point pour soy: se faut-il estonner si l'ame qui a tant de cognoissance des choses externes, en a si peu d'elle-mesme? Philon Iuif à ce propos faict vne belle remarque, quand il dict que dès le commencement Dieu appella le premier homme Adam, c'est à dire terre, pour demonstret sa nature terrestre & corruptible, differēte de cete autre creēe à l'image de son Createur, laquelle est toute celeste, & non pas terrienne. Mais pourquoy, (adiouste-il en la poursuite de sō discours) ce premier homme qui imposa les noms à toutes autres creatures ne s'en donna il aucū à soy-mesme? Parce qu'il ne cognoissoit pas parfait.

tement sa nature. Car s'il est
 ainsi que les communes appel-
 lations des choses sont inuen-
 tées pour exprimer leur pro-
 priété naturelle, & si pour cete
 occasion les anciens philoso-
 phes apres auoir souuent dis-
 puté *φύσιν τὰ ὀνόματα ἢ θέσιν*, ont
 en fin déterminé que les noms
 estoient plustost naturels que
 positifs, il est necessaire de co-
 gnoistre la nature d'vne chose
 premierement que luy former
 vn nom conuenable. Or no-
 stre ame, dict Philon, bien que
 capable de cōprendre tout le
 reste, ne se peut cōprēdre elle-
 mesme, & ne peut asseurement
 resouldre quelle elle est, d'où
 elle procede, si elle est esprit,
 sang, feu, air, ou quelque autre
 substāce corporelle ou incor-
 porelle. C'en'est donc pas mer-

ueille si Adam n'a peu trouuer de nom sortable à sa nature. Aussi le philosophe Sextus apres auoir rapporté les diuerfes opinions & de ceux qui disoyent qu'il n'y auoit point d'ames, comme Dicęarchus & Messenius, & de ceux qui soustenoyent le contraire, & de ceux encore qui tenans vne moyenne voye n'en osoyent rien determiner, conclud en fin qu'il y a des ames, mais que leur nature est incomprehensible. Quoy donc? me voyant arresté tout court entre ces deux sentiers qui se presentēt de front, lequel doy-ie plustost tenir? A quel party me renge-ray-ie? Suyray-ie ceux qui peut-estre trop hardiment osent donner vn iugemēt certain en vne si incertaine ma-

tiere, comme plusieurs dont ie vous rapporteray cy apres les authoritez? Ou plustost ceux qui aiment mieux aduoüer ingenuemēt leur ignorance, que hazarder vne douteuse opinion, comme nous voyōs que Galien & quelques autres ont fait? En cete perplexité, Messieurs, l'oracle d'Apollon me seruira de guide. On dict qu'à l'êtrée de son temple en Delphes deux preceptes estoient escrits en grosses lettres, l'vn **COGNOY TOY-MESME**, & l'autre **RIEN TROP**. I'observeray le premier en apprenant de vo⁹ parmi la diuersité de tāt d'affertions que ie vous presenteray, à laquelle il se faut principalement arrester pour cognoistre soy-mesme, puis que selon le dire de Platon ce-
luy.

luy qui commande à chacun de se cognoistre, semble luy commander de cognoistre son ame. Le second me retiendra dedans les barrieres de mon infirmité, pour ne vouloir trop auant sonder les secrets dont ce grand architecte de l'vniuers s'est reserué la cognoissance infallible. Afin donc de donner entrée à mon discours, ie commenceray par l'opinion de ceux qui ont creu que nostre ame est vne partie de la substance de Dieu, & avec vostre permission examineray ce point d'autant plus exactement, que ie voy cete erreur auoir esté non seulement inuentée par les philosophes gentils, & depuis suiuite par quelques heretiques, mais encore avec ie ne sçay quelle inaduer-

tance approuuée mesme par aucuns de ceux qui ont mieux senty de la religion. Xenophanes disoit vn iour que si les bestes auoyent l'industrie de peindre, elles figureroient Dieu semblable à elles. Je ne sçay si i'auray tort de comparer à cete bestise l'imbecillité du iugement de ceux qui veulent ou raualler si bas la grandeur de Dieu que la faire conforme à leur ame, ou esleuer si haut la dignité de leur ame que la rendre consubstantielle à Dieu. Et neantmoins que telle ait esté la croyance des plus anciens, nous le pouuons coniecturer premiere-ment de ce que Platon, Hierocles, Mercure Trismegiste, & plusieurs autres ont signifié par vn mesme nom Dieu & l'a-

me, appellans l'vn & l'autre $\gamma\delta\gamma$.

Il est vray que ces authoritez semblent attribuer de la diuinité non pas à l'ame, mais à l'entendement que les Grecs appellent $\gamma\delta\gamma$, les Latins *mentem* ou *animum*: qui est selon la cõmune opinion d'vne qualité bien plus digne & plus releuée que l'ame, & d'vn lustre autãt esclatant par dessus elle que celuy d'vn diamant à comparaison de l'ãneau, & des astres au regard de leur ciel. Et ie vous accorderay bien que les anciens ont recognu cete difference, comme entre les autres Iuuenal

--- mundi

Principio indulfit communis conditor illis

Tantum animas, nobis animum quoque.

Et Seruius fait cete distinction

que *animus est consilij anima vite.* Je sçay que quelques modernes encore ont fait de la difference entre ces termes *mens* & *intellectus.* Je sçay que plusieurs ont tellement surhaussé la noblesse eminente de l'entendement, qu'ils l'ont sequestré, s'il faut ainsi dire, de la contagion de l'ame, ny plus ny moins que la supreme region de l'air de la corruption de la terre. Que comme la prunelle des yeux est appelée par quelques vns œil de l'œil, aussi estiment ils l'entendement estre l'ame de l'ame. Et qu'en fin s'il faut establir en l'vn ou l'autre de la diuinité, ce n'est point tant en l'ame qu'en l'entendement. Ainsi Macrobe en l'interpretation du songe de Scipion, *Animus propriè,* dit il, *mens*

est, quam diuiniorem anima nemo dubitavit. Mais comme le mesme auteur expliquant ces paroles de Ciceron *diuinis animatum mentibus*, dict que le mot *animus* en ce passage est pris & proprement & improprement, aussi en la poursuite de ce discours i'espere vous faire voir par diuers tesmoignages que plusieurs non seulement ont vsurpé confusement ces termes differents que les autres separent, mais encore ont attribué tant à l'ame qu'à l'entendement vne nature diuine. Et pour commencer par la deposition de ceux qui par des paroles plus claires rapportēt l'extraction de nos ames à la diuinité, Proclus dict que nostre ame estant separee d'auec les diuines intelligences des-

cend icy bas pour se conioindre aux substances materielles. Peut estre me direz vous que cete separation doit estre entenduë des ames distraictes feulemēt de la compagnie des dieux, & non pas retrenchées de leur substance. Mais pour ne m'arrester à present sur ce poinct, j'aime mieux passer aux authoritez qui souffrent moins de contradictiō, qu'insister dauantage à defendre opiniastrement l'interpretatiō particuliere d'vn passage qui la peut receuoir double. Philon dict que l'ame est vn retrēchemēt de Dieu, ou vn rayon, ἢ ἀπόσπασμα, ἢ ἀκρόγαισμα. L'oracle d'Apollō l'apelle μερίδα, vne partie. Epictete parlāt des ames, les apelle aussi parcelles & retrenchemens de Dieu, ἄ

τε αὐτὸ μωρία ἔσται, καὶ ἀποσπάσμα-
 ρα. Horace *diuina particulam*
aura. Senecque en ses epistres
tantost Deum in humano cor-
pore hospitem, tãtost in corpus hu-
manum partem diuini spiritus mer-
sam. Le mesme autheur sur la
 fin de son traicté de la vie
 heureuse confesse qu'il est du
 party de ceux qui tiennét que
 les hommes sont vne partie de
 l'esprit de Dieu, qu'ils sont de-
 scendus en terre comme cer-
 taines estincelles des choses
 sacrees, & s'y sont arrestez cõ-
 me en vne demeure estrange-
 re. Et en ses questions naturel-
 les, entre les diuerfes opinions
 touchant la nature de l'ame il
 rapporte celle cy, *vim diuinam*
esse, & Dei partem. L'vn, dict il,
 vous assure que l'ame est
 vn esprit, l'autre que c'est vne

certaine harmonie, l'autre vne vertu diuine, & vne partie de Dieu, l'autre vn air tresdelié, l'autre vne puissance incorporelle. Mais de toutes ces particulieres opinions nous pourrons vne autre fois discourir. Arrian remettant à l'homme deuant les yeux la grãdeur de sa noblesse, & l'excellence de son extraction, tu es, diët il, quelque chose retrenchée de Dieu, tu as en toy quelque portion de Dieu. Mercure Trismegiste en son Pimandre attribue bien à l'ame vne nature diuine, mais il ne tient pas pourtant qu'elle soit retrenchée de la substance de Dieu, ains plustost comme despliee & estendue de mesme sorte que les rayons du soleil sur la terre. Et semble

que cet admirable Stoïque qui par tout ailleurs parle si diuinement de l'esprit humain, ne s'est pas esloigné de cete conception de Mercure, quād il en discourt en ces termes. Comme les rayons du soleil touchent bien contre terre, mais ils sont là d'où ils sont enuoyez : aussi l'esprit grand & sacré, & enuoyé icy bas pour nous faire cognoistre de plus pres les choses diuines, conuerse bien avec nous, mais il est attaché à son origine, il en despend, il regarde tousiours & tend là, & n'est present à ce qui est de nous que comme à des choses estrangeres. Macrobe en l'exposition du songe de Scipion a employé la mesme similitude, lors qu'expliquant ce que Cicéron auoit

dict qu'au deffoubs de la lune il n'y a rien diuin finon les esprits donnez au genre humain par la faueur des dieux; Il ne faut pas, dict-il, estimer que les esprits soyent icy comme s'ils y naiffoyent. Mais tout ainsi que nous auons accoustumé de dire que le soleil est en la terre quand son rayon s'approche ou se retire; de mesme l'origine des esprits est celeste, mais elle est icy releguee par la condition d'vne hospitalité temporelle. Euripide vn peu trop hardiment appelloit l'esprit de l'homme vn Dieu selon le rapport de Ciceron, & de Theon le sophiste, *Εὐεπίδης ὁ ποιητὴς τὸν νοῦν ἡμῶν ἐκείν' εἶπεν εἶναι θεόν.* Le vers d'Euripide supprimé par ces auteurs est peut-estre celuy cy qui se trou-

ue parmy les monostiques de Menander: Οὐ γὰρ ἡμῖν ὅτι ἐν ἐκείνῳ θεός. Macrobe tesmoigne que les anciens philosophes, & mesme Ciceron, se sont tant aduancez que d'appeller l'ame vn Dieu, ayans esgard à la similitude de tant de prerogatiues esquelles l'ame semble imiter la nature diuine. Mais ie trouue Ciceron plus modeste en ses questions Tusculanes, où il pense faire assez d'honneur à l'esprit de l'homme quand il le qualifie diuin, *Ex quo animus*, dict il, *qui, ut ego, diuinus, ut Euripides audet dicere, deus est.* Il luy donne cet epithete à raison de son origine, & du lien de parenté, s'il faut ainsi parler, dont la nature semble conioindre les esprits humains avec les cele-

stes. Et si vous m'en demandez quelque preuve, ie ne la mendieray point d'ailleurs que de luy, puisque aucun n'est meilleur interprete de soy que soy mesme. Voicy donc ce qu'il dict en ses liures de la nature des dieux: *Ex quo verè vel agnatio nobis cum cœlestibus, vel genus, vel stirps appellari potest.* Doctrine que nous pouuons aisement recognoistre auoir esté puissee par cet autheur de ceux qui en auoyent escrit au parauant luy, puis qu'Aristote auoit appellé l'esprit *ουρανέστατος θεός*, comme qui diroit tres-proche parent des dieux. Et Pythagoras en ses vers dorez, *θεῶν γένος ἐστὶ βροτοῖσιν*. Et le poëte Aratus, duquel S. Paul n'a pas desdaigné de canoniser le tesmoignage en ses epistres, *τῷ γὰρ καὶ γένος*

γενος ἐσμεν. Le philosophe Arrian recognoissant la mesme antiquité de cete noblesse imaginaire, appelle l'homme non seulement parēt des dieux, mais qui plus est encore fils de Dieu mesme. Et en vn autre endroit il nomme la parenté de l'hōme diuine & bien-heureuse. Philon Iuif ayant discouru de la formation du premier homme, adiouste puis apres que la posterité garde encore des marques, combien que vn peu obscures & comme effacees par la lōgueur du temps, de cete ancienne parenté. Mais quelle parenté? Tout homme, dict-il, pour le regard de l'esprit est parent du Verbe diuin, caractere, ou parcelle, ou splendeur, & comme rayon de cete nature bien-

heureuse. En somme tous ces anciens semblent estre d'accord à peu pres en general de cete premiere origine , laquelle d'un commun consentement ils rapportent à Dieu. Le principal different qui demeure entre eux consiste en la particuliere sorte de l'emanation, qu'ils nous figurent par autant de diuerfes similitudes qu'ils ont de conceptions differentes. Car les vns retrenchent nostre ame de la substance de Dieu comme vn membre du corps vniuersel , les autres la font descouler cōme vn ruisseau de cete source eternelle, les vns proceder comme vn souffle de ce premier esprit, les autres comme les estincelles d'un feu, quelques vns comme des petits rayōs de ce grād

soleil , les autres comme des branches d'un gros tronc. Et ne sçay si l'intention de Platon se pourroit point rapporter à cete derniere comparaifon, quand il a appellé l'homme plante celeste, *φυτόν ἑρμηνεύον*, cōme aussi a faict apres luy Memefius en ses liures de la nature de l'homme , n'ayant peut-estre point tant egard à la forme du corps qu'à l'origine de l'ame. Car encore que la teste du corps humain represente la fouché d'un arbre qui a ses racines cōtre mont, si ne peut on nier que les Platoniciens n'ayent pareillement estimé l'origine de l'ame estre toute celeste & diuine. Car dites-moy, ie vous prie, si Platon, si Thales , & tant d'autres philosophes ont creu que

Dieu estoit l'ame du grand monde, pourquoy n'eussent-ils fait le mesme iugement du petit? A quel propos eussent-ils estably vne diuerse nature de l'ame du monde vniuersel & de celle de l'homme, laquelle Plotin mesme appelle sœur de l'ame du monde, comme ayant vn mesme principe, & vne mesme extractiõ? Or quāt à ce grand monde les tesmoignages sont assez cõmuns de Thales & de Democrite, qui ne luy donnent point d'autre ame que Dieu mesme: & de Platon qui ne se contente pas d'appeller l'ame du mōde œuure de Dieu, mais partie d'iceluy: ny de dire qu'elle soit par luy seulement, mais de luy: ny formee simplement par sa vertu, mais issue de sa propre

substance. Ils auront donc bié
 faiët le mesme honneur à no-
 stre ame, non seulement com-
 me à vne partie de ce grand
 tout, mais comme au plus no-
 ble chef d'œuure de Dieu, &
 à celuy pour lequel il a créé
 tout le reste. Ceste opiniõ ayãt
 esté premierement introdui-
 ÷te par ces vieux refueurs, a de-
 puis trouué place en l'esprit
 des Stoiciens, auxquels saint
 Hierosme mesme attribue ce-
 te erreur, & lesquels pour luy
 donner la couleur de quelque
 apparence me semblent auoir
 recherché vne etymologie du
 mot *θεός* & vn peu bié esloignee
 quand ils l'ont faiët descendre
ἀπὸ τοῦ θεοῦ, ἢ γὰρ τὸ διαγοντικόν, ὡρεῖν,
 comme qui diroit enfermant
 vne chose diuine, selõ la cro-
 yance qu'ils auoyent que cete

30 DE L'ORIGINÉ
regiõ du corps humain qu'on
appelle thorax fust le siege, &
comme le trosne de cete par-
tie superieure que les Grecs
nomment τὸ ἡγεμονικόν. A quoy
s'accorde aussi Lucrece en ces
vers,

*Et dominari in corpore toto
Consilium, quod nos animum men-
temque vocamus,
Idque situm media regione in corpo-
ris haret.*

Après ces Stoiciens encore
trouuons nous plusieurs here-
tiques, qui cheminans par les
mesmes tenebres ont choppé
à la mesme rencontre, comme
les Gnostiques, les Maniche-
ens, Arrius le Philosophe Stoi-
cien, Cerdon, Priscillian, &
leurs adherans. S. Augustin en
ses liures de l'ame reprend l'i-
gnorance d'vn certain Yncé-

tius Victor, qui ne voulant admettre que l'ame fust créee de rien, ny faiçte aussi de la substance de Dieu, ny d'aucune matiere precedente, tomboit neantmoins sans y penser en l'erreur mesme qu'il auoit cōdamnee, & par vne tacite confession la recognoissoit estre faiçte de la substance de Dieu. Le premier autheur de ceste famille d'amour dont l'heresie regna quelque temps en Angleterre, introduisant vne abominable confusiō de la nature créee & increée, faisoit accroire à ses sectateurs les Nicolaites que Dieu s'humanifioit soy-mesme avec eux, qu'il les deifioit avec soy, & que l'ame de l'hōme n'estoit pas vne creature, mais vne portion de Dieu increée. Leuinus Lem-

nus tombant en pareille absurdité, parle de l'ame humaine en cete façon, *Que cum sit spiritus ethereus, ac substantia incorporea ex diuina mentis archetypo de prompta, hoc homini prestat ut Deo sit similis, diuinaque essentia participans.* Il auoit beaucoup dict de la faire semblable à Dieu, mais il s'aduance trop d'adiouster encore qu'elle participe à l'essence diuine. Dont incontinct apres il infere que ce n'est pas merueille si l'ame est immortelle & incorruptible, puisque estât tiree de l'essence de Dieu, qui n'est subiecte ny à la mort ny à la corruption, elle deuoit retenir la nature de son origine: cōme au contraire le corps estant composé d'une matiere caduque, necessairement est subiecte à ces diuers accidens

ausquels la qualité de son extraction l'oblige. Lactâce Firmian parloit quelque peu plus discrettement, lors qu'il disoit que l'ame est ie ne sçay quoy semblable à Dieu. Si n'est-il pas pourtant du tout excusable quand ailleurs il passe si auant que de dire en parlât de la creation de l'homme : *Ficta enim corpore inspirauit ei animã de vitali fonte spiritus sui qui est perennis.* LES Rabbins qui d'vne ignorance grossiere ont voulu enclore l'essence de Dieu dedãs vn nom de quatre lettres, entre les plus cachez secrets de leur doctrine ont tenu que l'ame procedoit de ce grãd nom de Dieu. Certes quant aux payens, on pourroit bien leur pardonner plus facilement ces erreurs que nous auons remar-

34 DE L'ORIGINE
quées. Car si l'esgarement de
leur ame a faict des dieux à son
plaisir, pourquoy n'auront ces
pauures aucuglez vsé de mes-
me liberté à faire descendre
leurs ames des dieux ? Voire
s'ils se sont tant aduancez que
de faire des dieux de leurs a-
mes, pourquoy au contraire
n'auront ils peu de pareille au-
thorité faire des ames de leurs
dieux ? Mais quoy ? si le mesme
soleil dont la lumiere fait tout
voir à nos yeux, a occasionné
de si espaises tenebres en l'a-
me de plusieurs qu'ils l'ayent
adoré pour vn dieu, & que la
celerité du mouuement de ce
planete ait serui d'argument à
leur idolatrie; à combien plus
forte raison aurõt ils peu croi-
re le mesme de leur ame ? Et
pour parler encore plus gene-

ralemēt de tous ces dieux imaginaires de la gentilité, si l'opinion presumee de leur vitesse a esté les premiers motifs de les auoir faict esleuer en cete dignité: si pour la mesme raison quelquesvns ont faict le mesme hōneur aux anges, desquels; comme dit Tertullian, *Velocitas diuinitas creditur, quia substantia ignoratur*. Si l'etymologie est veritable que les Grecs ont tiree de l'agilité de la course des dieux, *θεοὶ ἀπὸ τῆς θεΐης*, à qui conuiendroit mieux cete diuine qualité qu'à nostre ame? puis qu'elle est si actiue en ses operations, que le sommeil ne l'arreste point: si prompte en son mouuement, qu'en vn instant elle s'eslance iusques aux cieus, elle passe la terre & les mers, & se rēd presentes en vn

moment les choses les plus esloignées? Ainsi vrayement le recogneut Thales Milesien en l'une de ses sentences dorees qui ont bien merité l'honneur qu'on leur a fait de les transmettre à la posterité. Le plus ancié de tout ce qui est, disoit-il, c'est Dieu: parce qu'il n'est point engendré. Le plus beau c'est le monde: parce que Dieu l'a fait. Le plus grand c'est le lieu: parce qu'il contient toutes choses. Le plus agile, l'ame: parce qu'elle discourt, & se promene par tout. Le plus fort, la necessité: parce qu'elle surmonte toutes choses. Le plus sage, le temps: parce qu'il inuente tout. Le plus commun, l'esperance: parce qu'elle demeure encore à ceux qui ont perdu le reste. Le plus proffitable

table, la vertu : car elle rend toutes autres choses proffitables à ceux qui en ſçauent bien vſer. Le plus dommageable, le vice : d'autant qu'il deſtruit & gaſte tous les lieux auſquels il ſe rencontre. Or toutes ces conſiderations que i'ay mis en auant ſembloyent auoir quelque ſpecieufe couleur, qui a peu impoſer aiſement à la credulité payéne. Mais les Chreſtiens ayans au contraire, & des authoritez plus illuſtres, & des raiſons plus certaines, ne peuuent eſtre excuſez en la peruerſité de cete croyance. Et pour ceſte occaſiõ S. Auguſtin entre les diuerſes eſpeces d'erreurs qu'il iuge eſtre des plus deteſtables, & des plus cõtraires à la foy Catholique, donne à bon droit le premier lieu à

celle de quelques-vns qui tenoyent que Dieu auoit fait l'ame non de rien, mais de soy-mesme. Car pour en parler faimemēt, quelle plus impie mes-cognoissance peut tomber en l'ame des hommes, que de se vouloir esgaler à son Dieu, & faire en quelque maniere aller du pair le seruiteur avec son maistre? L'ancien rimeur François qui fit si mal à propos l'essay de son ignorance en la traduction des pseumes de Dauid, a esté repris non sans cause en ce qu'il a escrit que Dieu a formé l'homme tel que plus riē ne luy reste fors estre Dieu. Mais ceux qui font l'ame de l'homme consubstantielle à Dieu, passent encore au delà de cete impudence, puis que d'vne temerité nouvelle ils se

deifient eux mesmes. Les habitans de la Thebaïde portoyent plus de respect à la diuinité, lors que voyans tous les peuples d'Egypte par chacune ville payer le taux qui estoit imposé pour faire les animaux qu'on y adoroit, n'y contribuoient rien de leur part, estimás que rien de mortel ne pouuoit estre Dieu, ains celuy seulement qu'ils appelloyēt Cnef, exēpt de naissance & de mort. Le statuaire Lysippus eut bõne raison de reprendre Apelles pour auoir peint Alexandre le grand avec vn fouldre en la main, au lieu que Lysippus s'estoit contenté de luy dõner vne lance. Ceux là meritent vne parcille censure qui ne se contentans pas de porter en leur ame l'image de Dieu,

se veulent encore faire accroire qu'ils sont dieux par communication de substãce. Nous tenons donc auiourd'huy cete opinion pour heretique, puis qu'elle est reiettee comme telle par l'authorité de l'Eglise, ainsi que nous apprenons & des sacrez decrets des conciles, & de plusieurs tesmoignages des saincts peres. Parmi les diuerses opinions de Platon nous nous arrestons à celle cy comme plus veritable, que l'ame n'est pas Dieu, mais seulement œuure du Dieu eternal, *καὶ γὰρ πρὸ ψυχῆν ἔστι θεὸν, ἀλλὰ ἔργον αἰσίου θεοῦ ἐκτάσσειν.* Nous croyons que rien ne peut estre Dieu que Dieu mesme, & que rendre nostre ame consubstantielle à la diuinité, c'est trop audacieusement faire vn dieu

de nostre ame, confondre la difference du Createur & de la creature, & tomber en vne erreur semblable à celle de ce grand Varron, qui supposant pour chose veritable que dieu estoit l'ame du monde, a esté contrainct de conclure que le monde estoit Dieu, & en consequence du tout aduouër que les parties aussi comme participantes à la nature du tout, estoient autant de dieux. L'employeray volontiers icy comme en passant les termes dont saint Augustin refute cete absurdité, lors que disputant contre la theologie naturelles des payés qui auoit abusé ce grand personnage Varron: Ton ame, diët-il, pour docte & ingenieuse qu'elle fust, n'a peu par les mysteres

de ceste doctrine paruenir à ce Dieu souuerain, c'est à dire celuy par lequel & non avec lequel elle a esté faicte: duquel elle est non portion, mais facture: & qui est non pas l'ame de toutes choses, ains le createur de toutes ames. Mais pour rentrer en nostre chemin, ie disois que rien ne participe à la substance de Dieu qui ne participe à sa diuinité. Et me plaist à ce propos la distinction que faict l'escole de theologie entre les operations qu'elle appelle *ad intra* & *ad extra*. Les operations de Dieu qui se font *ad intra* comme ils disent, & demeurent en leur autheur, ne produisent que choses de mesme essence avec celuy dont elles procedent. Ainsi le Fils qui est engendré de Dieu le Pere

luy est consubstantiel, & par consequent vn mesme Dieu: Et combié que ce soyent deux personnes distinctes, toute fois elles ne sont en rien différentes quant à l'essence, & la distinction qui s'y trouue consiste seulement en la relation, laquelle fait qu'une personne n'est pas l'autre. Au contraire, ce que Dieu produiét *ad extra* est toujours de diuerse essence, cōme sont toutes les creatures Et par ceteraison il est euidēt que nostre ame estant de cete derniere espece, ne peut estre de mesme substance que Dieu Il est biē vray que Dieu est l'estre de toutes choses, mais non pas comme partie d'un tout composé de forme & de matière. Il est tres simple, ie l'adoue, mais pour cela il n'entre

point par meflange de fubftance en la compofition d'aucune chofe, ny comme forme pour luy donner fon eftre, ny cōme matiere fufceptible d'vne forme eſtrangere. Dont il appert combien ſe font deſtournez du chemin de la verité ceux qui ont eſtimé que Dieu eſtoit ou l'ame du monde, ou l'ame du premier ciel, ou la matiere premiere, ou le principe formel de toutes chofes. Je pourrois vous produire pour preuve de cete diuerſité de nature entre Dieu & noſtre ame vne infinité de paſſages de la ſainte eſcriture, où l'vne & l'autre ſont ſouuent diſtinguees, cōme en ce lieu du Pſalmiſte, *Sitiuit anima mea ad te Deus.* & en celuy cy. *Dic anime mea ſalus tua ego ſum.* & en cet autre encore:

Nōne Deo subiecta erit anima mea?

Mais l'argument presse bien dauantage que ie tire de plusieurs autres tesmoignages, par lesquels on void attribuees à l'ame diuerses choses qui ne peuuent conuenir aucunemēt à Dieu: comme de dire que l'ame peche, qu'elle est guerie ou sauuee, qu'elle est affligee, punie, perdue, & plusieurs semblables enonciations, desquelles il s'ensuyuroit vne absurdité, voire vne impieté tres grande, de rendre en consequence vne partie de la diuinité subiette aux passions & aux infirmitéz, &, qui pis est, au peché mesme & à la peine du peché. C'est vne des raisōs dont se sert S. Augustin pour refuter l'erreur de ce Vincen-tius Victor duquel nous auons

parlé cy deuant; que si l'ame estoit de la nature de Dieu, il s'ensuyuroit non seulement que la nature de Dieu seroit muable, mais encore changee quelques fois en pis, & damnee mesme par son autheur. Sainct Iean Chrysofome entre plusieurs blasphemes, folies, impietez (il les appelle ainsi, & non simplement erreurs) des payens, il les reduict à la confession d'une absurdité manifeste, en ce qu'ils attiroyent Dieu non seulement aux hommes, mais aussi aux plâtes & aux bois. Car si nostre ame, dict il, est vne partie de la substance diuine, & cete ame encore passe aux corps des citrouilles, des courges, & des oignons, il s'ensuyt que la substance de Dieu se pourra trou-

uer en ces plantes. Mais quelle apparence y a-il, disoit Arno-
be à ce mesme propos, que ce grand Roy de l'vniuers ait en-
uoyé icy bas les ames engen-
drees de sa substance, afin que
celles qui auoyent l'honneur
d'estre deesses chez luy, exem-
ptes de cete masse charnelle
qui les enuironne, descoulas-
sent en la seméce des hommes,
& sortissent du ventre de la
mere pour estre assubiecties
aux infirmitéz & aux miseres
qui les doiuent accompagner
en ce mōde? Afin que ces ames
qui nagueres estoyent simples
& d'vne bonté innocéte, vins-
sent apprédre parmy les hom-
mes à simuler, dissimuler, men-
tir, tromper, flatter, & par in-
finis artifices rechercher tou-
tes fortes de ruses & de mali-

48 DE L'ORIGINE
ces ? Afin que ces ames qui vi-
uoient en vne paisible tran-
quillité, empruntassent desor-
mais de la compagnie du corps
les causes qui les fissent deue-
nir plus sauuages, pour exercer
entre elles des inimitiez, des
guerres, des prises de villes, des
seruitudes ? Afin que ces ames
qui cognoissoient auparauant
Dieu, l'oubliaissent : & celles
qui conspiroyent d'un mesme
accord en l'intelligence de la
verité, fussent distraictes en
vne infinité d'opinions diuer-
ses ? Mais de peur de vous en-
nuyer dauantage par le curieux
amas de preuues non necessai-
res en vne chose assez euiden-
te, i'adiousteray seulement ce-
te raison. Si nostre ame estoit
vne partie de Dieu, elle seroit
ou d'un autre genre, ou d'un
mesme

mesme, & comme parlent les logiciens, heterogene ou homogene. Or ne peut elle estre heterogene, parce qu'il n'y a point en Dieu de diuersité: elle n'est pas aussi homogene, parce que si elle estoit de mesme substance, elle auroit les mesmes facultez & les mesmes puissances: & ie vous vay faire voir par vne demonstration necessaire qu'elle ne les a pas. Il est tres-veritable que l'intellect souuerain, increé, & infiny de Dieu est son essence mesme, en laquelle comme en sa cause premiere se trouue tout ce qui a estre. De sorte que cet intellect diuin est vn acte pur, qui ne reçoit en soy ny la distinction de la puissance & de l'acte, ny le progres de l'vn à l'autre. Nostre intellect

au contraire estant finy & borné, ne peut estre puremēt acte de toutes choses intelligibles; ains, comme diēt Aristote, ne plus ne moins qu'une carte blāche reçoit toute sorte d'écriture; ainsi nostre intellect est susceptible de toutes impressions, lesquelles au paravant qu'il ait receuës il est aucunement la chose intelligible mesme, mais par puissance seulement & non pas actuellement. Dauātage tout ainsi que nostre ame a diuerses puissances selon la diuersité des objets, aussi la cognoissance qu'elle a des choses est differente selon la difference des choses qu'elle cognoist. Car si nous venons à considerer en l'homme la cognoissance des principes, nous appellerons cete fa-

culté intelligēce : si nous voulōs exprimer la dexterité qu'il a de tirer les conclusiōs de ces principes, nous luy donnerons le nom de science: si nous parlons de la discretion qu'il sçait apporter au iugement de ce qu'il faut suiure ou fuir, nous l'appellerons prudēce ou conseil: si nous montons plus haut à la cognoissance qu'il a de la fouueraine cause, nous la nōmerons sapience. Mais la simplicité qui est en Dieu n'admet point toutes ces differences. Il est doncq manifeste que nostre ame n'a pas les mesmes facultez, & partāt qu'elle n'est pas de mesme substance que Dieu. Voila, Messieurs, les principales raisons que i'auois à vous deduire sur ce poinct, duquel i'attens vn plus ample

esclaircissement par ce que vous y contribuerez selon nostre coutume. Apportez y donc s'il vous plaist la césure de vostre iugement auparauant que ie passe aux autres opinions.

THEODORE. Il me souuient auoir leu que iadis on donnoit à Apollon diuers epithetes, selon les degrez de l'aduancement que naturellement on faict aux sciences. Car premierement on l'appelloit Pythius, parce que le premier pas de ceux qui s'acheminent à l'apprentissage est d'enquerir: puis apres il estoit nommé Delius & Phaneus, pour signifier la lumiere de la cognoissance qui succede à la curiosité des demandes: & en fin Ismenius, pour la perfectiõ de la science qu'on acqueroit

par ces moyens. Les qualitez de cet Appollon duquel vous auez dés le commencement fuiuy l'oracle pour guide de vostre discours, me donnent occasion de vous faire vne demande, afin d'estre esclaircy de ce que vous auez dés l'entree discouru si l'ame se peut cognoistre elle-mesme. Car en vain nous trauaillerons-nous en la recherche de son origine, si la vertu de nostre intellect ne peut s'estendre à cete cognoissance. Je vous demande donc comment il est possible de comprendre la nature de l'ame, si ce n'estoit d'adventure que nous voulussions nous figurer en l'homme vne autre ame superieure, par laquelle il peut cõtēpler celle-cy. R. F. Cete raisõ n'est pas sãs

apparence, aussi Viues la particulièrement employée pour son fondement lors qu'après tant d'autres il a escrit que c'estvne chose bien embrouillée & pleine d'obscurité que la perquisition de la nature de l'ame. Mais cet appuy me semble fort peu assuré. Car il n'est pas tousiours necessaire que la faculté qui entend, soit plus forte & plus grande que la chose entendue, veu qu'au contraire tous les Peripateticiciens, & avec eux Plotin mesme, tiennent que les intelligences superieures sont comprises par les inferieures, & nō celles-cy par celles-là. Cete opinion vous semblera peut-estre paradoxe, & trouuerez estrange que ce qui est moindre comprenne vne chose plus

grande. Mais ie vous respon-
dray que cela se faiët par vne
certaine maniere d'vnion de
nostre intelleët avec les for-
mes des choses qu'il entend,
par la comprehension desquel-
les il se faiët grand & presque
egal à elles. Aristote nous ap-
prend que l'entendement par
puissance est aucunement tou-
tes les choses intelligibles, en-
core qu'actuellement il ne soit
aucune de ces choses aupara-
uant qu'il les ait entendues. Et
S. Thomas suiuant ses traces
escriit que l'ame est en quelque
façon toutes choses, entant
que par puissance elle est por-
tee à toutes choses aux sensi-
bles par le sens, aux intelli-
gibles par l'intelleët: le sens re-
ceuant les especes de toutes
choses sensibles, & l'intelleët

56 DE L'ORIGINE
de toute les intelligibles.

POLIDORE. Cete difficulté m'érameine en memoire vne autre que i'ay veu traittee par Alexãdre en son liure de l'ame. Si l'entendement, dict-il, se pouuoit entendre soy-mesme, il s'ensuiuroit qu'il seroit tout ensemble l'agent & le patient. Or est-il que rien ne peut ou se mouuoir soy-mesme, ou endurer par soy-mesme cõme il se recognoist es choses corporelles. Dites-nous donc en quelle facon cela se peut faire. R. F. En ce poinct il me semble y auoir de la difference entre les choses corporelles & incorporelles, cõme aussi l'a recognu S. Thomas employant ce mesme argument dont vous vous estes seruy, lors qu'il traite cete question, si l'Ange se cognoist

luy-mesme. Mais pour ne parler que de l'entendement, à la verité de dire qu'il s'entend en la mesme sorte qu'il entend tout le reste, par cete vnion qui se faiçt de luy avec les choses intelligibles entant qu'il en est du nombre, il n'y a point d'apparence : non plus que de dire qu'il s'entéd non comme intellect; mais comme vn estre intelligible. L'entendement ne s'entend pas luy-mesme par l'espece; à l'exemple des choses qui ont vn estre materiel: mais par reflexion, comme il se faiçt ordinairement es choses immaterielles. Nostre entendement donc a deux actions, l'vne droicte, par laquelle il cognoist quelque chose: l'autre reflechie, par laquelle il cognoist qu'il co-

gnoist, & qu'il a la puissance de cognoistre. Et toutesfois cete reflexion par laquelle il se replie & redouble luy-mesme, ne le faiçt point pour cela davantage agent & patient, non plus que le sens qui void ensemble le blanc & le noir, n'est point pourtant contraire à soy mesme.

PSYCHIMEDE. Combien que ces questions ne soyent ny sans fruiçt, ny trop esloignées de la matiere dont il s'agist icy, toutesfois afin d'approcher encore plus pres de nostre subiect, ie desirerois dès l'étree estre resolu de la doute qui m'est venue en pensee, lors que entre diuerfes opinions vous auez rapporté, & ce me semble improuué cellescy, que nos ames sont cōme estin-

elles de ce feu diuin, comme rayons de ce grand soleil, & parties de la lumiere celeste. Quelle absurdité trouuez vo⁹ à aduoüer vne chose à la confession de laquelle semblent s'accorder non seulement les tesmoignages de plusieurs doctes hommes, mais aussi de la saincte escriture? Le vous pourrois alleguer l'authorité de ces anciens philosophes dont parle Plutarque, qui estimoyent la substance de l'ame n'estre autre chose qu'une lumiere. Je vous dirois encore que l'usage de parler des Grecs qui appelloyent l'homme $\phi\omega\tau\alpha$, parauenture estoit fondé sur cete consideration. Mais pour employer la deposition de tesmoins plus irreprochables, nous lisons assez souuent en la sain-

ete escriture que Dieu est appelé lumiere, & particuliere-
ment S. Jean l'Euangeliste par-
lant de nostre Seigneur dict
qu'il est la vraye lumiere qui il-
lumine tout homme arriuant
en ce monde. Or puis que nous
apprenons d'ailleurs que l'hō-
me est formé à l'image de
Dieu, dictes-moy ie vous prie
où est-ce que cete image de
Dieu & cete lumiere dont il
nous esclaire en nostre nais-
sance se recognoist mieux qu'en
nostre ame? Ainsi à mon aduis
se semble auoir entēdu Cassio-
dore, lors qu'ayant reietté l'o-
piniō de ceux qui attribuoyēt
à l'ame vne substance de feu
tousiours agissant par la mobi-
lité de son ardeur, & viuifiant
toutes les parties du corps par
sa chaleur naturelle, *Nos autem,*

dict-il, *lumen esse potius non improbè dixerimus propter imaginem Dei.* Et vn peu apres, *His itaque rebus edocti lumen aliquod substantiale animas habere haud improbè videmur aduertere, quando in euangelio legitur lumen quod illuminat omnem hominem venientem in hunc mundum.* Tertullian discourât de l'effigie de l'ame rapporte la vision d'une sainte dame, qui auoit ordinairement plusieurs reuelations particulieres de l'esprit de Dieu. Vn iour entre les autres au retour du seruice diuin, durant lequel son esprit auoit esté tousiours en ecstase, elle raconta qu'elle auoit veu en son rauissement cōme l'effigie corporelle d'une ame, qui estoit lumineuse, de couleur etheree, & de forme humaine. Vn certain mo-

derne entre plusieurs definitions de l'ame extraictes ce semble de la doctrine de Platon, commence par celle-cy, *Anima humana est lux quedam diuina ad imaginem verbi, cause causarum, primi exemplaris creata, substantia Dei sigilloque figurata, cuius character est verbum eternū.*

Montrez-nous ie vous prie l'effect de cete lumiere en l'esclaircissement de ce point.

R. F. Ce n'est pas chose nouvelle de voir que ceux qui ont ignoré la vraye nature de ce qui est plus caché à nostre cognoissance, ayent pris les plus eminentes qualitez pour la substance de la chose, cōme il est arriué au subiect duquel nous traictons. Ainsi les anciés Mages qui establissoyent deux substances en Dieu, luy don-

noyent la lumiere pour son corps, & la verité pour son ame. Et de là semble estre descédue l'erreur des Manicheës, qui croyoient que Dieu estoit vne certaine lumiere corporelle, & que nostre ame estoit vne partie de cete lumiere attachée à nostre corps. Raby Moses estoit de la mesme opinion. Car comme quelques-uns ne rengeoyēt soubs la providēce de Dieu sinon les choses incorruptibles, à tout le moins les corruptibles non selon les indiuidus, mais seulement selon les especes, en cōsideratiō desquelles elles sont incorruptibles. De cete generalité des choses corruptibles Raby Moses exceptoit l'homme, à cause, disoit il, de la splendeur de l'entendement qu'il

tient de Dieu. Mais ie prens cete lumiere plustost pour vne qualité lumineuse qui red nostre ame susceptible de la cognoissance des choses, que pour la substance de l'ame: & pense que comme toutes les graces & les dons souuerains nous sont octroyez du ciel, & descendēt du Pere des lumieres; aussi ce flambeau de la raison qui reluit en nostre ame, & qui nous distingue d'avec les bestes brutes, vient de la mesme source. C'est cete image & semblance de Dieu, ce caractere imprimé en nos ames, cete clairté qui nous est communiquee par celuy qui illumine tout homme venant en ce monde, de laquelle mesme Dauid semble auoir entendu ce verset dont les Hebreux conti-

nuent la liaison en cete maniere; *Multi dicunt, quis ostendit nobis bona? Signatum est super nos lumen vultus tui Domine.* Comme si pour satisfaire à la demande de ceux qui s'enquierent d'où nous vient ce don de la cognoissance de tant de choses, le Psalmiste respondoit, Seigneur vous avez imprimé en nostre ame la lumiere de vostre face. Platon en ses liures de la republique faict vn certain rapport du soleil à Dieu, & de nostre œil à l'ame; en ce que comme nostre œil n'est pas le soleil, mais il emprunte de luy vne clairté par laquelle il void toutes choses, & toutes fois ne peut voir cete grande lumiere en sa source: de mesme nostre ame n'est pas Dieu, mais elle en a quelque image;

& comme vne fille qui ressemble à son pere elle en retient quelques traits, recognoissables singulierement en cete lumiere par laquelle elle entend toutes choses, excepté que durant cete vie elle ne peut voir la splendeur de ce grãd Soleil en sa source. Sainct Augustin reprenant l'opinion de ceux qui disoyent que nostre ame est vne certaine lumiere qui fait mesme paroistre quelques estincelles de sa lueur par les rayons de nos yeux, aduouë que l'ame par le ministere de ces messagers reçoit biẽ quelques especes des obiects corporels, mais neantmoins qu'elle est d'vne nature tellement differẽte, que quand elle veut entendre ou Dieu, ou les choses diuines, ou soy mesme, tant

s'en faut qu'elle mendie cete clairté des yeux pour cōprendre quelque chose de vray ou de certain, que plustost elle en destourne l'vsage, non seulement comme ne seruant de rien, mais comme empeschant mesme les fonctions de la lumiere interieure, & ne l'employe que pour cognoistre les couleurs & les formes corporelles.

E V P O R E. Je poursuyuray s'il vous plaist ce qui a esté maintenant discoursu de la formation de l'homme, & vous diray que cete interpretation de quelques anciens n'estoit pas sans apparence, Dieu a fait l'homme à sa semblance, c'est à dire a créé nostre ame de sa substance. Car il est vray-semblable que tout ainsi com-

me en la generation de l'homme vn corps engēdre vn corps de sa substance, aussi en la production de l'ame vn esprit fait vn esprit, si que l'vn & l'autre tient de l'essence de son principe. Et quand Mercure Trismegiste a dit en son Pimandre que ceste souueraine intelligence qui est la vie & la lumiere a enfanté l'homme semblable à soy, & l'a aimé comme son propre enfant, d'autant qu'il estoit parfaitement beau, aiāt l'image de son pere, il semble par la similitude de l'enfantement nous auoir voulu faire entendre que nostre ame comme fille de son Createur est vne parcelle de sa substance, ne plus ne moins que l'enfant au dire des Iuriconsultes est vne partie des entrailles de la

mere. Aussi le poëte ingenieux
 dès le commencement de ses
 metamorphoses faiçt l'honneur
 à cete sainte creature de l'ex-
 traire de la semence de Dieu,

*Sanctius his animal, mentisque ca-
 pacius alta,*

*Deerat adhuc, & quod dominari in
 cetera posset*

*Natus homo est: siue hunc diuino
 semine fecit*

*Ille opifex rerum, mundi melioris
 origo,*

Sive recens tellus, & ce qui s'en-
 suit. En quoy ie rapporte cete
 terre recente à la formatiõ du
 corps, & la semence diuine à
 celle de l'ame, qui par la no-
 blesse de son origine, par l'ad-
 mirable beauté de l'image
 qu'elle portoit de son Crea-
 teur, par ce miroir, & si i'ose di-
 re cõmunication de substance

70 DE L'ORIGINE
de la diuinité, se rendoit tout
ensemble aimable & redouta-
ble au reste des animaux,
*-- & quod dominari in cetera posset,
Natus homo est.*

R. F. Je sçay bien de vray que
quelques-vns ont attribué à
cete image de l'essence diuiné
qui reluit en l'homme l'auan-
tage qu'il a d'estre craint & ai-
mé des autres animaux: com-
me de l'elephant, que Pline
rapporte enseigner fauorable-
mēt le chemin à ceux qui sont
esgarez, & au contraire trem-
bler d'apprehension aussi tost
qu'il recognoist les vestiges
des hommes: comme des ti-
gres, lesquelles espouuenta-
bles aux autres animaux, à la
rencontre de l'homme sont
tellement espouuētées, qu'el-
les transportent leurs petits en

vn autre lieu. Damis en Philostrate s'estonnoit de voir vn ieune garçon de treize ans qui conduisoit vn elephant, & en vn age si infirme se faisoit obeir par vn si puissant animal. Mais supposé que nous eussions encore cete prerogatiue sur tous les animaux, comme on dict nostre premier pere l'auoir eue en son estat d'innocence, ie n'aduouërois pas pourtant que cet effect deust estre necessairement rapporté à l'image de Dieu. Et quand bien ie l'aurois accordé, encore ne s'ensuyuroit il pas pour cela que nostre ame fust partie de l'essence diuine. Au cōtraire me voudrois ie seruir de cet argument pour en tirer vne consequence repugnante à cete opinion. Car puis qu'vne

chose ne peut estre la mesme que celle à qui seulement elle ressemble, il s'ensuyt que l'homme ayant esté créé semblable seulement à son Createur, il ne peut estre de mesme substance: nō plus que la peinture qui represente seulement quelque objet, ne peut estre la chose mesme qui est representee. Rapportez donc si vous voulez cete image ou au commandement donné à l'homme sur les bestes, selon l'interpretation de saint Iean Chrysostome & de saint Augustin: ou selon saint Thomas à l'excellence de ce qui rend l'homme eminent par dessus toutes les creatures, sçauoir est la raison & l'intellect: puis que le texte de la Genese semble fauoriser l'vne & l'autre interpretation,

en ce qu'après ces paroles *Faciamus hominem ad imaginem & similitudinem vestram*, incontinent il est dict, *& presit piscibus maris*, &c. Ou bien selon saint Bernard à la conuenance qui se remarque de la volonté, la memoire, & l'intellect, en vne seule ame: avec le Pere, le Fils, & le Saint Esprit, trois personnes en vne mesme essence. Bref s'il vous plaist encore rapporter cete image aux qualitez de l'ame plus approchantes de la diuinité, comme d'estre immortelle, inuisible, intelligente, incorporelle, selon S. Gregoire de Nyse, ien'y contrediray point: mais d'y enuelopper aussi la substance de Dieu, ie n'y puis consentir.

THEODORE. Tandis que nous sommes sur les autori-

tez de la Genese, permettez que i'en tire encore vn passage, pour essayer de redre à nos ames la noblesse de l'extractiõ que vous leur voulez oster par vostre discours. Il est dict que Dieu apres auoir formé l'hõme du limon de la terre inspira en sa face le soufle de vie, *Et factus est homo in animam uiuentem.* Est ce pas vne coniecture assez suffisante pour mōstrer que de ce premier soufle l'ame ait aussi bien tiré l'origine de sa nature comme elle a fait de son nom, s'il est vray que ce mot *anima* soit descendu de *ἀνεμος*? Nous lisons bien en Plutarque l'opiniõ des Stoiciẽs auoir esté que l'ame n'est autre chose qu'vn esprit ou vn vent chaud. Nous y trouuons bien que Anaximenes & Ana-

xagoras maintenoyent l'ame estre de nature d'air. Mais quand nous apprenons d'un plus authentique tesmoignage que ce vent & cet air est inspiré de dieu mesme, que pouons nous conclurre sinõ que l'ame est vn esprit procedant de l'esprit de Dieu, tout ainsi que le corps est engendré du corps ? Ceux qui subtilisent sur l'etymologie ou proprieté des termes, nous veulent persuader que la formation du corps est appelée creation, du nom Grec *κρεας* qui signifie chair : & la productiõ de l'ame est appelée inspiration, de cet esprit qui dès le commencement anima le corps du premier homme. Que si cete coniecture ne vo⁹ semble du tout receuable, au moins à mon ad-

uis ne pouuez vous nier cete difference qui se trouue exprimée en la creation des animaux. Quât aux bestes brutes tant pour le regard de l'ame que du corps elles n'ont point d'autre origine que la terre, *Producat terra animam viuentem.* Mais quant à l'homme, pour monstrier que son ame & son corps ont diuers principes, Moïse nous enseigne que le corps fut moullé premiere-ment de terre, puis apres il recut exterieurement de Dieu l'infusion de l'esprit, *Factus est in animam viuentem*: Le Chaldeen dit *אָנִימוּסָא*, *animatus est*, A cela me semble merueilleusement bien se pouuoir rapporter la doctrine d'Aristoteés liures de la generation des animaux, quand il discourt

que l'ame vegetative & la fen-
 sitive font bien du commen-
 cement en la semence, sinon
 aétuellement, à tout le moins
 en puissance, & que par pro-
 grez de téps l'vne vient apres
 l'autre, mais qu'elles n'õt tou-
 tes deux autre principe que la
 generation: la seule ame rai-
 sonnable & intellectuelle, dit-
 il, survient de dehors, & seule
 est diuine. λέγεται δὲ τὸν νῦν μόνον
 εἶσαθεν ἐπιπίνααι, καὶ εἴλου εἶσαι μόνον.

R. F. Cete autorité de la Ge-
 nese a vrayemēt quelque cou-
 leur, & pour ce ne m'estonne
 ie pas si elle a deceu si facile-
 ment plusieurs anciens, & mes-
 me Lactance. C'est ce passage
 lequel a principalement don-
 né occasion à la rage (ainsi l'a
 puis-je appeller apres Theo-
 dorēt) de Cerdon, & encore à

Marcion, de croire que l'ame estoit vne partie de la substance de Dieu. Mais tant s'en faut que ces paroles *spiraculum vite* doiuent estre prises pour l'esprit de Dieu, que plustost elles signifient l'emission d'vne chose estrangere. Car comme celui qui respire pousse dehors vne haleine qui ne fait aucune portion de sa substance, aussi Dieu inspirant en cete masse inanimée du premier homme l'esprit de vie, il luy communique vne chose de toute autre nature que la sienne. Et puis, qu'elle apparence y a-il de tirer de cet exemple singulier vne consequence vniuerselle de la creation des ames? Non plus certes que de vouloir reduire la production ordinaire de nos corps à l'exemple de la

formation de celuy d'Adam, Et quoy? si le soufflé de Dieu est la seule cause de l'estre de nos ames, d'où est venue l'ame d'Eue, sur la face de laquelle Dieu ne souffla point cet esprit de vie? D'où est-ce que Cain & Abel, & pour comprendre en vn mot toute la posterité, a eu ces ames que Dieu ne leur a point particulièrement cōmuniquées par son soufflé? Mais au contraire lors que nostre Seigneur apres sa resurrection donna le saint Esprit à ses disciples, & que selon le tesmoignage de S. Ieã *insufflauit eis*, dirons nous que par ce soufflement il leur ait donné de nouvelles ames? C'est vne mesme espece d'action, qui selon la diuerse intention de son autheur a produit des effects.

dissemblables. L'Esprit de vie fut communiqué à Adam par le souffle de Dieu, pour lui faire cognoistre la grâdeur de sa prerogative. Le saint Esprit fut donné aux Apostres sous l'espece du souffle, pour monstret la puissance du ministere en la dispensation des sacrements. Et n'est point hors de nostre propos cete remarque de saint Augustin, qu'en S. Iean est exprimé le mot *πνεῦμα* qui se prend communément pour le saint Esprit : & en la Genese le terme *πνῆ*, qui signifie toute sorte de souffle, pour monstret que Dieu non de sa propre substâce, mais d'un rié a soufflé l'ame de l'homme. A quoy se rapporte aussi dedans saint Irenee la distinction de *πνῆ ζωῆς*, & *πνεῦμα ζωοποιῶν*, le

soufflé de vie, & l'esprit viui-
 fiant: dont l'vn faict l'hom-
 me animal, l'autre spirituel.
 L'adiousteray volontiers pour
 l'illustration de ce poinct vn
 discours de saint Athanase,
 dont voici la substâce. L'Amē
 se trouue de deux fortes, dont
 l'vne qui appartient aux bestes
 brutes est irraisonnable, tiree
 de terre, & dōt les desirs & les
 affectiōs attachees à la terre
 n'ont aucun soing des choses
 celestes: l'autre qui appartient
 aux hommes est raisonnable,
 inspiree de Dieu, & pour cete
 occasiō capable de la cognois-
 sance des choses celestes & di-
 uines. Il ne faut pas toute-
 fois estimer que cet esprit que
 Dieu a soufflé en l'hōme soit
 faict amē, mais seulement qu'il
 donne à l'ame son accomplis-

fement & sa perfectiõ. Car autrement si l'ame de l'homme estoit de cet esprit, elle seroit de l'essence de Dieu, & par cõsequent exempte de changement & d'alteration, tout ainsi que Dieu mesme. Or est-il que l'ame est tantost sage tantost folle, quelquesfois iuste quelquesfois pecheresse, ores croyantẽ & ores incõduble, du commencement ignorante & puis apres sçauante, quelquesfois prompte & quelquesfois tardiue : lesquelles mutations ne se rencontrent point en Dieu. Iusques icy saint Athanase, par le discours duquel i'aurois enuie de terminer le mien, si ie n'estimois encor à propos de dõner vn petit mot de censurẽ à ce qui a esté dit en passant de l'opiniõ de ceux

qui croient l'ame n'estre autre chose sinon vn vent ou vn air. Il est probable à mō aduis que les autheurs de cete vieille erreur se sont principalement appuyez sur ce qu'il sēble que nous viuōs par l'attraction de l'air qui nous enuironne. Au moins estoit ce le fondement sur lequel Anaximenes establissoit la croyance qu'il auoit que l'air fust le principē de l'ame, comme de tout l'vniuers: puis que, disoit-il, comme l'on void l'air entretenir toutes choses en leur estre, & toutes choses se resouldre en luy, aussi nostre ame n'estant qu'air retient en vie nostre corps, qui doit apres la mort se resouldre en ce mesme principe. Varron nous a laissé des vestiges de cete doctrine, quand il a desiny

l'ame vn air conceu dedans la bouche , refroidy dedans le poulmon, tiedy dedás le cœur, espádu par le corps. Et ne faut point selon mon iugement chercher ailleurs l'occafion de ce que plusieurs autheurs ont vsurpé ce mot *anima* tantost pour l'haleine, & tantost pour le vent. De la premiere façon de parler suffiront ces exemples, où ce terme euidentmēt est pris pour l'haleine, *Interea fœtida anima nasum oppugnat*, dedans Titinnius. *An fœtet anima tua uxori?* dedans Plaute. *Ieiuniatatis plenus animam fœtidat*, dedans le mesme poëte. *Anima leonis virus graue, vrsi pestilens*, dedans Plinē. A la seconde signification, qui se rapporte au vent, fauorise l'etymologie cy deuant remarquee de ce mot

anima tiré de *ἀνιμος*. Et l'usage de parler se trouue aussi confirmé par ces vers,

Auratumque leues anima, calidique vapores, dedans Lucrece.

Quantum ignes anima que valent, dedans Virgile.

Ne quid anima forte amittat dormiens, dedans Plaute.

Mais pour ne m'arrester dauantage à refuter cete erreur, ie me seruiray seulement de la raison que Lactance Firmian oppose à la definition de l'ame inuentee par Varron. Si l'ame n'estoit autre chose qu'un air conceu dedans la bouche, il s'ensuyuroit qu'elle ne commenceroit à viure qu'à l'instât qu'elle reçoit premierement cet air. Or est il certain que l'ame est faicte long temps au parauant que l'enfant soit capa-

ble de receuoir cet air par la bouche, l'amén'est d'oc point simplement vn air ou vn vent.

P O L I D. Ces argumens puisez de l'escriture saincte meritoient à la verité tenir le premier lieu, mais ie ne laisse pas pourtant de me promettre que vob⁹ aurez aggreable la suite que ie leur veux donner de ce petit traict de l'escolle. Toutes choses qui ont estre, & ne differēt en rien, sont vnies : Dieu & l'ame de l'homme sont de cete qualité : ce n'est donc qu'une mesme chose. Je dis que ces choses ne different en rien, parce que si elles estoient differentes, il s'ensuyuroit aussi qu'elles seroyent composees, sinon d'autres choses, à tout le moins de similitudes & de differences ; ce qui repugne à la

simplicité que no⁹ recognoissons en Dieu.

R.F. Toute la force de vostre argument cōsiste en cete proposition que ie ne puis laisser passer pour veritable : Toutes choses qui ne sont point différentes sont vnes : parce qu'encore qu'elles ne soyent pas différentes à proprement parler, si peuuent elles estre diuerses. Il est bien vray que toutes choses différentes necessairement sont diuerses, mais toutes celles qui sont diuerses ne sont pas différentes. Et le Philosophe nous enseigne fort bien qu'il y a beaucoup à dire entre *ἐτερότης* & *διάφορα*. La diuersité peut estre entre les choses simples, la difference ne se trouue qu'entre les composees. La diuersité se considere abso-

liement & à par soy ; la différence au regard de quelque autre chose. Il n'est pas nécessaire, dict Aristote, que ce qui est diuers soit en quelque chose diuers de ce dont il est diuers : mais ce qui est différent doit en quelque chose differer de ce dont il est différent. Ainsi la simplicité qui est en Dieu n'exclud pas la diuersité qui empesche que luy & nostre ame soyēt reputez vne mesme chose : mais elle exclud bien la difference, d'autant que la difference qui est entre deux choses monstre qu'entr'elles mesmes il y a quelque conuenance, & par consequent que ces choses sont composees de similitudes & de differences. Et pour conclure en vn mot, la difference n'est autre chose

que ce qui separe les especes comprises sous son mesme genre, ou les genres compris sous vne mesme substance.

Or Dieu & nostre ame ne peu- uët estre compris ny sous vn mesme genre, ny sous vne mesme substance: il n'y a donc point entr'eux de difference, mais de diuersité seulement.

Puisque vostre silence m'ob- lige de faire icy la fin, Mes- sieurs, il suffira d'auoir exami- né ce iourd'huy la premiere opinion qui s'est presentee sur nostre subiect; le remettray les autres, si vous l'auetz ag- greable, à la prochaine assem- blee: car on auroit sçeu par ce grand discours par quelle voye on se feroit à l'ame. Il y auroit en- core à dire sur ce subiect, mais on ne le fera point.



SECOND DISCOVRS.

MESSIEVRS, Comme ceux là me semblent fort louïables qui par l'interieur resentimēt de leur infirmité sont retenus de s'informer trop curieusement des sectets que Dieu no⁹ veut estre incogneus : aussi ne puis ie excuser la nonchalance de ceux qui méspisent la cognoissâce de ce thresor precieux qui porte l'image de son Createur, & dont la marque honorable nous donne vn si grand aduātage par dessus les autres creatures. Illustre marque de nostre extraction, qui nous doit inciter de plus en

plus non seulement à admirer la grandeur de l'ouurier en son ouvrage, mais encore à rechercher la nature de l'ouvrage d'un si admirable ouurier. Certes s'il est ainsi que Dieu n'a mis à autre fin la lumière en ce monde que pour nous faire voir le monde, nous pouuons sans presumption estimer que la lumière qu'il a mise en nos ames sera bien à propos employée à la contemplation de la grandeur & l'origine de ce noble chef-d'œuvre qui nous rend superieurs au reste de toutes les creatures. C'est pourquoy Platon en son Timee exhorte l'homme à s'efforcer de se cognoistre tant qu'il luy est possible, & se remettre deuant les yeux que Dieu luy a assubiecty tout ce qui est au dessous

de la lune, de peur que ne cognoissant pas sa dignité il s'abbaiffast au deffoubs de ce qui luy est inferieur. Vincentius Victor par la mesme raison autrefois condamnoit cete negligence qui rend quelques hommes quasi semblables aux bestes brutes; pour ne recognoistre pas comme il faut ce caractere qui nous distingue d'avec elles; & mesme accõmodoit à ce propos le passage de l'escriture sainte, *Homo cum in honore esset non intellexit, propterea comparatus est iumentis insipientibus, & similis factus est illis.* Les animaux qui ont la teste panchee vers la terre ne pourchassent rien si non ce qui est de la terre: & le pourceau, disent les naturalistes, a les prunelles des yeux tellement disposees qu'il

ne peut regarder le ciel. Mais
 puis que Dieu nous ayât doüé
 d'une plus belle forme,

*Os homini sublime dedit, cælumque
 videre*

iusit, & erectos ad sidera tollere

vultus, il semble par là nous
 inuiter à la recôgnôissance de
 particulier priuilege: C'est ce-
 te considération principale-
 ment qui m'a donné le premier
 desir, & qui me continue en-
 core le courage d'entrepren-
 dre avec vous la recherche de
 l'origine de nos ames. Et puis
 que nous auons desia combat-
 tu le party de ceux qui les font
 consubstantielles à Dieu, ex-
 aminons encore auiourd'huy
 la diuersité de tant d'autres o-
 pinions qui se rencontrent sur
 ce subiect. Quelques vns ont
 donné tant d'auantage à l'ame

que la faisans presque aller du pair avec Dieu ils se la figuroyent exempté de commencement. Telle estoit la croyance des anciens Mages, qui establissoyent en general trois principes; Oromasis, Mitris, & Ariminis, c'est à dire Dieu, l'intelligence, & l'ame: de sorte que selon leurs traditiōs l'ame estoit vn principe qui ne tiroit point son origine d'ailleurs. Plusieurs autres ont suiuy cete erreur, estimans qu'il estoit conuenable que ce qui n'auoit point de fin, cōme l'ame, n'eust point aussi de commencement. Mais Lucrece destournant au contraire la consequence de cete raison, estime que l'ame est engendrée avec le corps, & partāt qu'il est necessaire qu'elle soit esteinte ensemble avec

le corps. Et comme ceux-là supposans vne eternelle duree de l'ame en ont inferé vn principe eternel, aussi celui-cy presupposant au contraire que l'ame auoit vn mesme commencement que le corps, a conclu qu'elle deuoit auoir mesme fin. Tellement qu'apres auoir monstré la société de la naissance, de l'augmentation, de la vieillesse, de la decadence, & des infirmitéz communes à l'vn & à l'autre, finalement il en determine le mesme de la mort.

*Præterea gigni pariter cum corpore,
& vna*

*Crescere sentimus, pariterque senescere mentem. Et vn peu apres,
Quare participem lethi quoque conuenit esse.*

Et toutesfois cōme il est sou-

uent arriué que ceux qui philosophoyent sur l'origine de l'ame se sont trouuez contraires non seulement aux autres, mais encore à eux-mesmes, selon que vous verrez par la suite de nostre discours, aussi le mesme auteur ne se souuenât pas de ceste premiere proposition, a depuis escrit que l'ame estant du commencement descoulee du ciel, y deuoit retourner encore apres la mort du corps.

Cedit item retro de terra quod fuit ante

In terram, sed quod missum est ex aetheris oris,

*Id rursus cœli fulgentia templa re-
ceptant.*

Certes cete derniere opinion semble auoir esté plus cõmune-
ment receuë par toutes les
nations

nations, des Caldeens, des Egyptiens, des Hebreux, & des Grecs : qui presque d'un consentement mutuel ont reconnu que les ames estoient diuines, c'est à dire qu'elles auoyent quelque societé avec Dieu, & qu'estant creées de Dieu premierement, elles estoient depuis descédues du ciel pour estre ioinctes aux corps. Ils consideroyent que l'origine des ames ne se pouuoit trouuer en terre, & ne descouurans en ce monde aucun lieu d'où elles peussent sortir, ils iugerent incessamment qu'il falloit qu'elles vinssent du ciel, auquel tous les mortels selon le dire d'Aristote establissent le siege du grand Dieu : & lequel est appelé par le mesme auteur tantost vn corps diuin, tantost le

domicile des dieux. Dont ils conclurēt en fin que l'ame ne deuoit recognoistre que Dieu pour son autheur, le ciel pour le lieu de sa naissance, & la terre pour sa prison, pour son domicile, ou plustost son passage. Pythagoras, Origene, & presque tous les Platoniciens ont creu cete descēte des ames, & cete origine celeste. Plusieurs aussi des Latins ont eu la mesme opinion. Et s'il vous plaist que ie recueille leurs voix, premierement ie vous produiray ce qu'en escrit Ciceron en ses questiōs Tusculanes, & en ses liures de la nature des dieux. I'y adiousteray ce suffrage d'ouide en ses liures de l'art d'aimer,

Sedibus ætheris spiritus ille venit.

Si vous demandez à Macrobe

ce qu'il en pense, il vous dira qu'il tient cete opinion pour chose arrestee & comme indubitable entre les bons philosophes, *animarum originem manare de cælo*. Si vous interrogez Boëce là dessus, il n'y sera pas grandement refractaire : au moins y a-il apparence qu'il en ait creu quelque chose quand il luy est eschappé de dire

Hic clausit membris animos

Celsa sede petitos. Si vous en voulez auoir l'aduis de Senecque, feuilletons ses cahiers, & nous n'y trouuons quasi rien plus frequent que cete consideration, de laquelle il se fert en vne infinité de diuers subiects. Car soit qu'il veuille exciter l'esprit humain à la contemplation des choses du ciel, il luy propose sur tout le desir

naturel qui le doit porter à la recherche des objets diuins & celestes , comme les plus conformes au lieu de son origine. *Cùm illa tetigit, alitur, crescit, ac velut vinculis liberatus in originem redit: & hoc habet argumentũ diuinitatis suæ, quod illum diuina delectant.* Soit qu'il veuille représenter le bonheur de ceux qui sont partis de ce mōde en leur premier aage, il employe cete mesme raison, que les esprits trauersent plus legèrement le chemin qui les conduict au lieu de leur origine, quand ils ont moins faict de seiour sur la terre, où les souilleures de la conuersation ordinaire du monde leur eussent apporté de la pesanteur & du retardement. *Facilius ad superos iter est animis citò ab humana con-*

uersatione dimissis. Minus enim facis ponderisque traxerunt, antequam obduceretur, & altius terrena conciperent, liberati, leuiore ad originem suam reuolant, & facilius quidquid est absoluti transfluunt.

Soit qu'il descriue la nature de l'ame, qui est toujours en actiō, impatiente de repos, aimant la nouueauté, il en rapporte la cause à sa premiere source, *Quod non miraberis si propriam eius originem aspexeris. Non ex terreno & graui concreta corpore, ex illo cœlesti spiritu descendit. Et en vn autre lieu, nititur animus illo unde dimissus est, ibi illum eternarequies manet.* Or encor que tous ces anciens se foyent cōme en gros accordez touchāt cete descente des ames issues du ciel en general, toutesfois il se trouue en detail beaucoup

de diuersité entre leurs opinions touchant la maniere de cete descente & la formation des ames. Car les vns ont pensé que Dieu en auoit certaine quantité reseruée comme dedás vn magasin, pour les distribuer puis apres à chasques corps à mesure qu'ils viendroyent en ce monde. Aucuns les ont fait naistre de la substance de Dieu, comme nous auõs discourtuy cy deuant: les autres de la ruine ou la conuersiõ des Anges, de la cheute des estoilles, ou du retrenchement de quelque portiõ du ciel. Saint Hierosme touche cete diuersité avecque quelques autres en l'vne de ses epistres dont ie vous rapporteray tout au long la teneur. *Super anima statu meministi vestrae questiuncula, imò ma-*

*ximè ecclesiastica questionis, utrum
 lapsa de cœlo sit, ut Pythagoras phi-
 losophus, omnesque Platonici, & O-
 rigenes putant: an à propria Dei sub-
 stantia, ut Stoici, Manichæus, &
 Hispania Priscilliani hæreses suspi-
 cantur: an in thesauro habeantur Dei
 olim condita, ut quidam Ecclesia-
 stici stulta persuasione confidunt: an
 quotidie à Deo fiant, & mittantur
 in corpora, secundum illud quod in
 euangelio scriptum est Pater meus
 usque modo operatur, & ego operor:
 an ceriè ex traduce, ut Tertullianus,
 & Apollinarius, & maxima pars oc-
 cidentalium autumant, ut quomodo
 corpus ex corpore, sic anima nasca-
 tur ex anima, & simili cum brutis
 conditione subsistat. Le mesme S.
 Hierosme en vn autre endroit
 rapporte à ce mesme propos
 ces paroles de Rufin, sur les-
 quelles puis apres il donne fa*

censure, Legi quosdam dicentes: quod pariter cum corpore per humani corporis traducem etiam animæ diffundantur, & hæc quibus poterant assertionibus confirmabant: quod pu- to inter Latinos Tertullianum sen- sisse, vel Lactantium, fortassis & nonnullos alios. Alij asserunt quòd formatis in vtera corporibus Deus quotidie faciat animas & infundat. Alij factas iam olim, id est tunc cum omnia creauit Deus ex nihilo, nunc eas iudicio suo nasci dispenset in cor- pore. Hoc Origenes & nonnulli alij Græcorū. Iean Euesque de Hie- rusalem fut iadis soupçonné d'adhérer aux opinions erro- nees d'Origene & des Arrians, entre lesquelles cete cy se trouue remarquee en vne epi- stre du mesme S. Hierosme, que les ames sont attachees aux corps, & resserrees comme

dedans yne prison : qu'au parauant que l'homme fust formé en Paradis, elles faisoient leur seiour au ciel parmy les creatures raisonnables, & qu'apres la mort estant deliurees de leur captiuité elles doiuent encore retourner au lieu de leur premier repos. Synesius en ses epistres dit qu'il n'estimera iamais l'origine de l'ame posterieure à celle du corps, *ἀμείλιχ πένθος ἐν ἀξιώσει τοῦ σώματος ὑπερβολὴν ποιεῖν.* Et S. Gregoire de Nyssc en son traicté de la formation de l'homme s'efforce de demonstret par la deduction de plusieurs raisons que l'ame n'est faicte ny au parauant le corps ny apres. Mais de cecy nous traicterōs en son ordre. Retournons aux anciés philosophes. Pline dict que

Hipparchus ne peut estre assez
 loué, parce que personne n'a
 prouué si clairement que luy
 l'alliance que nous auons avec
 les estoilles, & cōme nos ames
 sont vne partie du ciel. Hera-
 clite dedans Macrobe appelle
 l'ame vne estincelle de l'essen-
 ce des estoilles. Platon tient
 que l'ame est comme vne tier-
 ce espee composee de deux
 diuerses substances, l'vne diui-
 sible, l'autre indiuisible & par-
 ticipante de ce qu'il nomme
 l'Autre & le Mesme. Et pour
 ceté occasiō ceux qui ont sui-
 uy sa doctriñe ont rapporté la
 compositiō de l'ame au nom-
 bre de cinq, lequel est compo-
 sé du premier pair, à sçauoir
 deux qui est diuisible en ega-
 les parties, & du premier im-
 pair, à sçauoir trois, qui est in-

diuisible en parties egales. Quelques vns ont creu que les ames estoient dōnees de Iupiter en la naissance des hommes, & qu'en mourant puis apres on les luy rendoit comme vn depost. Les autres ont estimé que l'enfant au parauant sa naissance estoit nourry naturellement dedans le ventre de sa mere, comme vne plâte dedans la terre: mais qu'aussi tost qu'il sortoit en lumiere le refroidissement de l'air enuirōnant l'animoit, & que pour cette cause le mot Grec qui signifie l'ame estoit tiré de la refrigeration, ψυχή de ψυχόν. Etymologie que saint Athanase escrit auoir esté premierement inuentee par quelques esprits grossiers, qui mal à propos attribuoient vne qualité froide

à l'essence de l'ame. C'estoit neantmoins l'opinion de Chrysippus selon le rapport de Plutarque au traicté qu'il a faict des contrarietez des Stoïques. Aussi estoit elle de Hicesius, selon que Tertullian nous le tesmoigne en ces termes, *De qua sceleris necessitate nec dubitabat credo Hicesius, iam natis animã superducens ex aëris frigidi pulsu, quia & ipsum vocabulum anima penes Græcos ex refrigeratione respondens.* Oû il reiette vn peu apres cete erreur d'vne plaisante façon, quand il demande si les Barbares & les Romains sont animez d'vne autre maniere que les Grecs, puis qu'ils appelét leur ame d'vn autre nom que ψυχή. Et faict vne autre question, comment il se peut faire que l'on rencontre des

peuples animez. és regiõs chaudes, puis qu'elles sõt despourueues de cete qualité à laquelle on attribue le principe de l'ame. Et de vray si la formation de l'ame dependoit du froid, il est vray semblable que les pl⁹ beaux esprits naistroiët aux pais les pl⁹ froids, où l'experience nous fait voir au contraire que les plus subtils se trouuent ordinairement és plus chaudes contrees. Ce qui a fait dire autrefois à Galieë qu'ë Scythie, qui est vne region Septentrionale, il s'est rencontré par merueille vn Philosophe, & à Athenes tous quasi naissent tels. Aussi Plutarque a remarqué la contradiction de Chrysippus, en ce que premierement ayant estably le froid pour principe de l'ame, puis

apres il a dict que l'ame estoit vn esprit plus rare & de plus subtile nature, ce qui ne peut arriuer par le froid, duquel la proprieté est d'espaissir les choses subtiles plustost que de subtiliser les espaisées. Entre plusieurs erreurs d'Origene qu'a receuilly theophile Euesque d'Alexandrie, il le reprend de ce que ne voulant tirer le nom de l'ame de sa premiere source, il aime mieux le derriuer du mot Grec qui signifie refroidissement. Mais encore qu'Origene ait suiuy les anciens en l'etymologie du mot, toutefois il en a destourné le sens à vne autre interpretatiõ. Car en ses liures *περὶ ἀρχῶν* ayant monstré par plusieurs tesmoignages que l'ame des iustes est embrasée du feu de charité,

que Dieu meſme eſt appellé vn feu conſumant, & les Anges vn feu bruſlant: quel' Ange de Dieu eſt apparu dedás le buiſſon en figure de feu. Au contraire que le mal eſt toujours ſignifié par le froid, que le diable eſt ſouuent nommé ſerpét & dragon pour ſa froideur, que d'Aquilon qui eſt froid doiuet arriuer tous les maux ſur les habitans de la terre ſelon le dire du prophete. Il tire de cete antitheſe vne coniecture, que noſtre ame pourroit auoir eu ſon nom de la refrigeration, à cauſe du refroidiſſement de cete chaleur diuine qu'elle auoit au commencement en l'eſtat de ſa perfection. Combien qu'en fin il conclud que tout ce qu'il a mis en auant touchant l'ame raifonnable

n'a point tant esté pour résoudre ny décider rien de certain, que pour soubmettre le tout à la balance du meilleur iugement des lecteurs. Aussi cete opinion avec plusieurs autres du mesme auther se trouue depuis condamnée par vn cōcile vniuersel assemblé sous l'Empire de Iustinian. Heraclite disoit que l'ame du monde procedoit de l'euaporatiō des humeurs qui se rencontroyēt en luy: & que l'ame des animaux estoit meslée tant de l'euaporation des humeurs de dehors que du dedans & de mesme gēre. Ce grād philosophe dōt les sentēces ont esté si venerables à l'antiquité, qu'ō luy donna le nom de Pythagoras, à cause que la verité de ses paroles egaloit les oracles du

Dieu Pythien , ne rencontra pas plus heureusement que les autres , lors que croyant nos ames estre plus anciennes que nous, il les faisoit passer apres la mort d'un corps en autre, iusques à rendre raisonnables par ces nouveaux changemēs les animaux qui auroyent esté auparauant irraisonnables, & d'une conuersion réciproque donner aux bestes brutes des ames humaines & raisonnables. Absurdité ridicule, & non seulement contraire à la foy Catholique, mais aussi tellement esloignée de toute apparence, que les successeurs mesme de ceux qui l'ont inuētee ont eu honte de l'aduouër, & pour cete occasion ils ont mieux aimé se persuader que Pythagoras auoit esté mal en-

tendu, que confesser qu'il auoit mal pensé. C'estoit vn moyen specieux pour couvrir cete erreur si grossiere par la faueur d'vne interpretation plus receuable: comme si quelqu'vn au contraire vouloit destourner au sens de Pythagoras la vraye intelligence de ces paroles du Psalmiste, *homo cum in honore esset non intellexit, propterea comparatus est iumentis insipientibus*: & encore de celles cy, *Ne tradideris Domine bestiis animas confitentium tibi*. Mais l'intention manifeste de ce philosophe se descouure assez par ce qu'il interdisoit l'vsage de chair, de peur que ceux qui pēseroyent manger du mouton ou du beuf mangeassent en effect quelque proche parent. Et pour la mesme raison ab-

horroit-il aussi le massacre des bestes, de crainte qu'en les tuant on commist quelque parricide execrable. *Interim sceleris hominibus ac parricidij metum fecit, cum possint in parentis animã inscÿ incurrere, & ferro morsu violare in quo cognatus aliquis spiritus hospitaretur*, disoit Seneque. S. Gregoire de Nyffe se sert de cete consideration pour reiecter l'opinion de ceux qui estẽdoyẽt ceste transmigratiõ des ames iusques aux plãtes & aux arbres. Cõmẽt, dictil, vn hõme osera-il couper les bleds, fouller les raisins, arracher les espines, ceuillir vne fleur, mettre du bois dãs le feu, puis qu'il est incertain si cete violence & cete cruauté ne s'adresse point à quelqu'un de ses parens ou ses familiers, duquel il

employé le corps à son breuvage, son aliment, son chauffage? Estrange metamorphose, & laquelle autresfois le poëte ingenieux a eü raison de mettre au reng des fables

Errat, & illinc

*Huc venit atque illic, & quoslibet
occupat artus.*

*Spiritus, éque feris humana in cor-
pora transit;*

*Inque feras noster, nec tempore de-
perit ullo. Ce font vrais tours de
passepasse, dignes plustost d'un
bastelleur que d'un philosophe
comme dés long temps Minu-
tius Felix l'a iugé. Addunt istis
& illa ad detorquendum veritatem,
in pecudes, aves, belluas hominum
animas redire: non philosophi sanè
studio, sed mimi officio digna ista
sententia est. Aussi n'est-ce pas
merueille si cete refuërie a fer-*

uy d'esgayement à tât d'escriuains qui l'ont estimee plus digne de risee que de refutation. Comme quand Lucian feint Mycillus auoir receu l'ame de quelqu'vn de ces fourmis qui fouillent l'or en Indie. Et quand il faiët philosopher vn cocq qui auoit l'ame de Pythagoras, laquelle estant premierement venue d'Apollon & descendue en vn corps humain pour subir les peines meritées, auoit animé tantost des roys & tantost des belistres, tantost des capitaines comme vn Euphorbus, tâtost des philosophes cōme Crates le Cynique, tantost des femmes impudiques comme Aspasia, tantost des cheuaux, des jays, des grenouilles. Et quand sainët Gregoire de Nyfle entre les

auteurs des fables Grecques se mocque de celuy de leurs sages qui se disoit auoir esté quelquesfois femme & quelquesfois hōme, tantost auoir volé avecque les oiseaux, ores auoir esté arbre, & ores auoir vescu dedans les eaux. Certés il parloit, dit-il, cōme vn jay sans raison, & introduisoit vne doctrine vrayement digne de la brutalité des poissons & de l'insensibilité des chesnes, de croire qu'une mesme ame peust passer en tant de sortes de choses. Et quand Diogenes Laërtius en vn des epigrāmes qu'il a faictz sur ce subiect dict que Pythagoras n'est pas seul qui s'est abstenu des choses animees. Car qui voudroit manger aucune chose ayant ame? Mais quand vne chair, dict il,

est bien cuicte & bien assaison-
nee, alors on ne fait plus de
difficulté d'en manger, parce
que l'ame en est dehors. A
quoy se rapportent aussi ces
vers d'Alexis chez Athenée:

Ο ἄριστος εἶπὼν ὅτι σοφιστὴς ἔδ' ἐν εἶς
Ἐμφύζον ἔδ' ἐν ἑδίει, σοφὸς τίς ἴω.

Cete transmigration des ames
que les Hebreux appelloyent
gilgoul nephascot, les Grecs quel-
quesfois *μετεμύζωσιν*, quelquesfois
μετένσωμάτωσιν, Cronius *περὶ τῆς γενεῆς*,
Tertullian *reciprocationem ani-
marum in corpora*, estant prise vn
peu plus largement n'a point
esté yne particuliere opinion
de Pythagoras, mais yne com-
mune croyance premieremēt
des Egyptiēs, & puis des grecs
selon le rapport de Iamblique.
Et quant aux Egyptiens, c'est
de leurs traditions que Pytha-

goras du commencement puis
 sa cete doctrine, si nous croyõs
 le tesmoignage d'Eusebe, le-
 quel est d'autât plus croyable
 que nous apprenons d'ailleurs
 que Pythagoras a conferé sou-
 uent avec les prophetes des
 Egyptiens pour apprédre leur
 philosophie mystique, & qu'il
 a mesme esté disciple de Son-
 chede archiprophete Egyptiẽ.
 Quant aux Grecs, tous ceux
 qui ont approuué l'immorta-
 lité de l'ame, ont d'vn commũ
 accord estimé que les ames a-
 pres la mort estoient transfe-
 rees d'vn corps en vn autre.
 Leur principal different con-
 sistoit en la diuersité des for-
 mes qu'ils dõnoyẽt aux ames.
 Car les vns en establissoyent
 vne seule espece qui estoit rai-
 sonnable, & qui passoit toutes-
 fois.

fois aussi bien aux herbes & aux plantes qu'aux corps des animaux, soit au point de quelque tēps determiné, soit à l'adventure, selon la diuersité de leurs opinions. Les autres faisoient deux sortes d'ames, les vnes raisonnables, les autres irraisonnables. Et quelquesvns encore en figuroyent autant de formes qu'il y a d'especes d'animaux. Ce qui mesme a distraict les Platoniciens en différentes interpretations de ce qu'auoit escrit Platon, que les ames intemperées, furieuses, rauissantes, estoient transférées aux corps des asnes, des lions, & des loups. Car les vns ont estimé que ces especes d'animaux deuoient estre précisément entendues selon la lettre. Les autres ont creu

que Platon par cete figure de parler vouloit signifier les personnes dont les meurs vitieuses imitoient le naturel de ces animaux. Et quelquesvns encore d'une plus estrange inuention se sont imaginé les esprits de ces animaux attachez à l'ame de l'homme par vne certaine maniere de dependance que les sectateurs de Basilides dedans Clement Alexandrin appelloient *περοσθηματα*. Plusieurs trouuans esloignee d'apparence cete communication d'ames entre les animaux raisonnables & les irraisonnables, l'ont restreinté dedans les bornes d'une semblable espece: & Iamblique a fait express vn traicté sur ce subiect, que les ames ne passent point des hommes aux bestes, mais

seulement des hommes aux hommes, ou des bestes aux bestes. Outre les Egyptiens & les Grecs ie rencontre encore des vestiges de cete croyance parmy les Druides, plus anciens philosophes à mon iugement que ceux des Grecqs. Ces vieux philosophes Gaulois pour encourager vn chascun à l'amour de la vertu par le mespris de la mort, s'il est vray ce que Cæsar en escrit, s'efforçoient de persuader l'immortalité des ames, & faire croire qu'elles passoyent d'un corps en l'autre apres le trespas. Et ne sçay si l'on pourroit point avec quelque couleur soupçonner que Pythagoras eust premierement appris en leur escole cete philosophie. Certes la coniecture n'en est pas

moins probable que celle d'Euſebe dont nous auons parlé cy deuant, puisſque Alexandre au traitté qu'il a faiët des ſymbolles Pythagoriques teſmoigne que Pythagoras a eſté auditeur des Gaulois, c'eſt à dire des Druides, car les Druides eſtoient anciennement aux Gaulois ce que les prophetes aux Egyptiës, les Caldees aux Aſſyriens, les Gymnoſophiſtes aux Indiens, & les Mages aux Perſes. Mais comme en vne infinité d'autres curieufes recherches de l'antiquité nous ne cheminons qu'à taſtons, de meſme en celle cy trouuons nous à chaſque pas des ombres & des obſcuritez qui no⁹ arreſtent. Car encore que pour le regard de l'immortalité des ames il ſoit aſſez manifeſte

que les Druides l'ont creuë, toutesfois ce que Cesar y adiouste de la metempsychose est rédu plus douteux par l'argument que quelquesvns ont tiré de Valere, lequel traittant des anciennes coustumes de diuers peuples, rapporte celle cy des Gaulois, qu'ils prestoyent de l'argent pour leur estre rédu quelque iour aux enfers. Passons encore à d'autres peuples, & voyons si les Iuifs rete-noyent point aussi quelque chose de ces vieilles traditiõs. Vous iugerez, s'il vous plaist, de la coniecture que ie vous en vay représenter, si cela se peut pas probablement inferer de la demande qu'ils firent vn iour à sainct Iean s'il estoit Elie, c'est à dire s'il auoit l'esprit d'Elie. Car ayans appris

par les propheties qu'Elie deuoit estre enuoyé au parauant la venue de nostre Seigneur, *Ecce ego mittam vobis Eliam prophetam, antequam veniat dies Domini magnus & horribilis* : Ils interpretoyét ce passage du premier aduenement de IESVS CHRIST, cōme si c'eust esté vn mesme precurseur de son arriuee que Elie & saint Iean, c'est à dire que l'ame d'Elie par vne metempsychose eust esté trāsmise au corps de saint Iean. Et fondoient principalement cete opinion sur l'authorité de saint Luc, qui tesmoigne que l'ange s'apparut à Zacharie, & luy promet que sa femme Elizabeth luy enfanteroit vn fils qui seroit nommé Iean, & precederoit la venue du Dieu d'Israel en l'esprit &

en la vertu d'Elic. A quoy se rapportēt ces paroles de sainct Matthieu, *Omnes enim prophetae & lex usque ad Ioannem prophetauerunt, & si uultis recipere, ipse est Elias. Qui habet aures audiendi audiat.* Encore aujourd'hui s'aident ils de semblable interpretation pour destourner à la personne de Ioseph ce que leurs Talmudistes ont escrit du Messie. Car cōme ils auoiēt leu dedans le Talmud ez oraisons qu'ils font au ieusne de la propitiation que l'Empereur Adrian auoit faict punir de diuers supplices dix Rabins des Iuifs, à cause qu'ils auoyent faict mourir le iuste frere Iuif Iesus, & les auoit condamnez par leur propre loy, qui portoit que si quelqu'ū estoit descouuert auoir pris vn sien fre-

re entre les enfans d'Israel, & l'auoir vendu à prix d'argent, il seroit tiré du milieu du peuple pour estre mis à mort. Ces Iuifs aujour d'huy tiennent que cela fut ordonné non pour le regard du Messie, duquel ils attédēt encore l'arriuee, mais de Ioseph qui fut vendu par ses freres. Et d'autant qu'ils voyent cete suppositiō de personnes euidentement conueincue par le rapport des temps de l'Empereur Adrian & de Ioseph fils du patriarche Iacob, qui estoient distans l'vn de l'autre pour le moins de quinze césans, ils ont recours à cete metempsychose, & se font accroire que ces dix Rabins qui furent occis par le commandement d'Adrian auoyent les ames des freres de

Ioseph. Nous apprenons d'Origene que quelques Iuifs ont bien creu le mesme de nostre Seigneur, sçauoir est qu'estant né d'une femme de mediocre qualité, & tenu pour le fils d'un pauvre charpétier, il n'estoit pas vray-semblable qu'il eust tant de puissance que de se resusciter soy-mesme: mais que c'estoit l'esprit de quelque grand prophete qui animoit de nouveau le corps mort de nostre Seigneur. Aussi lisons nous en la sainte escripture qu'aucuns le croyoyent estre Elie, les autres Hieremie, ou quelqu'un des prophetes. Le mesme Origene le premier entre ceux qui ont fait profession de la foy Catholique, a tenu que toutes les ames en particulier ont esté creées dez

le commencement du monde, mais qu'elles sont puis apres applicquees aux corps en leur naissance, pour leur seruir de prison qui tienne lieu de supplice aux anciennes offenses. Car comme il supposoit que toutes les ames auoient peché dez leur creation, il concluoit aussi que par l'ordonnance de Dieu leur punition estoit d'estre vnies à des corps plus ou moins parfaicts selon les degrez differens de leurs transgressions. Doctrine qu'il auoit puisee des Pythagoriciens, entre lesquels Philolaus long temps au parauant Origene auoit rapporté le tesmoignage des anciés theologiens & prophetes, qui disoyent que pour quelques supplices l'ame est attachee au corps, & comme

enseuechie en ce funeste tōbeau
 ὡς διάπυας πικρείας ἢ ψυχὴ τῷ σώματι συνεί-
 ζευκται, καὶ καθάπερ ἐν σώματι τέτω τέθει-
 πται. !A quoy s'accorde aussi
 l'appellatiō grecque du corps,
 lequel selon le dire de Platon,
 macrobe, Eustathe, & plusieurs
 autres, est tantost nommé σῶμα,
 ἢ π σῶμα ὅτι, τέτρω τάρος πῆς ψυχῆς,
 tantost δέμας, comme qui diroit
 le lien de nos ames. Et nous li-
 sons dedās Cicéron que pour
 la mesme occasion le corps est
 appelé quelquefois lien, quel-
 quesfois sepulcre, quelques-
 fois prison de nostre ame. Ce-
 te opinion de Pythagoras ap-
 prouuee par Empedocles, par
 Porphyre, & presque tous les
 Platoniciens, a depuis encore
 facilement trompé les Mar-
 cionistes, lesquels en conse-
 quence de cete premiere er-

reur en font venus si auât que de condamner le mariage cõme estant le moyen par lequel on arriue à vne mauuaise fin. Car telle reputent ils la generation : non pas qu'elle soit mauuaise de sa nature, mais en consideration de ce qu'elle attire vne ame diuine & bienheureuse en vn lieu de supplice. Sainct Cyrille euesque d'Alexandrie expliquant ces paroles de l'Euangile de S. Iean *Exat lux vera quæ illuminat omnem hominem venientem in hunc mundum*, escrit que quelques vns abusans de l'authorité de ce passage ont estimé que les ames du cõmencemēt estoient dedans le ciel jouïssantes d'une heureuse vie, mais que rassasies de l'abondance du contentement qu'elles y receuoy-

ent, & comme ennuyees d'un meilleur estat, elles ont esté poussees du desir deshonneſte d'une autre vie, & par ce moyẽ font tombees en vne condition beaucoup pire que la premiere. Que le Createur offensé de cete volonteé desordonnee les a enfermées dedans les corps, comme dedans des cauernes & des prisons, pour esteindre le feu de leurs concupiscẽces. Et destournoyent encore à la faueur de leur opinion le sens de ces paroles du Psalmiste, *Prusquam humiliarer ego deliqui.* Au parauant, disent ils, que mon ame fust humiliee, c'est à dire abbaissee en la captiuité des liens corporels, elle auoit desia peché, & pour cete occasion iustement elle esté depuis assubiectie à la necessité

de ce supplice. Ainsi ces pauvres abusez croioyent que cõme durant l'espace de neuf mois nostre corps demeure emprisonné dedãs les cachots tenebreux des entrailles de nostre mere, en attendant le bonheur d'une pleine liberté & d'une agreable lumiere: aussi durant le cours de nostre vie l'ame est retenue captiue dedans le corps qui l'environne, en esperance de rentrer quelque iour en possession de sa premiere liberté, & en la jouyssance des lumieres celestes. Macrobe en a touché ce petit mot en l'exposition du songe de Scipion, *Cùm rursus è corpore ubi meruit contagione vitiorum penitus elimata purgari, ad perennis vitæ lucem, restituta in integrum, reuertatur.* Euxitheus Pe-

ripateticicē (vn certain moderne par inaduertence rapporte ce que ie vay vous dire à Carneus Euxittus, & ne prend pas garde que dedās Athenee c'estoit Carneus qui le disoit de Euxitheus) non seulement affermoit que les ames estoient attachees aux corps par forme de chastiment, mais adioustoit encore que Dieu auoit ordonné que si elles en fortoient auant le temps qu'il auoit prescript à leur deliurance, elles seroyent de nouueau assubietties à de plus griefues peines. La premiere occasion de cete erreur semble auoir pris sa naissance de la peruerse interpretation de ceux qui auoyent mal entendu ce lieu des liures de Moïse, auquel il est escrit que le premier homme à cause de

sa desobeïſſance fut chaffé de Paradis. Car les Caldeens depuis corrompans le vray ſens de ce diſcours par leur explication myſtique, & prenans la verité de l'hiſtoire pour vne figure, ſe ſont imaginé que ce n'eſtoit autre choſe ſinon l'ame chaffée du ciel, releguee en ce monde, & enfermee en la priſon du corps pour l'expiation de ſes fautes. Et comme il n'y eut iamais ſi abſurde inuention qui ne trouuaſt quelque apparence de fondement en l'eſcriture ſaincte, auſſi celle cy ſembloit elle eſtre fauoriſee non ſeulement des teſmoignages cy deuant alleguez, mais de quelques autres encore, par leſquels aucuns ſe ſont faiet accroire que l'ame recognoiſſant le mal eſtre cauſe de

son emprisonnement, desire avec affection voir le iour bienheureux de sa liberté; comme en ce passage *Reuertere anima mea in requiem tuã*: & en cet autre cy, *Educ de carcere animam meam*. Et au contraire en plusieurs autres lieux le iour de la naissance est appellé maudict, à comparaifon ce semble de l'heur qui au parauant accompagnoit les ames dans le ciel. Ainsi disoit le prophete Hieremie, Maudict soit le iour auquel ie suis né. Que le iour auquel ma mere m'a enfanté ne soit point benist. Maudict soit l'homme qui apporta ces nouvelles à mon pere, Il t'est né vn enfant masle. Sainct Hierosme remarque en ses commentaires sur ce passage, que ceux qui pensent que les ames ayent

esté premieremēt au ciel, Dieu les en ait precipitees, & par ce moyen ait empiré leur condition, se seruent de cete authorité & d'autres semblables, afin de prouuer que la demeure eust esté plus heureuse au ciel qu'en la terre. Mais cete vieille opinion que S. Gregoire Nazianzene appelle fotte, absurde, contraire à la foy & à la doctrine de l'Eglise, & laquelle neantmoins les modernes au lieu de l'enseuelir dedans l'oubly ont reuestue de nouvelles pareures, n'est pas malaisée à renuerfer tant par le discours de la raison que par les authoritez tirées des plus pures fontaines. Clement Alexandrin reiettant l'erreur de ces philosophes qui disoyent que nos ames issuës du ciel ve-

noyent icy bas s'approcher des corps, y entrer, & y estre attachees, *μετεπιζῶσαι, ἐνσωματώσαι, ἐνδύσασθαι*, conclud qu'il n'y a point d'apparence de croire que l'ame soit enuoyee des cieux en terre comme en vn lieu de malheur & de supplice, puis que nous sommes assurez que Dieu faict tout pour le mieux. Et S. Augustin touchant la mesme corde, *Quid fuit causa, dicitur, ut anima innocenter viuens insereretur vitæ huius carni, in qua peccando ipsum qui eam creauit offenderet, unde eam merito sequeretur laboris ærumna, damnationisque cruciatus?* Mais afin de donner quelque lumiere à cete raison par vn plus ample discours, considerons premierement la qualité des choses en l'estat de leur creation,

puis apres la nature de la peine. Quant à la qualité des choses créées, nous ne pouuons doubter de leur perfection, puis que le tesmoignage de la Genese nous apprend que Dieu veid que tout ce qu'il auoit fait estoit tres-bon. Or si toutes les ames furent créées dès le commencement separées de la masse charnelle, il faut aduoüer que cete maniere d'estre estoit la plus conuenable à leur nature, & par consequent ce seroit faire iniure à la bonté diuine de croire qu'elle eust voulu depuis abbaïsser ces ames à vne pire condition, au lieu de les esleuer à vne meilleure. Quant à la peine, elle repugne à la bonté de la nature, en consequence de ce qu'elle est ordonnee pour le mal de

l'offense, ce qui faict que nous voyons mesme la punition quelques-fois estre appelee mal, *Non est malū in ciuitate quod non fecerit Dominus.* La nature de l'homme au contraire est bonne de foy, comme est celle de toutes les autres creatures. C'est donc admettre deux choses contraires, à sçauoir le bien & le mal, en vn mesme subiect, que de penser que les ames ayēt esté vnies aux corps par forme de supplice. Et quoy? puisque la nature tend à l'vnion du corps & de l'ame, & que la generation se termine à cete fin, comment pourrions-nous estimer cete liaison estre vn bien de nature, si nous supposions que c'est vn chastiment? Certes si c'est vn chastiment à l'ame, si ce luy est vn

mal d'estre attachée avec le corps: si ce luy est vn bien d'en estre separee: quelle cruauté de laisser viure les bons auxquels il faudroit plustost aduancer la mort pour recompenser leur merite? Quelle iniustice au contraire de faire mourir les meschans qu'il faudroit plustost punir par vn plus long seiour des ames en leurs corps? Mais si c'est vn malheur aux ames d'estre vnies avecque les corps, comment pourra subsister ce que nous auons cy dessus rapporté de S. Iean, que tout hōme venant en ce monde est illuminé? Car l'illumination qui demonstre l'aduement d'vne nouvelle grace, appartient plustost à l'hōneur qu'au supplice, & ne peut-on sans faire tort à la gloire de

Dieu rapporter aux peines & aux tourmens la participation de sa lumiere. L'adiouste que si l'ame est illuminée seulement à son arriuee en ce monde, il s'ensuit qu'auparauant elle estoit sans lumiere, & partant deffectueuse à raison de ce mancquement. Et toutesfois ces philosophes supposent que l'ame dès son commencement estoit pure, & en cete premiere integrité plus coniointe au bien souuerain: mais que par le desir du mal elle a depuis esté chassée du ciel en terre. En quoy de rechef ils ne prennent pas garde à l'absurdité qui resulte de leurs suppositions. Car est ce pas faire grád tort à l'ame de la vouloir obliger à bien viure & à fuir le peché tandis qu'elle de-

meure prisonniere en ce monde, au lieu qu'il eust esté plus à propos de luy imposer cete loy plus aisée à garder lors qu'en sa premiere liberté elle viuoit exempte de ces perturbations que la familiarité de la chair fauorise? Mais afin de fortifier ces raisons par l'appuy des authoritez de la sainte escriture, l'Apostre tesmoigne disertement de Iacob & Esau qu'auparauant qu'ils fussent nez, ny qu'ils eussent encore iamais fait ny bien ny mal, il fut ordonné de Dieu que l'aîné seruiroit au plus ieune. Leurs ames estoient doncq alors encores innocentes. Et neantmoins l'histoire de la Genese nous apprend que cete ordonnance fut prononcée de Dieu depuis la conception de

de

de Iacob & Esau à Rebecca qui en estoit enceinte. Il n'y a donc point d'apparence de croire que les ames des long temps ayent commis des pechez, pour l'expiatiõ desquels elles doiuent estre bannies du ciel, & souffrir du mal en ce monde. Que si le seiour que nous faisons icy bas tient lieu de supplice, c'estoit plustost vne malediction de Dieu qu'vne benediction quand il promit à Abraham de multiplier sa semence comme les estoiles du ciel. A tort Moïse voyant le peuple d'Israël accreu iusques à vn tel nombre qu'il ne pouuoit plus suffire tout seul à vne si grande multitude, pria Dieu qu'il l'augmentast encore à milliers, & luy donnast sa benediction comme il auoit

promis. Anne fille de Phanuel n'auoit point de raison d'employer tât de larmes, de vœux, & de prieres enuers Dieu pour auoir vn enfant. Ezechias qui estoit homme de bien, & qui n'auoit iamais eu son pareil en saincteté entre tous les Rois de Iuda, ne deuoit point estre espouuenté ny pleurer amèrement comme il fit à l'aduertissement du prophete qui luy vint annoncer de la part de Dieu qu'il ordōnast de sa maison, parce que sa mort estoit proche : puisque les bonnes nouvelles occasionnent coustumierement la joye plustost que la tristesse. Et d'autre costé quelle faueur estoit ce quand Dieu flechy par ses larmes & sa pieté luy prolōgea la vie de quinze ans? Car qui n'impute-

ra ce delay plustost à charge qu'à bien-faiçt , si les corps sont associez avec nos ames ainsi que les bourreaux avec des criminels ? Or cōme souuēt vne erreur est la mere d'vne autre , & les anciennes heresies donnent occasion d'en faire naistre de nouvelles avec quelque desguisement , aussi ceux qui ont creu que les ames issues du ciel estoient ioinctes aux corps par vne espece de supplice , semblent auoir dōné la premiere ouuerture à ceux qui depuis ont faiçt passer aux corps des bestes brutes les ames humaines pour l'expiatiō des pechez qu'elles auoyent commis lors qu'elles estoient enfermées dedās les corps des hommes. Erreur qui reduiçt ses autheurs à la necessité de

confesser l'une de ces deux absurditez : ou que les ames humaines perdent leur immortalité par l'association de ces corps qui ont des ames mortelles, ou qu'au contraire les ames des bestes brutes deuiennent immortelles par l'acquisition que ces animaux ont fait des ames qui estoient douées de cete qualité. Aussi dict on que certains peuples d'Vtopie croyēt l'eternité des ames des bestes ny plus ny moins que de celles des hommes. Mais pour ne m'arrester dauantage à combattre les chimeres de ces opiniōs qui sont au iugement d'Eusebe plus dignes de mespris que de refutation, ie termineray la condamnation de cete cy par la seule demande que fait Ne-

meſius à ce propos, pour quelle occasion les ames furent enuoyees aux corps de ces animaux qui eſtoient creez au parauant le premier homme. Car on ne pourra dire que ce fuſt pour la ſatisfaction des pechez qu'elles auoyent deſia faiçts dedans les corps des hōmes, puis qu'ils n'eſtoient pas encore en nature. Afin doncq de ne vous ennuyer point plus long temps par des diſcours importuns en choſes qui ne le meritent pas, ie paſſeray les autres opinions vn peu plus legerement. Les vns ont compoſé l'ame de la conionction des nombres quaternaires, les autres de la rencontre des atomes, Dicæarchus (ou comme les autres l'appellent, Dinarchus) de l'harmonie des qua-

350 DE L'ORIGINE
tre elemens, Symmias compa-
roit nostre corps à vne lyre, &
nostre ame à l'harmonie qui
en sort, Asclepiades le mede-
cin composoit l'ame du com-
mun concert de tous les senti-
mens, Epicure d'vne meslange
temperee de quelque peu de
feu, d'air, de vent, & de force
sensitiue, Parmenides de la
terre & du feu; Xenophanes
de terre & d'eau, Boethus d'air
& de feu. Et tous ceux-cy qui
ont fait entrer des elemens en
la composition de l'ame sem-
blent auoir esté poussez à ces
inventions nouvelles, ou par
ceste raison qu'en rapporte A-
ristote, que chasque chose est
cogneuë par ce qui luy est
semblable. Or l'ame cognoist
les choses vniuerselles, elle est
doncq composee des princi-

pes vniuersels de toutes choses : ou peut estre, par la correspondance que l'ame paroist auoir aux quatre elemens, cōme à la terre par les sens, à l'eau par l'imagination, à l'air par la raison, au feu par l'intellect. Les Manicheens qui s'estimoient, ou qui vouloient à tout le moins qu'on les estimast Chrestiens, mesloient aussi la substance de l'ame parmi les elemens, avec lesquels ils croioient qu'elle estoit diuisee en la naisance des corps, & que derechef en leur dissolution elle retournoit en sa masse, tout ainsi que l'eau se rassemble aysément & se reunit avec vne plus grande quantité dont elle auoit esté separee. Ils tenoient doncq qu'à proprement parler, il n'y auoit

qu'une seule ame, laquelle estoit distribuee par diuerses parcelles en chaque corps, & aussi bien en ceux qui estoient inanimez qu'animez : mais qu'il y en auoit plus en ceux cy qu'en ceux-là, & plus encore és corps celestes qu'en tous les autres. Ainsi attachoient ils la substance de l'ame avec les elemens, & puis la diuisoient, non pas indiuisement, (ce que Nemefius dit *ἀνεῖσος μείζονα*) comme quand une mesme voix est receuë par les oreilles de plusieurs, ce qui eut esté aucunemēt plus tolerable : mais d'une recelle diuision ils admettoient le retrenchement de la masse, & puis la reunion des parties, & d'une inexcusable cōfusion faisoient l'ame corporelle & passible, &

toutesfois immortelle. Ceux qui ont voulu esleuer la nature de l'ame comme plus deliee au dessus de la masse grossiere des quatre elemens, ont estably vn cinquiesme corps qui n'est ny terre, ny eau, ny air, ny feu mesme, soit ce terrestre dont la lueur est plus trouble, soit le celeste qui est plus pur & plus luisant. Mais de faire en aucune de ces façons la substance de l'ame corporelle, c'est vne ignorance trop lourde à mon aduis pour meriter que nous perdions à sa refutation le temps destiné à meilleures choses. Certes encore que ces diuerfes opinions ayēt eu des sectateurs, toutesfois ny les nombres de Pythagoras & Xenocrates, ny les atomes d'Epicure & Democrite,

ny les idees de Platon & Possidonius, ny les entelechies d'Aristote, ny l'harmonie de Critolaus le Peripateticien, ny toutes les resueries des autres philosophes, n'õt iamais trouuẽ tant de foy à l'endroit des esprits des hommes, que l'opinion de ceux qui ont creu que nos corps & nos ames ont vn mesme principe de generatiõ, que l'vn & l'autre d'vn pareil sort de naissance procede de la souche de nos parẽs : & tout ainsi que le froissement du fer & du caillou produiẽt des estincelles de feu, aussi la conionction de l'homme & de la femme faiẽt sortir au dehors avecque la semence ce feu cachẽ dont la yertu secreete donne à nos corps le mouuement & la vie. Tertulliaẽ dedans son

traicté du tesmoignage de l'ame entre les diuers iugemens qu'il rapporte touchant l'origine de l'ame, n'a pas oublié celuy cy, *Seu diuina & aeterna res es secundum plures philosophos, seu minimè diuina, quoniam quidem mortalis, ut Epicuro soli videtur, seu de caelo exciperis, seu de terra conciperis, seu numeris seu atomis concinnaris, seu cum corpore inceperis, seu post corpus induceris.* Le philosophe Zenon tenoit que la semence qui sort de l'homme n'est autre chose qu'un esprit conioinct avec l'humide, vne partie & vn retrenchement de l'ame, & que la meslange qui se faiet des semèces de l'homme & de la femme est vn assemblage des parties de l'ame. C'est ainsi qu'en escrit Eusebe

Τὸ δὲ ἀπέριμα φησὶν ὁ Ζήνων εἶναι ὁ μεθίσταται

αἰθρωπος πνεῦμα μεθ' ὑγρῶ, ψυχῆς μέρες καὶ
 ἀπόσπασμα, τὸ σπέρματος τῶ τ' αἰσθρόνων κέ-
 ρασμα καὶ μίγμα τ' τ' ψυχῆς μερῶν σωεληλυ-
 θός. Et Diogenes Laertius en la
 vie de Zenon: αἰθρώπου δὲ σπέρμα ὁ
 μεθίστην ὁ αἰθρωπος, μεθ' ὑγρῶ συγκινησῶν τοῖς
 τῆς ψυχῆς μέρεσιν, κατὰ μίγμὸν τῶ πῶν αἰσ-
 θρόνων λόγῳ. Cleanthes suiuit de-
 puis ces mesmes traces, & se
 persuada que cete propagatiō
 des ames aussi bien que des
 corps estoit manifestement
 confirmee par l'argumēt qu'il
 tiroit de la similitude ordina-
 re des mœurs. Car tout ainsi
 que l'on void bien souuēt que
 dās la face des enfans comme
 dedans des miroirs est repre-
 sentee la figure du visage des
 peres & des meres, aussi les qua-
 litez de l'ame, disoit-il, se com-
 municquent volontiers aux
 enfans avecque tāt de ressem-

blance qu'on peut probablement attribuer l'un & l'autre rapport à quelque vertu secrete transmise avecque la semence. Quant aux peres, ce vers en est commun

Et patrum in natos abeunt cum semine mores.

Quant aux meres, en voicy le tesmoignage de Iuuenal,

Scilicet expectas ut tradat mater honestos,

Atque alios mores quàm quos habet?

C'estoit aussi pourquoy Platon entre les diuerses loix qu'il a laissé par escrit ordonnoit la temperance à ceux qui se vouloyent disposer à la generatiõ, parce qu'autrement, disoit-il, l'intemperance des parens par la corruption qu'elle apporte à leur semence pourroit imprimer plusieurs vices & defe-

étuoſitez tât aux ames qu'aux corps des enfans qui en naiſſent. Les anciens aſtrologues eſtoient pouſſez à mon aduis d'vne meſme conſideration, lors que faiſans les natiuitez ils prenoyent ordinairement le poinct de leur horoſcope non pas ſur l'inſtant de l'inſuſion de l'ame, comme font quelquesvns : ny ſur le temps de la natiuité, comme la pluſpart des autres : mais ſur celuy de la conception, d'autant qu'ils eſtimoyent que c'eſtoit iuſtement le poinct où l'ame auſſi bien que le corps prenoit ſon commencement. En ſomme il n'eſt pas iuſques aux interpretes des ſonges qu'ils n'ayent donné lieu à cete reſuerie parmy les vanitez de tât d'autres. Car Artemidore trait

État des songes dont les effets se descourent en d'autres personnes que celles qui en ont eu les apparitions, rapporte l'exemple de ceux qui ont quelquesfois songé qu'ils mouroyent, & depuis il est arriué qu'on a veu le songe effectué en la mort de leur pere: parce que, dict il, le fils est comme vne mesme personne avec le pere, duquel il a tiré par participatiō le corps & l'ame. ὡσπερ ἢ ἄλλος αὐτὸς τῷ καὶ σώματος καὶ ψυχῆς μετέχων τῆς αὐτῆς. Oseray-je, Messieurs, icy mettre en avant en la presence des medecins la cōiecture que j'ay faite autresfois sur vn passage d'Hippocrate? Ouy certes avec protestation que c'est plustost pour en apprédre des maistres la vraye intelligence que pour deffendre la mienne.

Quand doncq ce grád docteur
 a escrit que celuy là n'est pas
 sage qui pense qu'ẽ la genera-
 tion l'ame n'est point meflée
 avecque l'ame, $\Psiυχὴν μὴ ἀεγομίζεσθαι$
 $\Psiυχῆν$, Je m'en rapporte à vous
 s'il n'y a pas apparẽce qu'il ait
 creu qu'avecque la meflange
 des semences il y ait aussi quel-
 que communication des ames
 du pere & de la mere, puisque
 mesme en plusieurs autres
 lieux le mesme autheur appel-
 le la semence animée, $σπέρμα ἐμ-
 ψυχον$. Je sçay biẽ que quelques-
 vns ont interpreté en ce lieu
 d'Hippocrate $\Psiυχὴν \Psiυχῆν$ *semen
 semini*, prenans vn peu plus
 largement ce mot d'ame pour
 la semence, avec la mesme e-
 stendue de signification que
 quelques autres l'ont vsuré
 pour la moüelle, comme Ab-

fyrtus ψυχή τῆς κολοκυνπίδος, & les autres pour le sang, comme Aristophane, lors qu'il dict que les Corinthiens (il entend les punaises, faisant allusion au mot κόρψις) luy succent l'ame, πλώ ψυχὴν ἐμπύκωσι, c'est à dire le sãg. Je viës maintenãt aux modernes, entre lesquels Tertullia qui auoit plusieurs erreurs touchant l'ame de l'homme, comme de l'estimer corporelle, auoit aussi cete faulse croyance qu'elle pouenoit de la semence, laquelle en mesme instant donnoit commencement & à la chair & à l'ame, *Simul ambas & concipi & perfici, sicut & promi, nec ullum interuenire momentum in conceptu quo locus ordinetur.* Et en vn autre lieu, *Nam & exinde à benedictione genituræ caro atque anima simul fiunt sine calculo tempo-*

*rus, ut quæ simul in utero etiam figu-
 rantur, contemperant fœtu, coata-
 neant natu, duos istos homines, sanè
 ex substantia duplici, non tamen &
 atate, sic unum edunt dum prior
 neutra est.* Vincentius Victor
 pareillement a pensé que les
 ames venoyent de fouche, &
 sa principale raison estoit tiree
 de la succession qui faiët deri-
 uer le peché originel des peres
 aux enfans, comme si nos pa-
 rens transmettoyent en nous
 cete marque qui entache leurs
 ames, de mesme sorte que nos
 corps retiennent les maladies
 hereditaires des corps qui les
 ont engendrez. Et peut estre
 est ce de luy que Cassiodore
 entendoit parler en son traitté
 de l'ame, quand il a diët, *Opinio-
 ne quoque fertur aliquorum quod
 creator ille potentissimus sicut de cor-*

*pore nostro semen carnis educit, ita
& de anima qualitate animam pos-
se nouam generari, quatenus origi-
nalis peccati quod Catholica confite-
tur Ecclesia, per traducem peccati rea
possit ostendi, nisi dono fuerit bap-
tismatis absoluta.* A la verité cete
raison n'estoit pas de legere
importance, aussi en reserue-
rons nous vn plus ample es-
claircissement aux controuer-
ses qui serōt traitées cy apres.
Mais cet autre argument est
bien plus foible, & presque in-
digne d'estre recité, si le nom
de l'auteur ne sembloit luy
donner quelque poids. C'est ce
grand Tertullia qui veut prou-
uer le prouignement des ames
humaines par la similitude
qu'il remarque entre la mort
& la generation: comme si l'a-
cte de la generation diminueoit

l'ame de quelque partie, tout ainsi qu'en la mort l'ame entiere abandonne le corps. Je vous rapporteray ses paroles, pour ce qu'elles sont emphatiques.

Denique ut adhuc verecundia magis pericliter quàm probatione, in illo ipso voluptatis ultima est quo genitale virus expellitur, nonne aliquid de anima quoque sentimus exire, atque adeò marcescimus & deuirescimus cum lucis detrimento? Hoc erit semen animale protinus ex anima destillatione, sicut & virus illud corporale semen ex carnis defecatione.

Il veult conclure que cete partie de l'ame qu'il suppose sortir de nous en cete action est ce qui anime le corps engendré. Comme si l'ame pouuoit souffrir diuision de ses parties, & se diminuer autant de fois que l'homme s'applique à l'acte de

generation: or cõme si le changement que l'on ressent en cete action n'estoit pas plus tost vne debilitatiõ des forces corporelles qu'un retrenchement de l'amẽ. Certes & l'authorité des grands personnages qui ont tenu cete opinion & la force des raisons dont ils l'ont confirmée, ont rendu la question si douteuse, que S. Augustin en ses liures de l'ame la laisse tousiours indecise, & n'ose en aucune façon resoudre si nos ames sont créées tous les iours, ou si elles descendent par propagation des peres aux enfans. Eucherius retenu de la mesme crainte dict aussi que cete controuerse est difficile à determiner, d'autant qu'il ne s'en trouue rien manifestemẽt arresté ny par les saincts per-

sonnages, ny par les escritures. C'est pourquoy quelquesvns n'ont pas fuiuy le iugement de saint Thomas, qui tient pour heretique cete propositiõ que les ames humaines viennent de la souche des parens, veu que plusieurs autheurs eminens en doctrine & en sainteté ne l'õt osé tenir absoluëment. Mais il me semble que sans preiudice de l'honneur que nous deuons à l'authorité de ces grands personnages nous pouuons hardiment prononcer que cete opinion est si non heretique, à tout le moins erronee, & conclure que commẽ nous tenons de nos parens l'estre de nos corps, aussi tenons nous l'estre de nostre ame de Dieu. Platon selon ce que nous auons desia plusieurs fois remarqué peu

constant en ses premières opinions, a mis en avant celle cy, combien qu'il la quelque peu desguisée par vne maniere de parler poëtique, ainsi qu'ailleurs souuent il a accoustumé de cacher la verité sous le voile des fables. C'est en son Timée, où il introduist le souverain createur de l'univers apres auoir formé les ames donner la charge & le pouuoir aux dieux inferieurs d'engendrer les corps humains, & d'appliquer les natures mortelles aux immortelles. Et Proclus ne s'esloignoit pas de cete doctrine quand il disoit que l'ame raisonnable est procréée de ce grand architecte du monde, mais que l'ame irraisonnable est produicte par les ieunes dieux. Pselle aussi expliquant cet ora-

de Caldaïque tant célébré par les Platoniciens,

Χρῆ σε σπύδειν πρὸς τὸ φῶς καὶ πατρὸς ἀυγας ἔνθα ἐπέμφθη σοι ψυχὴ πολλὴ ἕως ἀμῆνη γέν.

dict que l'ame n'a point emprunté sa substance des semences humaines, ny ne subsiste point par les temperamens du corps, mais qu'elle a tiré d'en-hault son estre qui luy a esté donné de Dieu. Asclepius le recognoissoit ainsi, comme il est aisé de coniecturer par son hymnodie au Roy Ammon, où il appelle Dieu le pere de nos ames, Θεῶ μὲν πατρίσιν καὶ πατρὶ τῶν ἡμετέρων ψυχῶν. &c.

Denique caelesti sumus omnes semine oriundi,

Omnibus ille idem pater est, dict Lucrece. Voulez vous des tesmoignages plus authentiques? Je donneray le premier lieu

lieu à ce grand Salomon, lequel rapporte disertement l'origine de nos corps à la terre, & de nos ames à Dieu. *Antequã reuertatur*, diët il, *puluis in terram suam unde erat, & spiritus redeat ad Deum qui dedit illum*. L'authôrité de ce passage a eu tant de poids enuers sainët Hierosme, qu'avec raison il en a conclu que ceux là sont bien ridicules qui se persuadent que les ames sont semees avec les corps, & ne sont point enuoyees de Dieu, aïns engendrees des peres & meres. Car puis que la terre, diët il, retourne en terre, & l'esprit à Dieu qui l'a donné selon les paroles de Salomon, il s'ensuit manifestemët que le pere de nos ames est Dieu, & non pas les hommes. Lactance ayant proposé cete

question si l'ame estoit engendree du pere, ou de la mere, ou de tous deux ensēble, respond fort bien que de tous ces trois poincts aucun n'est veritable. Il est bien vray, dict-il, que les corps peuuēt naistre descors, parce que le pere & la mere cōtribuent à la generation quelque chose de corporel. Mais les ames ne peuent pas d'vne mesme façon estre issues des ames, d'aultzant qu'il ne peut riē dechoir d'vne chose si subtile & incomprehensible comme est l'ame. Et puisque les mortels ne peuent rien engendrer qui ne soit de mesme condition qu'eux, est il pas necessaire que les ames estāt immortelles ayent vne bien plus noble origine de leur estre? C'est doncq de Dieu & nō pas

des hommes que depend la production de nos ames. Voire mesme si nous laissons à l'hōme l'acte de la generatiō qui luy est commun avec les bestes brutes, le reste est deu à Dieu, comme la conception, l'information du corps, l'infusion de l'ame, la conseruation de l'enfant. Mais afin de vous demonstrier encore que l'estre de nostre ame est tiré du non estre, i'vseray de cete inductiō. Si elle estoit produicte par la voye naturelle de quelque chose existēte, ce seroit ou de soy mesme, ou de quelque autre. De soy mesme elle ne peut, d'autāt que ce qui est produict de soy mesme a necessairemēt eu quelque autre germe precedent & plus ancien principe de son estre: comme l'on dict

172 DE L'ORIGINE
du Phenix, lequel renaissant
de ses cendres retient neant-
moins quelque germe de la
nature de ceux qui ont esté
deuant luy. Or cela ne se peut
dire de l'ame, laquelle estant
viuante, & toute ensemble, &
indiuisible, elle ne peut auoir
de matiere preiacente dont el-
le se produise elle mesme. Il
faut donc qu'elle ait son origi-
ne d'ailleurs. Ce ne sera pas ny
d'une autre ame, comme nous
venons de monstrier : ny d'un
ange, selon l'ancienne erreur
refutee par saint Augustin, de
ceux qui faisoient les anges
peres des ames comme les hom-
mes des corps : & qui reco-
gnoissoient bien Dieu crea-
teur de l'une & de l'autre sub-
stance, mais de la corporelle
par le moyen des hommes, &

de la spirituelle par le moyen des anges. Encore moins dirōs nous que l'ame ait son origine de quelque autre portion de la substance de l'vniuers, parce que tout ce qui est au monde est inferieur à l'ame, & créé pour elle: ny par vne action de moindre vertu que la sienne, parce que rien ne peut engendrer plus puissant que soy. Il reste donc qu'elle tienne son estre & d'vne plus souueraine puissance, qui est la creation: & d'un agent plus excellent, qui est Dieu. l'emprunteray s'il vous plaist encor' quelques raisons de celles que les Scholastiques employent à ce propos, & puis ie finiray. Premièrement il est impossible que la vertu actiue qui est en la matiere, estende son action à pro-

duire vn effect immateriel. Or est il certain que le principe intellectif en l'homme est esseué par dessus la matiere: car il exerce des operatiõs auxquelles le corps ne contribue aucune communication. Il n'y a doncq point d'apparence que la vertu qui est en la semence puisse produire le principe intellectif. Dauantage il est necessaire que ce qui est principe de l'operation intellectuelle, qui est l'ame de l'homme, soit vn certain principe incorporel & subsistant de soy. Il faut dis ie premierement qu'il soit incorporel, puis qu'il cognoist la diuerse nature de tous les corps, car l'organe de toute cognoissance pour bien discerner les obiects doibt estre exempt de leurs qualitez. Il est

aussi subsistant, d'autant qu'il n'exerce pas son operatiõ par aucun organe corporel. Puis doncq que le principe intellectuel opere de soy sans communicatiõ du corps, puis qu'il subsiste de soy, & que c'est vne substance immaterielle, il ne peut tirer son estre de la generation, mais de la creation seulement. Outre ce chascun sçait qu'aucune vertu ne peut agir au dela de ce qui est compris sous son genre. Or l'ame intellectuelle excède tout le gẽre des corps, & les operations de l'entendement sont si nobles & si releuées qu'elles surpassent tout ce qui est de materiel. On ne peut doncq rapporter sa production à aucune vertu corporelle, comme est celle qui est cachee en la se-

mence. Et pour conclure par ce dernier argument, si la generation de quelque chose est la cause de son estre, il s'ensuivra que sa corruption aussi sera la cause de la fin de cet estre. Or la corruption du corps ne cause pas la fin de l'estre de nostre ame, car elle est immortelle; la generation doncques du corps n'est pas aussi la cause du commencement de l'estre de nostre ame. Et toutesfois la propagation de la semence est la propre cause de la generation des corps, elle n'est donc pas la vraye cause qui produit les ames en leur estre. J'auois encore, Messieurs, à vous représenter icy l'opiniõ de ceux qui rapportēt au sang, à l'eau, ou au feu, l'origine des ames: mais la briefueté du temps me

contrainct d'en remettre le discours à la premiere entreueuë.



III. DISCOURS.

MESSIEURS, Autant de fois que ie jette les yeux sur la diuersité des opinions qui se rencontrent touchant l'origine de l'ame, ie pardonne aussi volontiers les erreurs à ceux qui choppent en cete matiere, que les esgaremës & les cheutes à ceux qui cheminent parmy l'obscurité de la nuit. Car ce n'estoit pas le iugement du seul Heraclite, que la nature de l'ame est tellement cachee, & la cognoissâce de ce subiect si profonde, qu'il est impossi-

ble à l'hōme d'y arriuer, quelque peine qu'il y puisse employer. Saint Gregoire de Nyffe estoit de mesme aduis, & faisoit à ce regard vne comparaison de nos ames à Dieu, lors que traittant de l'image de Dieu qui est emprainte en nos ames, il diët que de tous les hōmes qui ont iamais esté depuis la creation du monde aucun n'a sçeu cognoistre la substāce ny de Dieu ny de l'ame raisonnable. Et que comme nous croyons bien qu'il y a vn Dieu, mais pour cela nous ne pouuons descouurir le lieu de sa demeure: ainsi sçauons nous bien en gros qu'il y a vne ame dedans nostre corps, & qu'elle y exerce ses operatiōs, mais en particulier nous ignorons le vray lieu de son giste:

& n'est pas en la puissance de l'esprit humain de comprendre la secrete maniere de laquelle nos ames sont produites en leur estre. Dont il semble en fin rapporter la cause à ce que comme l'original, qui est Dieu, est incomprehensible, aussi est son image. A la verité vous diriez quasi que l'auteur de la nature ait voulu cacher en nous ce tresor, & nous honorer de ce don precieux, pour en admirer plus tost les effects que pour en cōprêdre les causes: & pour nous faire aduouër de l'ame ce que le poëte a dict autresfois de la riuere du Nil,

*Et gentes maluit ortus
Mirari quàm nosse tuos. & vn au-
tre escriuât du mesme subiect,
Secretò de fonte cadens, qui semper
inani*

Quærendus ratione latet, nec conti-
git vlli

Hoc vidisse caput. Car tout ainsi
 comme nous cognoissons biẽ
 la beauté de ce fleuve, sa ferti-
 lité, sa grandeur, & la ressem-
 blance de ses eaux à celles de
 la mer; mais sa source nous est
 incogneuë: aussi apperceuons
 nous bien quelque chose de la
 grandeur & puissance de l'a-
 me; & par les effects ordinai-
 res nous voyons des marques
 apparentes de ces trois facul-
 tez qui appartiennent aux
 mœurs, la concupiscible, l'i-
 rascible, & la raisonnable: &
 de ces trois autres dont aucu-
 nes nous sont communes avec
 les bestes & les plantes, la ve-
 getatiue, la sensitiue, & l'in-
 tellectuelle: & de ces autres
 encore dont traite la medeci-

ne, la naturelle, la vitale, & l'animale : mais son origine & sa source est cachée aux pl⁹ clairuoyans. De sorte que plus ie vay recherchant & ce que les anciens en ont creu, & ce que les modernes en tiennent, plus ie me trouue empesché à me desueloper de leurs diuerses opinions. Tant les ceuvres de Dieu sont admirables & incōprehēfibles, que nous ne pouuons nous venter d'en auoir aucune parfaite cognoissance, si non par emprunt de sa faueur qui nous en communique autant, que bon luy semble. Et quant à nostre subiect mesme, quelquesvns ont pensé que ces paroles de l'Ecclesiaste s'y deuoient rapporter, *Quo modo ignoras que sit via spiritus, & quare ratione compingatur ossa*

in ventre pragnantis, sic nescis opera Dei qui fabricator est omnium.

Mais c'est à mon aduis trop apporter de violence & à l'intention de l'auteur & au sens des paroles, que les vouloir destourner à cete interpretation. Il semble que la continuité du discours & l'interponction du texte Grec est bien plus conuenable à cet autre sens, Celuy qui prend garde au vent ne semera point, & celuy qui regarde les nuées ne fera point la moisson, car en ces choses aucun ne cognoist la voye de l'esprit. Comme les os de l'enfant au ventre de la mere, ainsi les œuures de Dieu nous sōt incogneuës. Quoy que c'en soit nous sommes contraints de confesser que

l'origine de l'ame est vn des plus cachez secrets, mais aussi des plus dignes de la recherche d'une ame Chrestienne. Aussi ne me suis-je pas tant engagé à ceste entreprise par aucune presomption de sçavoir, que par desir d'apprendre ce qu'il en faut tenir: n'estant point tant ignorant de la difficulté, qu'amoureux de la beauté du subiect. Or n'ayant encore osé iusque icy rien hazarder pour approfondir la resolution de ce poinct, ie me suis contenté de vous représenter la multiplicité des opinions qui s'y rencontrent: imitant en quelque maniere les elephans, qui ne pouans nager en grande eau, prennent à tout le moins plaisir de se promener sur le bord des riuieres. Per-

mettez-moy, Messieurs, pour l'êtree de ce discours que i'adiouste encore trois opinions aux precedentes, auparauant que de venir à l'examen de ce que vous en iugerez estre digne. La premiere sera de ceux qui ont creu que l'ame estoit de sang, comme il appert par le tesmoignage de Hippon, lequel en euitant cét escueil a heurté contre vn autre. Car estant en cete erreur dõt nous auons parlé cy deuant, que l'ame procedoit de la semence, il disoit en consequence que l'ame estoit d'eau, & pour cete occasion reprenoit le iugemēt de ceux qui l'asseuroyent estre de sang: d'autant, disoit il, que la semence n'est pas sang. Entre ceux dõc qui ont creu que l'ame estoit sang, ie trouue dās

les auteurs anciens que Critias & Empedocle tenoyent le premier rang. Et quant à Critias nous en auons la depositions d'Aristote assez manifeste. Mais pour le regard d'Empedocle il se rencontre quelque variété entre les rapports qu'on en fait. Car il semble au dire de Macrobe qu'il estimast l'ame tout à fait estre de sang. Plutarque escrit de luy qu'il establiroit non la substance, mais seulement le siege de l'ame en la consistance du sang. Encore selon les autres n'estoit-il pas si au large la situation de l'ame que de la faire nager en la masse vniuerselle du sang, mais il la resserroit en cete partie qui environne le cœur, comme nous apprenons de Tertullian, lors qu'en son

liure de l'ame il discourt de l'estre & du lieu de ce souverain degre que les Grecs appellent ἡγεμονικόν. Et ille versus Orphei vel Empedoclis, dit-il, *Namque hominis sanguis circumcordialis est sensus.* Et Ciceron dedans ses questions Tusculanes, *Empedocles animum esse censet cordi circumfusum sanguinem.* Le vers d'Empedocle dont ils ont entendu parler est celuy cy qui se trouue encore parmi les fragmens recueillis de l'antiquité par diuers auteurs,

Αἷμα γὰρ αὐτὸν ἐρώποισ πικρὰρ δὴαν ἔστι νόημα.

Quelques philosophes ont mis au fang non la substance ou le siege de l'ame, comme Critias & Empedocle; mais la nourriture, comme Pythagoras avec ses sectateurs. Et ne sçay si c'est point pour cete

consideration que Sextus Empiricus a dict autres-fois qu'ordinairement les ames sont alterees de sang, comme portees par vn desir naturel à l'aliment qui les entretient. Ainsi voyõs nous en l'Odysee d'Homere qu'Vlysse mettoit son espee au deuant du sang espandu, pour empescher les ames d'en approcher: & qu'aussi tost qu'il s'estoit retiré, ou qu'il auoit remis son espee au fourreau, les ames beuoyent de ce sang, & au mesme temps commençoient à parler. C'est pourquoy le poete introduiẽt entre les autres ames celle de Tiresias parlant en ceste sorte:

*Αλλ' ἀποχέζω σόθρη, ἄπιθ' δὲ φάσγανον ὄξυ
Αἵματος ὄφρα πίω, καὶ τοὶ νημετέα εἴπω.*

Tous ces philosophes anciens ont peu estre attirez à ces par-

ticulieres heresies par la specieuse apparence de diuerses raisons. Aristote allegue celle-cy, qu'ils estimoyent que le sentiment estoit la principale operation de l'ame, & que l'ame tenoit cete proprieté de la nature du sang. Ceux qui mettent le siege de nos ames au sang se sont peut-estre fondez sur ceste maxime vulgaire, que l'esprit ne peut demeurer dans le sec. Et si cete coniecture vous semble tiree de trop loing, ie vous donneray pour garant S. Augustin, qui dict, *Anima certè, quia spiritus est, in sicco habitare non potest, ideo in sanguine fertur habitare.* Ce sont ses propres termes extraicts des questions qu'il a faiçtes sur le vieil & nouueau testament, & repetez par Gratian dedans les

canons du decret: où la glosse adiouste vn traiçt facetieux, duquel le recit en passant resiouira vos esprits, *Et est argumentum*, dit elle, *pro Normannis* (ie ne sçay s'il seroit point plus à propos de lire *Germanis*: à ces deux nations la dispute) *Anglicis, & Polonis, vt possint fortiter bibere, ne anima habitet in sicco*. Mais ne vous estonnez vous point commēt on a creu que la propre assiette de l'ame deust estre dans le sang pour ne pouuoir habiter dans le sec, veu qu'il semble au contraire que la siccité produit ordinairement de plus beaux effets d'entendement & de prudence que l'humidité? Chascun sçait ce dire ancien d'Heraclice que la lumiere seiche est la meilleure ame, &

celle au contraire qui est destrépee avec le corps est comme vne vapeur espaisse, pesante, & tenebreuse, qui ne peut estre enflambee ny esleuce en hault. Platon escrit que l'ame entrant au corps est tres aduisee, mais qu'aussi tost qu'elle est enuironnee de cete humidité qui s'y rencontre, elle deuiet assopie & ignorante. Galien diët que le sang à l'occasion de sa grande humidité rend les hommes stupides & simples. Et les Naturalistes nous apprennent qu'entre les bestes brutes celles là sont plus aduisees dont le temperament tient du sec, comme les fourmis & les abeilles : & celles à l'opposite qui ont plus d'humidité sont plus lourdes, comme le pourceau, & les au-

tres semblables. Clement Alexandrin semble rapporter la cause de l'opinion de ceux qui disent que le sang est la substance de l'ame, à ce que le sang se trouue engendré le premier en l'homme. Lactance Firmian à ce que l'ame sort du corps par l'effusiõ du sang, & sãs luy ne peut nõ plus subsister que la clairté d'une lampe se conseruer sans huile. Cõsideration qui semble estre fauorisee par les princes des poëtes Grecqs & Latins, dont l'vn appelle la mort purpuree, *πορφύρεον θάνατον*, & l'autre à son exemple dict *Purpuream vomit ille animam*. Mais Lactance en la suite de son discours montre bien la foiblesse de cete raison. Et quoy donc, dict il, si l'ame est esteinte aussi tost que

le sang est respandu par l'ouverture d'une playe, ou consumé par l'ardeur d'une fièvre, s'ensuit il que la substance de l'ame soit en la matiere du sang ? Certes si nous admettons cete consequence, il sera permis par la mesme raison de conclure que la lumiere n'est autre chose que l'huile, pour ce que l'huile estant consumée aussi tost la lumiere s'esteint. En fin par l'adresse de cete comparaison fuyant vne erreur il se laisse glisser en vne autre, & ne voulant establir au sang ny la substance de l'ame avec Critias, ny le siege avec Empedocle, il en tire la nourriture avec Pythagoras ; & fait l'ame semblable à la lumiere, en ce que tout ainsi comme la lumiere tire son ali-

ment

ment de l'huile, aussi fait l'ame de l'humeur du sãg. Quelques vns voulans censurer cette opinion se sont rendus dignes eux mesmes d'une iuste censure, lors que pour la refuter ils ont allegué que si l'ame estoit sang il s'ensuiuroit qu'ẽ perdant vne partie du sang on perdroit vne portion de l'ame. Et n'ont pas pris garde que des choses qui ont les parties semblables la portion qui reste est mesme que le tout, cõme peu d'eau est autant eau que beaucoup, comme l'or & l'argent, & toutes choses en general dont les parties ne sont différentes d'essence, retiennent en la moindre quantité la denomination du total. De mesme donc supposé que l'ame fust sang, on pourroit dire neant-

194 DE L'ORIGINE
moins que le peu qui en resteroit seroit vne ame. Mais cete autre raison semble bien presfer dauantage, que s'il faut tenir pour ame ce dont la priuation faiët cesser l'estre de l'animal, par consequent & la pituite, & l'vne & l'autre bile est ame: le cœur, le foye, le cerueau, les intestins, sont autant d'ames, puis que chacune de ces choses estât separee de l'animal il cesse à mesme instant de viure. Dauantage il se trouue vne infinité de subiects qui ont des ames & n'ont point de sang, ce qu'on peut remarquer principalement aux poissons mollaïses, que les Grecs appellent *μαλάκια* ou *μαλακόδερμα*, comme la seiche, le pourpre, le casseron: ou ceux qui sont couuerts d'vne escaille dure,

que les Grecs nomment *ὄσρακό-
δερμα*, comme les huïstres & les
moules: ou ceux qui ont l'es-
corce plus tendre, que les
Grecs appellent *μαλακόσρατα*, Ne-
mesius *ἀπαλόσρατα*, comme la
langouste, le hōmar, l'escreuif-
se, lesquels estans animez, &
n'ayans point de sang, nous
font euidemment recognoi-
stre que l'ame n'est pas sang.
Mais pour ne m'arrester da-
vantage à la refutation de ces
opinions, vous iugez aisement
combien elles derogent à la
grandeur de nos ames, les met-
tant au reng de celles des be-
stes brutes, & leur ostant cete
immortalité que les payens
mesme ne leur ont pas deniee.
Car de vray si la substance de
l'ame est au sang, que deuien-
dra l'ame quand le sang est

perdu? Si c'est son siege, où se reposera-elle apres la mort? Si c'est son aliment, dequoy sera elle nourrie? Arrestons nous donc plustost à la distinction que fait Cassiodore entre les animaux irraisonnables & les hommes, en ce que la vie des bestes brutes ne consiste qu'au sang, là où l'ame humaine est immortelle, & pour ce est elle bien à propos appellee *anima*, selon la coniecture de quelques-vns, comme qui diroit *ἀνείμα*, qui ne participe rien du sang, d'autant qu'apres la mort du corps & l'effusion du sang la substance de l'ame demeure toujours en sa perfection. La seconde opinion est de ceux qui plus importuns au iugement d'Aristote (mais ne trouvez vous pas qu'il les flat-

te, quand il les note d'une si douce iniure; les appelant *σοφισματίπυς*:) ont tenu que l'ame estoit eau. L'une de leurs raisons estoit tiree de la nature de la semence; laquelle en tous animaux est humide. Mais la force de cet argumēt est assez renuersee par ce que nous auons cy deuant demonstré que nos ames ne viennent point de la semence. L'autre raison estoit que l'eau semble nous donner la vie, puis que nous ne pouuons viure sans eau. Mais si cete consequence estoit valable, nous concludrions le mesme des alimens, & des autres choses aussi necessaires à l'entretien de nostre vie. D'auantage s'il se trouue en nature des animaux qui ne boient iamais, comme on dict de cer-

taines aigles, des perdrix, & quelques autres, dirons nous pourtât que ces animaux foyent sans ame? Certes si la substance de nos ames dependoit de quelque element, ce seroit de l'air plustost que de l'eau, puis qu'on se peut abstenir d'eau par vn long espace de temps, là où sans respiration & sans air on ne peut subsister vn moment. Et toutesfois encore peut on remarquer infinis animaux qui ont vie & ne respirent point, comme tous les insectes, les mouches à miel, les guespes, les fourmis, plusieurs animaux marins, & tous ceux en general qui n'ont point de poulmon. Nous pouons donc à plus forte raison conclure que la substance de l'ame n'est point eau. La der-

niere opinion est de ceux qui font nostre ame de feu. Je ne veux point icy repeter importunement ce que ie vous ay cy deuant dict de ceux qui font entrer le feu en la composition de l'ame. Encore moins m'arrestera-ye à examiner ce que disoit Democrite que l'ame est vne certaine composition en feu, de choses perceptibles par la raison, qui ont leurs formes rondes, & leur puissance de feu, comme nous apprenons de Plutarque: ou comme l'explique Nemefius τὰ σφαιροειδῆ χήματα τῶν ἀτόμων συγκρινόμενα πῦρ τε καὶ ψυχὴν ἀποτελεῖν. Mais quant à ceux qui ont tenu que l'ame est simplement vn feu, leurs principales raisons au rapport d'Aristote estoient fondees sur ce que le feu est de tres subtiles

parties, qu'il est beaucoup plus incorporel que les autres elements, & qu'il est meu & meut aussi tout le reste. Cassiodore dict que les autheurs qui ont attribué à la substance de l'ame vne qualité de feu, auoient regard à ce qu'elle est tousiours entretenue en son estre par vne ardeur mobile, que par sa chaleur elle viuifie tous les membres du corps, que toutes choses celestes subsistent par la vigueur d'une flamme eternelle, & non par la simple force d'une fumee consommible & temporelle.

Ignis est illis vigor, & celestis origo

Seminibus, dict le poete. S. Athanase & quelques autres s'appuyent sur cete principale raison, que la presence de l'ame

donne la chaleur au corps, & son absence le rēd froid. Nous pouuons adiouster encore celle-cy, que des quatre qualitez naturelles, la chaleur, la froideur, la siccité, & l'humidité, la plus inutile ce semble, & qui cause le plus d'empeschement aux fonctions de l'homme, est la froideur. Car son excez apporte volontiers de la resis- tence ou du retardement en l'estomac à la concoction des viandes, ez testicules à l'elabo- ration de la semence, ez mus- cles à la liberté des mouue- mens du corps, au cerueau à la ratiocination & discours. Et si nous luy osons cete seule propriété de temperer la cha- leur naturelle, nous trouuerōs au regard du surplus veritable le dire de Galien qu'elle nuit

manifestement à tous les offices de l'ame. Or s'il est ainsi, Messieurs, comment accorderons nous les auteurs de cete opinion avecque Chrysippus & les autres dont nous auons traicté en nostre premier discours, lesquels rapportent la formation de l'ame à la refrigeration de l'air qui vient environner le corps en sa naissance? Comment les pourrõs nous concilier avec Origene qui s'imagine vn refroidissement de cete chaleur diuine que l'ame auoit premieremēt en l'estat de sa perfection? Cõment respondrons nous à Aristote quand il dict qu'ordinairement les animaux qui ont le sang froid, & par consequent plus subtil & delié, ont plus d'entendement & de pruden-

ce, & ceux au contraire qui l'ôt chaud font de nature plus terrestre, grossiere, courageuse, & cholérique, ainsi qu'on peut remarquer aux sangliers & aux taureaux? Si vous ramenez en faueur de ceux qui font l'ame de feu, ce qui fut mis en auant en nostre premier discours, que les esprits plus grossiers se rencontrent aux pais les plus froids, & les plus subtils aux plus chauds, encore leurs aduersaires pourront ils s'eschapper par cete raison qu'ailleurs en rend le mesme Aristote, quand il dict que c'est d'autât que ceux qui habitent aux regions les plus froides sont plus chauds, à cause que la froideur du lieu resiste à leur chaleur naturelle, & l'épesche de se diminuer en

se dispersant. Au contraire ceux qui demeurent aux lieux chauds sont plus froids, parce que l'excessiue chaleur du païs consommant la chaleur naturelle du cerueau, rend les hommes plus froids, & par consequēt plus ingenieux & mieux aduisez. Mais pour ne perdre point dauātage de tēps & au rapport & à la refutatiō de tāt de diuerses opiniōs, i'adiousteray seulement à cete derniere la censure de Lactance en ces termes. *Qui autem ignem putauerunt hoc vti sunt argumento, quod presente anima corpus caleat, recedente frigescat. Sed ignis & sensu indiget, & videtur, & tactu comburrit: anima verò & sensu aucta est, & videri non potest, & non adurit.* Jusques icy, Messieurs, i'ay desployé sur le tapis plusieurs inc-

pties de l'antiquité, indignes
ie l'aduouë, de vostre patiëce,
mais auxquelles neantmoins
nous auons cete obligation,
que parmy leurs tenebres n'o^u
trouuons quelques estincelles
qui nous esclairët à la recher-
che de la verité. Aristote n'a-
uoit point trop mauuaise rai-
son de dire que les erreurs de
ceux qui commencerent les
premiers à philosopher meri-
toyent estre tenues en singu-
liere veneratiõ, d'autant qu'il
est plus aisé d'adiouster aux
choses inuentees, que d'en in-
uenter de nouvelles. L'espere
aussi que l'examen & la censu-
re que vous apporterez sur ce
qui a esté discouru faisant re-
cognoistre ce q^u l'ame n'est pas,
me tracera vn chemin plus fa-
cile à descouuir ce qu'elle est.

THEOD. Encore que de toutes les opinions qui ont esté representees aucune à mō aduis ne merite estre tenue pour veritable, & qu'on puisse au contraire à bon droict en faire le mesme iugement que Plaute a faiët des femmes, *Optima nulla potest eligi, alia atque alia peior est frater*: toutesfois parmi cete diuersité il y en a de plus vraysemblables les vnes que les autres, & pour cete cause ont elles aussi rencontré plus grand nombre de sectateurs. Entre toutes il me souuient de celle qui establit au sang la substance, ou le siége, ou la nourriture de l'ame. En quoy ie ne m'estonne pas si entre les anciens philosophes Critias, Empedocle, & Pythagoras l'õt creu: & entre les poëtes Ho-

mere & Virgile és lieux que vous auez rapporté. Mais ie suis plus esmerueillé des vestiges qui s'en peuuent remarquer és sainctes escritures. En la Genese apres que Cain eut occis son frere Abel, quand Dieu luy dict: Qu'as tu fait? la voix du sang de ton frere crie à moy de la terre, quelques vns interpretent la voix du sang, c'est à dire de l'ame. Mais la preuue est bien plus manifeste en cct autre passage, auquel apres que Dieu eut permis de manger indifferemment de tout ce qui auoit vie & mouuement, il adiouste cete restriction, *Excepto quod carnem cum sanguine non comedetis. Sanguinem enim animarum vestrarum requiram &c.* Les termes Hebreux expriment plus disertement,

Excepto quòd carnē in anima sua in sanguine suo nō comedetis. Et au Leuitique, Homo quilibet de domo Israël & de aduenis qui peregrinantur inter vos, si comederit sanguinē, obfirmabo faciē meā cōtra animā illius, & disperdā eā de populo suo, quia anima carnis in sanguine est. P'adiouste encore ce lieu du Deuteron. Hoc solē caue ne sanguinē comedas. Sanguis enim eorum pro anima est. L'Hebreu passe pl^o auāt, nā sanguis est ipsa anima. D'ou incōtinent en la suite du texte il est inferé. Et idcirco non debes animam comedere cum carnibus, sed super terram fundes quasi aquam. R. F. Je sçay que quelques vns interpretent ainsi ces passages, le sang est l'ame, c'est à dire le siege de l'ame, la fontaine des esprits, la nourriture & la conseruation de la vie. Je sçay qu'ē la langue Hebraïque vn mes-

me mot signifie le sang & l'ame, & se prend ordinairement pour cete vie qui nous est cõmune avec les bestes brutes. Mais il est principalement à remarquer qu'és lieux sus alleguez il n'est point parlé de l'ame humaine dont nous traitõs, ains de celle des animaux seulement qui seruent à nostre nourriture. Et de ceux-là nous aduoions que l'ame & la vie est contenuë dans leur sang. Ainsi Auen Esra explique ce lieu que nous auons rapporté de la Genese, Vous ne mangerez point la chair avec son ame, car son ame est le sang, tout ainsi, di&il, que s'il ordonnoit: ne deuorez point l'ame avec la chair, parce que l'ame de tous les animaux est leur sang, & ceste ame est la sensitiue & vegetatiue, & cell o

qui a mouuement, ſçauoir eſt le corps meſme. L'ame, diët il, de tous les animaux eſt le ſang.

Il entend des autres animaux que de l'hôme, ainſi que nous pouuons meſme receuillir de l'interpretatiõ de S. Ieã Chryſoſtome ſur le meſme paſſage,

τὸ αἷμα τῶν ἄλλων ζώων ἡ ψυχὴ αὐτῶν ἐστὶ.

Quant à ceux dont nous a-
parlé cy deuant, qui eſta-
bliſſoyent la ſubſtãce de l'ame
humaine au ſang, Iuſtin Mar-
tyr ne veut point emprunter
d'ailleurs de plus ſolides argu-
mens pour les conueincre, que
des paroles du createur qui di-
ſtinguët l'ame d'avec le corps.
Comme quãd la puissance fut
accordee au diable d'affliger
Iob en ſon corps & non pas en
ſon ame. Et quand il eſt diët
qu'il ne faut point apprehēder

ceux qui peuuent occire le corps seulemēt, & n'ont point de iurisdiction sur nos ames.

P O L I D. Entre ces diuerfes opiniōs que vous auez rapportées, celle cy sembloit estre des plus probables qui faisoit descendre les ames du ciel, afin d'estre enfermées dedans les corps pour l'expiation de leurs anciennes fautes. Mais sur ce point il m'est demeuré vne curiosité de sçauoir la vraye intelligence de ce passage de Hieremie duquel vous auez obserué que plusieurs abusoient pour la confirmation de cete opinion, lors que le prophete maudiēt & le iour de sa naissance & celui qui l'a premierement annōcé à son pere.

R. F. Ceux là vrayement en ont abusé qui ont creu que

Hieremie estimast le iour de sa naissance malheureux, pour auoir transporté son ame d'un seiour bien-heureux en la captiuité du corps. Et les Hebreux n'ont guere mieux rencontré, lors que par la subtilité de leurs supputations rapportans au temps de la natiuité de Hieremie le cinquiesme mois auquel la ville de Hierusalem fut prise & le temple destruit, ils en ont inferé que le prophete appelloit infortuné le iour de sa naissance, ayant égard au defastre du sac de Hierusalem. Mais l'intention de Hieremie est assez manifeste en ce qu'incontinent apres il adiouste, *quare de vulua egressus sum ut viderem laborem & dolorem, & consumerentur in confusione dies mei?* Pour monstrez

que la seule consideration des maux qu'il enduroit luy faisoit deplorer le iour de sa naissance comme pour la mesme cause plusieurs implorent la mort à leur secours, d'autant que *melior est mors quàm vita amara, & requies aeterna quàm languor perseverans.* Ainsi voyons nous que Job au milieu de ses afflictions faisoit les mesmes fouhairs, *Pereat dies in qua natus sum, & nox in qua dictum est cõceptus est homo,* & ce qui s'ensuyt. Et vn peu apres, *Quare misero data est lux, & vita his qui in amaritudine anime sunt? Qui expectant mortem, & non venit, &c.* Ainsi nostre Seigneur pour exprimer l'extreme malheur auquel Iudas s'estoit precipité, dict qu'il eust esté expedient à cet homme de n'estre jamais né.

P Y C. Ces lieux de la saincte escriture m'en ramenant en memoire vn autre, duquel S. Hierosme tesmoigne aussi que ceux là se sont voulu seruir qui ont creu qu'au parauant la cōstitution du monde les ames faisoient leur demeure avec les anges en la Hierusalem celeste. C'est au commencement de l'epistre de sainct Paul aux Ephesiens, où il diët, *Sicut elegit nos in ipso ante mundi constitutionem, ut essemus sancti & immaculati in conspectu eius in charitate, qui predestinauit nos in adoptionem filiorum per Iesum Christum in ipsum secundum propositum voluntatis sue in laudem gloria gratie sue.* Ceux qui pour exclure la predestination luy opposent comme cōtraire cete iustice diuine qui reluit en la distribution des

peines & des salaires, & croyét que Dieu eslit les personnes non tant par le preiugé de sa science que par leurs merites se figurent qu'auparauant l'establissement des creatures visibles en ce monde Dieu auoit faiçt des creatures inuisibles, entre lesquelles estoyent aussi les ames, & que d'icelles aucunes pour certaines causes cogneues à Dieu seul ont esté precipitées en cete vallée de larmes, en ce lieu d'affliction & de pellerinage, duquel Dauid desiroit avec tant d'affection de sortir pour retourner en son ancienne demeure, *Heu mihi quia incolatus meus prolongatus est, habitavi cum habitantibus Cedar, multum incola fuit anima mea.* Et l'Apostre en son epistre aux Romains, *Infelix ego*

homo, quis me liberabit de corpore mortis huius? Au parauant donc, disent ils, que les ames fussent releguees aux peines de ce monde, Dieu a choisi particuliere-ment saint Paul & ses semblables, qu'il a neãtmoins enuoyé icy bas, mais pour la conduite & l'instruction des ames pecheresses plustost que pour le supplice: ne plus ne moins qu'ẽ la captiuité de Babylone quãd le Roy Nabuchodonosor emmena le peuple en Chaldee, on choisit entre les enfãs d'Israël Ananias, Misael, Azarias, Daniel, Ezechiel, Aggee, Zacharie, qui furent enuoyez nõ comme ayans merité le ioug de seruitude, mais pour le ser-vice du Roy, & la consolation des captifs. Ainsi entendent ils aussi que deuant la creatiõ du monde

monde, & la generatiõ de toutes choses qui y sont, Dieu estoit le refuge de ses bons seruiteurs, & destournent à cete interpretation ce que Dauid chantoit en la personne de Moïse, *Domine refugium factus es nobis à generatione in generationem, Priusquam montes fierent aut formaretur terra.* R. F. Ce lieu que vous auez allegué de S. Paul en l'epistre aux Ephesiens desireroit vn plus ample traicté, pour monstrier que la predestination n'exclud point la iustice de Dieu, mais de peur que cete dispute nous tire trop loing de nostre subiect, ie diray seulement que l'eslection de saint Paul n'estoit point fondee sur les merites precedens de sa part, ains sur le bon plaisir de nostre Seigneur; cõ-

me ie remarque premierement par ces paroles, *secundum propositum voluntatis suae* : & puis encore par ces autres, *elegit nos in ipso ante mundi constitutionem, ut essemus sancti & immaculati*. Prenez garde s'il vous plaist que l'Apostre ne se dict pas auoir esté esleu de Dieu pource qu'il estoit desia sainct & sans macule deuant la face de Dieu, mais afin que desormais il fust tel. De sorte que cete authorité de sainct Paul ne donne aucun aduantage à l'opinion ny d'Origene, qui croyoit que l'effect de la predestination dependoit des merites qui auoyent precedé la naisance: ny de ceux qui ont rapporté la predestination aux merites qui en precedent l'effect durant le cours de nostre vie, comme si nos

bōnes œuures estoyent la cause de cete predestination, selō l'erreur des Pelagiens qui disoyent que le principe des bōnes actions est de nous, & la consommation de Dieu: ny de ceux encore qui ont dict que les merites qui suiuent l'effect de la predestination sont causes de la predestination: comme si Dieu auoit ordonné de toute eternité de donner sa grace à quelqu'un d'autant qu'il a preueu des lors qu'il en vseroit bien. Et moins certes peut on receuillir de cete authorité l'ancienne demeure des creatures inuisibles au ciel, dont les vnes ayent esté enuoyees en cete valee de misere, & les autres par vne singuliere eslection retenues, & preseruee des malheurs de ce mōd.

de. Car il n'y est rien difertement exprimé de l'estat auquel estoient les ames au parauant la production des creatures visibles. Mais seulement l'Apostre tesmoigne la presciēce de Dieu à qui toutes choses futures sont presentes, & cogneuës au parauant qu'elles soyent. Et d'autant que la predestination est vne partie de sa prouidēce, il nous enseigne aussi que la fouueraine bonté de Dieu entre plusieurs en choisit quelques-vns, & les rend participans du bonheur de cete predestinatiō, qui n'est autre chose qu'une preparatiō de la grace pour le present, & de la gloire pour l'aduenir. Quāt au lieu du Psalmiste *Hei mihi quia incolatus meus prolongatus est*, &c. c'estoit vne plainte de Dauid lors.

qu'il estoit perfecuté de Saül, & vne priere qu'il faisoit à Dieu pour estre preserué du venim des langues mesdisantes, combien que spirituellement la plus part l'interprete du desir qui porte vne ame deuote à la deliurance des tenebres du mōde & de la conuersation des pecheurs pour s'approcher de Dieu. Tout ainsi qu'ailleurs quand le mesme Psalmiste disoit *Educ de carcere animam meam*, il est manifeste qu'il demandoit à Dieu la deliurance de sa captiuité, & l'issue de la cauerne où il estoit mussé fuyant la persecutiō de Saül, combien que quelques-uns spirituellement prennent cete prison ou pour les tribulations, ou pour les enfers, ou pour le mōde, ou pour le corps

mesme qui emprisonne nostre ame.

E V R. Je passeray s'il vous plaist à cete autre opinion qui rapporte la descente des ames aussi bien que des corps à la generation des hommes, & vous sommeray de la promesse que vous nous fistes lors que traitant de ce poinct vous remistes au discours du iourd'huy l'esclaircissement de la raison tiree du peché originel. Je cōfesse que ie ne puis comprendre aisement le moyen par lequel ce peché qui est attaché à nostre ame peut estre transmis en nous par nos parens, si nous ne receuons d'eux-mesmes le subiect auquel cete marque est emprainte, qui est l'ame. Car puis que selon la maxime des philosophes l'acci-

dent ne peut passer d'un subiect en vn autre, comment se peut il faire que cete tache qui n'a point de residence ailleurs qu'en nostre ame, nous soit communiquee si non par ceux mesmes qui nous donnent les ames? En voulez vous vne plus manifeste preuue que quand David tesmoigne que nous sommes conceus en peché? *Ecce enim in iniquitatibus conceptus sum, & in peccatis concepit me mater mea.* Car qu'est-ce autre chose de dire que ma mere m'a conçu en peché, sinon qu'elle a conçu le subiect auquel cet accident est attaché, qui est l'ame? Au contraire l'ame de nostre Seigneur n'a point esté asservie à cete commune loy qui nous oblige au peché, d'autant que par vne particuliere

façon de naissance il est venu au monde sans copulatio charnelle. Aussi apres que l'ange eut dict à la Vierge *Spiritus sanctus superueniet in te, & virtus Altissimi obumbrabit tibi*; il adiousta *Ideoque & quod nascetur ex te sanctum vocabitur filius Dei. R. F.* Encore que nos ames foyent créées de Dieu, & non pas engendrées des hommes, toutes-fois le Createur par vn secret iugement les repute pecheuses en nostre premier pere. D'ot la raison bien qu'à nous incogneuë ne scauroit estre que iuste, puis que Dieu l'a ainsi ordonné. Et peut estre en ce poinct seroit il plus expedient à l'exemple de S. Augustin de cōfesser avec humilité nostre ignorance; qu'avec presumption trop hardiment asseurer

ce que Dieu a voulu no⁹ estre caché. Avec cete recognoissāce de nostre imbecillité nous pourrions dire que comme au sacré mystere de l'Eucharistie par dessus les regles cōmunes de nature apres la consecratiō du pain les accidens demeurent sans la substance, aussi par vn moyen secret nous tirons de nos peres & meres la qualité du peché originel au parauant la creation de l'ame qui en est le subiect : par la mesme raison que la iustice originelle eust esté par eux mesmes transmise en nous, si nostre premier pere eust persisté en son estat d'innocence. Si ce n'est que nous aimons mieux philosopher avec ceux qui disent que nous tenons de nos parens le peché originel, en considera-

tion de ce que nous receuons d'eux vrayement la nature humaine, & en conſequēce auſſi ſon infection. Je diſ que nous receuons d'eux la nature humaine, non pas que la generation ſoit immediatement cauſe de la production de noſtre ame, mais à tout le moins de cete derniere diſpoſition qui en eſt ſuſceptible, & de laquelle ſ'enſuyt naturellement l'union ſubſtantielle de l'ame & du corps dont la nature humaine eſt compoſee. Cela ſuppoſé, ce qui eſt principalement remarquable en ce poinct, eſt que quand Dieu defendit à Adam l'vſage du fruict excepté, tout ainſi que la promeſſe des graces & prerogatiues fut faite non ſeulement à luy, mais à toute ſa lignee ſ'il euſt obey à

ce commandemēt, aussi en ce cas de desobeissance la menace des peines regardoit pareillement toute sa posterité comme participante à sa transgression. *Nostra est Adami culpa*, dit S. Bernard, *quia et si in alio nos tamen peccauimus*. De sorte que pour iuger que l'homme soit entaché de la souilleure originelle, il n'est point besoing de s'embrouiller de plusieurs curieuses recherches, vne seule condition est requise, sçauoir est qu'il soit issu de la race d'Adam. De là pouuons nous apporter quelque lumiere à ce verset du Psalmiste qui nous fait conceus en peché, & duquel saint Hierosme en ses cōmentaires reconnoist la difficulté, lors que sur ces mots

in peccatis concepit me mater mea, il n'a dict autre chose sinon *Obscurus locus*, & *alius retractandus*. Arnobe pense que l'intention de David estoit d'aduouër que son peché ne pouuoit estre imputé à Dieu, puis qu'il n'a pas dict *cum iniquitatibus*, ny *cum peccatis*, mais *in iniquitatibus*, & *in peccatis*. Et toutesfois il se trouue vne certaine traduction conçeuë en ces termes, combien qu'en vn autre sens, *Ecce cum dolore natus sum*, & *cum peccato concepit me mater mea*. Mais ie dis que ce lieu premierement doit estre pris du peché originel, qui n'est autre chose que cete loy des mēbres, ou de la chair, comme elle est appelee en l'écriture sainte, cete concupiscentence, & cete affection vitieuse qui nous porte aux choses illicites.

illicites. Je dis aussi que nous tirons ce peché de nos parens, mais ce n'est pas selon l'ame, car l'ame d'Adam au parauant qu'il engendrast estant desia iustifiée, il ne pouuoit transmettre à sa lignee le peché d'õt il estoit deliuré. Et bien qu'il fust vray que ceste tache eust passé és ames de ses successeurs, comment aujourd'huy nous pourroit-elle souïller, puis qu'elle a esté effacee par le remede du baptesme? C'est donc selon la chair que ce peché nous est cõmuniqué, soit en la façon que ie viens de deduire, soit, comme S. Augustin l'interprete, d'autant que le moyen par lequel il est en nostre ame vient de la corruption de la chair. Car depuis le peché de nostre premier pe-

re, dict-il, la chair a esté corrompue, en sorte que l'acte charnel ne se peut accomplir qu'avec vne concupiscence & vn desir de volupté charnelle. D'où il arriue que la chair conceuë en cete concupiscence tient du deffaut de son origine, & comme par vne certaine contagion puis apres infecte l'ame qui est infuse en elle. Et tout ainsi que nous apperceuons par les effects le vice d'un vaisseau, lors que le vin qui est versé dedans commence à s'aigrir, aussi la corruption qui estoit en la chair au parauant l'infusion de l'ame faict reconnoistre ses effects apres que l'ame y est infuse. Je ne doute pas que l'on puisse trouuer encore auiourd'huy des gens refractaires à cete doctrine, &

que quelques nouveaux Voyans se persuadent aisemēt que l'ame n'estant point transmise en nous par nos parens, ne tire point aussi d'eux la souilleure du peché originel. Mais si cela est vray, A quoy dōc le baptesme? l'enfant, diront ils, est baptisé en la foy des parens. Quel besoing est il dōc de le rebaptiser? Voire mais d'ailleurs puisque cete tasche de l'ame de nos predecesseurs a esté vne fois effacee par le sacrement du baptesme, comment se peut il faire qu'elle passe encore à leur posterité? Sainct Augustin y respond par ces similitudes. Tout ainsi que le prepuce demeure aux enfans dont les peres estoient circoncis au parauant que de les engendrer, & la paille & la balle

demeurent au fourment produict du grain qui en auoit esté separé; de mesme ce peché duquel les parens auoyent esté mondifiez par le sacré lauement ne laisse pas encore de renaistre aux enfans, parce qu'ils sont engédrez de ce que leurs peres & meres auoyēt de vieil selon la chair, & non pas selon ce qui est de nouveau en la loy de grace, qui par le moyen d'une regeneratiō les auoit faiçts enfans de Dieu. Mercure Trismegiste nous fournit encore d'autres comparaisons qu'on peut accōmoder à ce subiect, quand il diēt que le mal & la turpitude sont passions compagnes de la generation, tout ainsi que la rouille de l'airain, & les ordures du corps, *ταῦτα γὰρ ὄντι τὰ πάντα τὰ τῆ γενέσει παρεπόμενα, ἅπαντα*

ἰς τῷ χαλκῷ, καὶ ὁ ῥύπος τῷ σώματι. Et vn peu apres, Regarde, diét il, vn laboureur qui iette en terre du fourment, del'orge, ou quelque autre grain: qui plante de la vigne ou des arbres: Il est ainsi de Dieu qui seme au ciel l'immortalité, en terre la mutation, en l'vniuers la vie & le mouuement. Mais si la condition de nostre nature nous oblige au peché, si la source de nostre extractiõ faiét que nous sommes pecheurs des nostre naissance, & comme diét Procope sur le prophete Esaïe, *ἀμαρτωλὸς ἀπὸ μητέρας*, pourquoy est ce, direz vous, que nostre Seigneur est franc du peché originel, puis que son corps a esté formé d'vne chair issue d'Adam aussi bien que les nostres? Certes la cause qui nous obli-

ge à cete imperfectiō, ne vient pas de la simple extraction selon la chair, mais de cete concupiscence charnelle qui accompagne la generatiō, comme nous auons dict. Or nostre Sauueur ayant esté cōceu non avec cete commune loy du peché & cete concupiscence charnelle, ains par l'operation du sainct Esprit, à bon droict est exempt de cete pollution. Ainsi pense-ie auoir aucunement satisfait à cet argument, sur lequel ie me suis estendu d'autant plus au long qu'il me semble estre l'vn des plus presens pour le party de ceux qui tirent nos ames de la propagation des parens. Entre lesquels vn homme docte depuis peu de temps ayant soustenu cete opinion en ses escrits, auoit

raison d'employer à sa cause cete preuue comme vne des plus specieuses. Mais quant aux autres qu'il met en auant, ie les iuge si foibles qu'elles ne meritent pas la peine de les refuter. Aussi dés l'entree de son discours il proteste qu'il n'ose rien decider de certain touchant vne si haute question, qui appartient specialement à la theologie. Et ie l'excuse biẽ, puis que l'vn des plus grands Theologiens de l'antiquité, en l'age ou il auoit le plus solide iugement, & en l'œuure où il l'a plus faiët paroistre, confesse qu'il n'a sceu & ne sçait point encore si l'ame est venuë de la fouche du premier homme, ou bien si chaque ame est créée de riẽ pour chasque personne. Quant aux autres preu-

ues dont ce moderne se sert, il se fonde premierement sur ce passage de la Genese auquel Dieu donnant sa benediction à l'homme & à la femme qu'il venoit de creer, il leur dict Croissez & multipliez, d'où il infere que non seulement les corps, mais toute l'espece humaine tire son origine du pere & de la mere. Puis apres il se sert d'un autre lieu de la Genese où nous lisons qu'Adam engendra un fils à son image, & l'interprete ainsi, c'est à dire avec la souilleure du peché: d'où il conclud qu'Adam estoit le pere non seulement du corps, mais aussi de toute la nature, & par consequent de l'ame. Il adiouste encore que ces inimitiez lesquelles Dieu a mises entre la semé-

ce de la femme & celle du serpent se doiuent rapporter à toute la nature tiree de la semence. Mais l'interpretation forcee de ces authoritez ne merite pas retarder le frui&t de vos plus serieux discours, par lesquels ie desirerois speciale-ment estre esclaircy de ce que ie rapportois hier d'Hippocrate. Vous, monsieur, qui faictes professiõ de la medecine, estes obligé d'honneur & de courtoisie de satisfaire à la semonce que ie vous feis d'y penser.

EVp. Il est vray, cete profession que i'ay plustost rencontre par curiosité que choisie de volenté, me conuie à vous dire aujourdhuy mon aduis sur ce passage qui semble en apparence approuuer la traductiõ des ames. pour vo⁹ descou-

urir donc ce qui m'en semble, les termes d'Hippocrate sont tels, *Εἰ δὲ τὸ ἀπὸ τῆς ψυχῆς μὴ αἰσθητικῆς ψυχῆς, ἀφ' ὧν ἔστιν* : où selon mon iugement ce mot *ψυχή* ne signifie ny la semence, combien qu'en autres lieux il se trouue vsurpé en ce sens, ny moins encore l'ame raisonnable, ains seulement l'esprit formateur de la semence. Ma coniecture est fondée sur la deduction que fait Hippocrate de l'ordre naturel de la generation : pour principes de laquelle il pose le feu & l'eau, c'est à dire la semence du pere & de la mere. De l'eau espaisie il bastit la chair, du feu humide ou humefié il faiët le sang. Voyla la semence posée. Puis apres, dit-il *ψυχὴ σύγκριστον ἔχουσα* &c. L'esprit ayant vne

temperature meslee des qualitez de ces deux principes se glisse en la masse de l'enfant, l'agite & le remuë, dispensant ces qualitez plus ou moins selon l'usage futur des parties. Il appelle au mesme liure cet esprit vn feu tres-chaud & tres-puissant, *θερμώτατον, καὶ ἰσχυρότατον πῦρ*, & ce qui est bien plus il le fait comme maistre & superieur, disant qu'ë ce feu est *ψυχὴ νόος φεγγήσις*. Or pour le fait de l'ame ie ne veux pas entreprendre l'apologie d'Hippocrate. Bien voudrois-ie luy faire dire ce que tiennent aucuns de ses sectateurs accommodans la croyance Chrestienne à la physique, que l'ame vegetative, sensitive, puis raisonnable, moyennant la chaleur celeste ou esprit qui est son instrumēt,

agit par sa faculté sur les semences, les preparant iusques à la derniere disposition. Que si ie ne le puis amener iusques à ce point, au moins serois-ie bien aise de pouuoir par quelque subtile explicatiõ de son texte le faire tomber d'accord avec ceux qui reprenãs de plus haut l'origine & le progrez des facultez qui suruiennēt à l'ame, posent premierement que la semence contient l'ame naturelle & sensitue, si non reellement & actuellement, à tout le moins en puissance. Car encore qu'elle ne soit poit vrayement animal, toutesfois elle a cete vertu cachee de le pouuoir estre par succession de temps, d'autant qu'elle est accompagnee d'une chaleur diuine & celeste, qui consiste nõ point

point ez elemens, mais en vn certain esprit etherée. Cet esprit, disent ils, est le siege de l'ame sensitive, & le premier instrument de son action. Car cōme l'ame ne peut estre sans luy, aussi ne peut il subsister sans le corps. D'où il s'ensuit que cete estroite liaison qui ioinct l'ame avec la matiere nous doibt faire recognoistre vn mesme principe de l'une & de l'autre, qui est la semēce. Mais cete puissance qui du cōmencement y demeueroit oisive & comme assopie, avec le temps se resueille, & produict ses operations naturelles. Premièrement des que la semence est cōceue, la vertu formatrice qui resulte de la mixtion de deux esprits cy dessus faicts vn, exerce ses fonctions tandis qu'elle

trouue où les employer, puis apres arriue la faculté nutritiue, qui continue durant toute la vie. Et ce que nous auons dict de la faculté naturelle a le mesme progres en la sensitiue: laquelle du commencement estant comme engourdie, peu à peu deuiet vigoureuse, & à mesure que l'enfant préd croissance produict ses operations plus parfaites. Le semblable se peut dire aussi du mouuement. Mais quant à cete supérieure faculté qui est raisonnable, & qui n'ayant aucun commerce avec la matiere peut exercer ses operations sans le ministere des organes corporels, elle a bien vn plus noble & pl⁹ excellent principe que la semence humaine. Elle n'y a iamais esté enclose ny actuelle-

ment ny en puissance, ains est creée de Dieu, & infuse dedás le corps de l'enfant aussi tost qu'il est disposé à la recevoir. Voila comme Fernel explique cete doctrine de l'origine & du progréz des facultez de l'ame. Mais pour reuenir au texte d'Hippocrate, ie dis que cete iniure *ἀφ' ὧν ἔστιν* ne regarde point ceux qui eussent peu croire de ce temps-là que l'ame venoit *ἐξ ὧν*, comme a dict Aristote, qui eust esté vn dogme mesme alors plus digne de l'admiratiō d'Hippocrate que de sa cholere. Et croy plustost que cela s'adresse à ceux qui eussent voulu nier ou trouuer estrange la ressemblance des enfans tantost au pere tantost à la mere, qui ne peut estre que par la meslange de ces deux es-

prits ou idees conformatrices, desquelles l'une estât veincue par la compagne, ou du moins affoiblie, resulte neantmoins cete troisieme idee, comme vn troisieme feu reclement distingué des deux tisons fournissans deux flâmes inegales, & en composans vne troisieme selon la comparaizon du mesme autheur qui suit immediatement le texte dont il est question.

TH. Ces dernieres paroles de la ressemblance des enfans à leurs progeniteurs, me ramènent en memoire vne raison de Cleanthes cy deuant rapportee pour la preuve de la traduction des ames. Raison que ie trouuois d'autant plus receuable que l'experience mesme l'approuue, nous fai-

fant voir que cōme les enfans bien souuent representent les perfections ou imperfections du corps, aussi font ils celles de l'ame de leurs peres ou meres. Ce qui me semble estre vn argument probable de la descente de l'ame aussi bien que du corps par le moyen de la generation. Et le bon homme Chremes dedás Terence sceūt bien s'en seruir contre Sōstrata, luy reprochant que son fils estoit recognoissable par la similitude des meurs de sa mere

Id quod est consimilis moribus,

Conuincens facile ex te natum, nam tui similis est probè.

Nam illi nihil vitij est relictū, quin id itidem sit tibi.

R. F. Je confesse vrayement que l'experience nous faiçt souuent paroistre des marques

246 DE L'ORIGINE
de cete ressemblance , mais
vous m'accorderez aussi que
plus ordinairement elle nous
monstre le contraire : & que
cōme la figure du visage quel-
quesfois represente vn ayeul
ou vn oncle , voire mesme vn
estraner , plustost qu'vn pere
ou vne mere : (soit que nous
rapportions la cause de cete si-
militude à la force de la semē-
ce predominante , ou à l'ima-
gination avec Empedocles,
soit à la sympathie des pēsees,
& à l'euulsion de fluxions & de
rayons plustost que des ima-
ges avec les Stoiciens , soit à
l'adventure avec la pluspart
des anciens medecins , soit au
diuers mouuement de la se-
mence avec Aristote , soit à sa
temperature avec Galien , soit
à la vertu formatrice avec E-

rasts) aussi les qualitez de l'a-
 me sont tellement differentes,
 que d'un pere vitieux souuent
 naistront des enfans vertueux,
 d'un ignorant des doctes, d'un
 couïard des genereux & vail-
 lans : comme d'un meschant
 Saul vn bon Ionathas , d'un
 meschant Ammon vn bon
 Ioab. Et au contraire d'un pe-
 re le plus accompli sortiront
 des enfans qui auront quel-
 qu'un de ces deffauts. Ainsi
 d'un tres-bon pere Themisto-
 cles nasquit vn meschant fils,
 ainsi le ieune Lyfimachus de-
 genera de son pere , Patalus &
 Xantippus de Pericles , Meli-
 fias & Stephanus de Thucidi-
 de, encore que leurs peres euf-
 sent apporté tout le soing qu'il
 estoit possible d'employer à
 leur instructiõ. Il est bien vray

qu'aux bestes brutes la coustume de ce rapport est plus infal-
sible, parce que leurs ames aus-
si bien que leurs corps n'ont
point d'autre principe que des
peres & meres qui les ont en-
gédrez. De sorte que commun-
nement se trouue veritable le
dire du poëte:

*Est in iuencis, est in equis patrum
Virtus, nec imbellem feroces*

*Progenerant aquile columbam. Et
Lucrece à bon droit attribue
cet effect à la vertu de la semē-
ce, en ces vers,*

Denique cur acris violentia triste leo-

*numinum, quod in canibus, in ovibus,
Seminium sequitur, vulpe s dolus,
& fuga cervis.*

*A patribus datur, & patris pa-
nor incitat artus,*

*Et iã cetera de genere hoc cur omnia
membris.*

*Ex ineunte auro generascunt inge-
nioque,*

*Si non certa suo de semine seminio-
que*

*Vis animi pariter crescit cum corpore
quoque.*

Mais l'ame de l'homme ayant vne autre origine, n'emprunte point ses qualitez de la semence, sinon entant que l'estroite liaison du corps & de l'ame cause quelquesfois la communication de certains accidens, comme quãd des peres idiots & stupides les enfans naissent avec ces mesmes deffauts. Et peut-estre Eupolis auoit égard à cete difference des hommes & des bestes en ces vers que nous trouuons dedans Athenec.

Οὐ δεινὸν ἔν κρείεσσιν ἐκφυλάττειν τέκνα

Ὅσους ἢ ὁμοίως τῶν γεοττοῖς τῶ πατρὶ.

De là iugeons nous aisement combien estoit impertinente la responce d'Aristote à ce probleme, D'où vient que les bestes brutes transmettent plustost la similitude de leur nature aux petits qu'ils engendrent que les hommes à leurs enfans, quand il en rapporte la cause, comme faiët aussi Plin ne apres luy, à ce que l'homme en l'acte de la generation a l'esprit distraiët de diuerses imaginations qui causent de la diuersité en ce qui en est produiët, là où les autres animaux au contraire ont l'imagination du tout arrestee à l'actiõ qu'ils exercent. Les medecins qui attribuent les differentes qualitez des ames & des corps au temperament que nous tirons de l'aliment (d'autant que des

viandes est engendré le sang, du sang la semence, de la semence l'animal) diront peut-estre que les bestes produisent tousiours leurs semblables à cause qu'elles vsent d'une nourriture tousiours semblable. Et pour ce aussi disoit Hippocrate que les meurs & les figures du visage des Scithes sont tousiours semblables, à cause que ces peuples obseruent perpetuellement une mesme maniere en leur viure, en leur vestement, & presque en tout le reste sont semblables entre eux & dissemblables aux autres. Mais soit que nous rapportions les bonnes ou mauuaises habitudes tant de l'ame que du corps à la diuerse qualité des viandes, avec les medecins : soit que nous

les imputations au temperament, à la meſlange, & à la proportion differente des quatre elements, avec les naturalistes : ou à l'influence des astres, avec les astrologues : ou à la deſcēte des ancestres, avec aucuns philosophes : ou au caractere imprimé de Dieu, comme d'autres ont creu : voire encore que pour passer plus avant nous veuillions meſme attribuer à quelqu'une de ces causes l'inclination naturelle qui nous porte à certains vices : toutesfois nous n'aduouērons iamais que le peché y puisse estre iustement rapporté, d'autant qu'il n'est peché sinon en tant qu'il est volontaire, & cōbien que le peché originel ne soit point volontaire de nostre part, neantmoins il est cōſide-

ré tel en nous eu egard à la premiere volonté d'Adam, qui par le mouuement de generation a donné s'il faut ainsi dire le premier branfle & le mouuement à tous ceux qui sont descendus de luy.

POL. Cet argument de Cleanthes à la verité n'auoit point tant de force que l'on en peust necessairement conclure la propagation de noz ames. Mais la preuue en semble plus apparente que ie tire de ces paroles de Iob: *Quis potest facere mundum de immundo conceptum semine? Nonne tu qui solus es?* desquelles on peut vray semblablement inferer que l'ame cõceüe en son commencement d'vne semence impure, puis apres est purifiée par la seule grace de Dieu. R. F. I'ay faiçt

autres fois vne cōiecture, qu'il falloit interpreter cete senten-
ce non pas en vn sens compo-
sé, comme si Job l'eust enon-
cée de l'ame seule en cete fa-
çon, *Qui est-ce qui pourra mō-*
difier cete ame qui a esté con-
ceue d'vne semence immōde?
mais en vn sens diuisé, comme
si separant la diuerse nature de
l'ame & du corps il eust dict,
Qui est-ce qui pourra nettoyer
l'ame de celuy dont le corps a
esté conceu d'vne semēce im-
pure? C'est Dieu seul. C'est ce-
luy auquel pour cete occasion
Dauid demandoit la faueur de
cete purification en ce mesme
pseaume auquel il se reco-
gnoissoit conceu en peché:
Amplius laua me, disoit il, ab ini-
quitate mea, & à peccato meo mūda
me, pour le regard de l'ame: &

vn peu apres pour le regard du corps : *Ecce enim in iniquitatibus conceptus sum &c.* Mais cete difficulté nous est esclaircie par les autres versions plus conformes au sens de l'Hebreu, dont les vnes se trouuent exprimees en ces termes, *Quis proferet purum ex immunda massa?* les autres en ceux-cy, *Quis edat operationem mundam de corde impuro?* Les septante interpretes ont traduit *τίς ἐσται καθαρός ἀπὸ φύτου ἀλλ' ἐσθίει.* *Quis mundus à sordibus? nemo.* Toutesfois si nous voulons suiure la version ordinaire, & de laquelle pour la commune approbation de l'Eglise nous ne nous deüons departir que le moins qu'il est possible, on peut dire que l'hōme est conceu d'vne semence immonde en la mesme sorte

que nous auons cy deuant expliqué les paroles du Psalmiste, que nous sommes conceus en peché à raison de cete dernière dispositiõ que nous auõs de nos parens pour receuoir yne ame.

P y c. I'adiousteray à ces authoritez de l'escriture deux passages qui semblent rapporter l'origine des ames à la generation. L'vn est tiré de la Genese, où il est dict que Iacob a engendré seize ames, & vn peu apres *cunctaque anima que ingressa sunt cum iacob in Ægyptũ, & egressa sunt de femore illius, absque vxoribus filiorum eius sexaginta sex.* L'autre est encore de la Genese, où nous lifons qu'Abraham s'acheminant en Chanaan mena quãd & luy sa femme Sara, son neueu Loth, &

toute la substance, & avec ce les ames qu'ils auoyent faiçtes en Haran. R. F. Ces lieux en apparence ont autant plus de force qu'ils ne font pas mentiõ du simple enfantement, mais qui plus est de la generation. Sainct Cyrille Archeuesque d'Alexandrie dict que la mere enfante l'ame aussi bien que le corps. Elle l'enfante, il est vray, mais elle ne l'engendre pas. Ains cõme le mesme autheur auoit dict vn peu au parauant, apres que le corps croisât peu à peu dedans le ventre mater- nel a pris en fin forme humaine, Dieu luy enuoye vn esprit. Et l'vn & l'autre ensemble puis apres sort du ventre de la mere au bout du terme. Aussi a il employé bien à propos ce- te comparaison pour monstres

que la saincte vierge est vrayement mere de Dieu, parce qu'encore que nostre Seigneur ne tiennepas d'elle sa diuinité, toutesfois d'autant que naissant d'elle il auoit la diuinité conioincte avec l'humanité, il est vray de dire qu'elle a enfanté Dieu aussi bien qu'elle a enfanté Iesus-Christ selon l'humanité. Et en cete façõ le mot d'engendrer aussi estant pris vn peu plus largement, comme la Vierge est appelee *Dei genitrix*, ainsi pourroit-on dire que nos ames sont engendrees de nos parens. Mais i'aime mieux en ce passage *genuit Iacob sexdecim animas*, recognoistre la phrase Hebraique, qui vsurpe ordinairement ce mot d'ame pour la personne d'vn chascũ, comme es actes des Apostres,

Et apposite sunt in die illa anime circiter tria millia: & en vn autre lieu, Erasmus verò vniuersa anime in naui ducenta septuaginta sex: & encore en l'epistre de sainct Paul aux Romains, Omnis anima potestatibus sublimioribus subdita sit: & en la premiere epistre de sainct Pierre, où il est parlé de l'arche de Noé, in qua pauci, idest ecto anime salua facte sunt, per aquam. Quant à cet autre lieu auquel il est dict d'Abraham qu'il emmena avec sa femme les ames qu'ils auoyent faictes en Haran, on peut rapporter ce mot d'ames aux personnes des seruiteurs qu'ils auoyent acquis, selon cete autre versio, sed & animas quas adquisierant. Il est vray que cete interpretation ne plaira pas peut-estre au goust delicat de ceux qui au-

ront obserué l'usage ordinaire de parler des anciens, selon lequel on appelloit les seruiteurs corps plustost qu'ames, comme ailleurs nous auons remarqué : & la raison qu'en rend Epiphane est que les maistres exercent la puissance de leur seigneurie sur les corps seulement, & non pas sur les ames de leurs seruiteurs. Disons donc, si vous l'auiez plus agreable, que ces paroles *animas quas fecerant* peuent estre entendues des enfans qu'Abraham & sa femme auoyent engendrez. Au moins trouuez-vous à mon aduis cete exposition plus receuable que les fables de ces Hebreux qui racontent qu'Abraham par ses predications & exhortations publiques auoit fait & côme

engendré spirituellement plusieurs ames en Haran.

E v p. Encote cet argument, & puis la fin. Il faut que ce soit vn mesme agent, duquel l'action se termine à la forme & à la matiere. Autremēt si nous establissons des agens diuers, & par consequent des actions diuerses, il en reüssiroit de la diuersité selō l'estre en la chose qui auroit esté faiçte. Or est il que l'ame est la forme du corps lequel est produict par la vertu de la semence. Il s'ensuit donc que l'ame tient aussi l'origine de son estre de la mesme cause, & non pas d'vn agēt separé. R. F. Cete proposition qui fait terminer les actions de diuers agens a des effectés diuers, n'est pas vniuersellement veritable, ains n'a lieu seule-

inent qu'aux agens tellement diuers qu'ils n'ont point d'ordre respectiuellement l'un à l'autre. Car autrement s'ils sont disposez à quelque ordre mutuel, ils produiront vn mesme effect, entant que la premiere cause agente ordõne son actiõ à l'effect de la seconde cause. Et ainsi voyons nous que l'œuvre elaboré de la main de quelque ouurier n'est pas tant attribué à la vertu de l'outil que de l'agent principal. Voire il arriue souuent que l'action de l'agent principal s'estend iusques à quelque point de la chose operée auquel ne peut atteindre l'action de l'instrument. Et l'experience nous fait voir qu'entre plusieurs agens la vertu du superieur s'aduançe iusques à la derniere forme,

là où celle des inferieurs ne passe point plus auant que la disposition de la matiere. Ainsi la force vegetatiue conuertit l'aliment en vne nouvelle forme, & le conduict iusques à l'espece de la chair, à laquelle son instrument, qui est la chaleur naturelle, ne le feroit iamais arriuer, encore qu'il y apporte de la disposition en resoluant & consumant la matiere. Ainsi la vertu de la semēce dispose bien la matiere à la generation de l'homme, mais la derniere forme qui depend de l'infusion de l'ame vient de l'agent principal, qui est Dieu, à comparaison duquel toute vertu actiue de la nature n'est repute'e que cōme instrument. Dont ie conclus en fin qu'en vn mesme subiect engendré,

qui est l'homme, ce n'est pas merueille si l'action de la nature se termine à quelque chose de l'homme, & non pas autotal qui doibt estre rapporté à l'agent superieur. Il est bien vray que le corps humain est formé par la vertu de la semence comme d'un second agent, mais principalement par la puissance superieure de Dieu comme premier agent. Et quât à la production de l'ame, la semence n'y contribue rien que la disposition. Cete plus noble substance doit tout son estre à l'actiō de Dieu, qui est la creation & l'infusion, de laquelle j'espere plus amplement discourir en nostre prochaine assemblée. Car ayans iusques icy par diuerses iournees vogué parmy les flots incertains de
tant

tant d'opinions , il est temps
desormais que ie vous face
voir le port auquel i'ay dés le
commencement destiné l'en-
treprise de ceste navigation.

M



IV. DISCOVRS.



MESSIEVRS, si vous auez
 iamais veu represen-
 ter sur vn theatre la fil-
 le d'un Roy, enleuee
 de la maison de son pere, des-
 guisee, trainee çà & là, mal
 traiçee non seulement par les
 estrangiers, mais par ceux mes-
 me du royaume, puis en fin re-
 stablee en son honneur, & re-
 ceuë des siens pour ce qu'elle
 estoit: vous auez à mon aduis
 recogneu ie ne sçay quoy de
 semblable és actes precedens.
 Car ie vous ay faiçt voir la fille
 de ce grand Roy de l'univers
 deshonoree par mille fortes

de desguisemens , promenee par tout, indignement traitée non seulement par les philosophes payens, mais par les Chrestiens mesmes. Si l'on eust demandé des nouvelles de son extraction , ceux qui luy portoyent plus de respect la faisoient descendre de Dieu, des anges, ou des hommes: les autres auilissans au contraire sa dignité , la formoyent ou de quelque element , ou de figures imaginaires de nombres, d'atomes, d'harmonie, de vét. Si l'on se fust enquis de sa demeure , quelques vns la logeoient au cerueau, les vns au cœur, les autres au foye, ou en la masse du sang. Si l'on parloit de ses voyages, sa premiere sortie estoit du ciel, de cete maison de son pere elle erroit va

gabonde en toutes parts, & faisoit sa retraicte aux impures hostelleries des corps de pourceaux, de vaultours, de serpēs, de poissons. Mais apres tant d'erreurs il est tēps deormais que ie la restablisse en sa dignité, & que par le consentement de tesmoings authentiques & irreprochables ie vous la face recognoistre pour fille legitime du souuerain Monarque. On dict qu'un iour Epicure en son ieune age ayant entendu quelque grammairien qui recitoit ces vers d'Hesiodé *Ἡ τοῖς μὲν ἀπὸ τῆς γαῖας γέγενετο*, l'interrogea de la nature du chaos & de son origine: auquel comme le grammairien eut respondu que la resolution de cete demande appartenoit aux philosophes & non aux grammairiens, aussi

toſt Epicure ſe propoſa de rechercher les philoſophes, cōme ceux qui auoyent vne plus aſſeuree cognoiſſance des choſes. Il m'eſt arriué quaſi le meſme en l'entrepriſe de la queſtion que ie traicte, pour l'eclairciſſement de laquelle eſperāt trouuer quelque lumie-re en la philoſophie, i'allay cōme à taſtons des l'entree mendier le ſecours des maiſtres muets, que ie croyois me pou- uoir ſeruir de guide parmy les ſentiers eſgarez de ce faſcheux labyrinthe: mais au lieu de rencontrer des Mercures qui m'enſeignaffent vn droict chemin pour paruenir à la cognoiſſance de l'origine de l'ame, les vns m'ont du bout du doigt monſtré le ciel, les autres m'ont conduict parmy l'air, la

terre, & les eaux, quelquesvns m'ont voulu faire penetrer les entrailles des animaux, & les autres au lieu de la verité que ie cherchois m'ont presenté des idees, des entelechies, des nombres, des atomes. Admirable nature de ceste ame qui a demeuré si long temps incogneue à ceux avec lesquels elle faisoit son seiour, & parmy lesquels elle produisoit tant de nobles effects. *Nobiscum semper est ipsa quam quærimus. Adest, trahat, loquitur, & si fas est inter ista nescitur*, disoit Cassiodore. Mais ce n'est pas merueille si la nature de l'ame a esté ignorée de ceux qui ne cognoissoyent pas l'auteur à l'image duquel elle est faicte. Et c'est la raison que rend sainct Isidore de tât d'erreurs que nous trou-

uons dans les escrits des payés & des heretiques touchant cete matiere. En fin donc ie me suis resolu d'auoir recours à ceux dont la plus certaine doctrine me pouuoit raddresser. Ce sont les Theologiens, qui m'ont finalement appris que l'ame n'est point ny engédree de l'homme, ny formée d'aucune matiere, mais créée de Dieu iournellement, & à l'instant de sa creation infuse au corps de l'enfant dès que les organes du corps sont disposez à la receuoir. Et comme les magiciens estiment qu'vne statue, apres que la matiere en est preparee par leurs superstitieuses ceremonies, reçoit aussi tost vn dæmon de l'vniuers: aussi le corps humain preparé dedans le ventre de la mere in-

continent reçoit de Dieu vne ame. Pour establir le fondemēt de cete verité ie vay mettre en auant certaines authoritez & raisons que ie passeray le plus succinctement qu'il me sera possible, afin de donner lieu puis apres à la resolutiō de vos doubtes, & terminer auourd'huy ce traicté si le temps avec vostre patience me le permet. Sainct Hierosme apres auoir reietté quelques opiniōs touchāt ce subiect comme du tout absurdes, s'arreste en fin à celle cy que nous approuuons, laquelle il appelle Ecclesiastique, & conforme aux paroles de Dieu, *Verum ex traduce iuxta bruta animalia, ut quo modo corpus ex corpore, sic anima generetur ex anima? An rationabiles creatura desiderio corporum paulatim ad terram*

de lapsæ, nouissimè etiam humanis illigata corporibus sint? An certè (quod ecclesiasticum est, & secundū eloquia saluatoris) Pater vsque modo operatur, & ego operor: & illud Esaie, Qui format spiritū hominis in ipso: & in psalmis, Qui fingit per singulos corda eorum, quotidie Deus fabricetur animas, cuius velle fecisse est, & conditor esse non cessat? Lactance ayant aussi refuté quelques erreurs des philosophes touchāt la nature de l'ame, conclud qu'elle est insinuce dans le corps, non pas apres l'enfancement, comme il semble à certains philosophes, mais apres la conception, aussi tost que la loy de la prouidence diuine a formé l'enfant dedans le vêtre de la mere. Le prophete Zacharie commence le discours de son chapitre douziesme par

274 DE L'ORIGINE
trois merueilles de Dieu, la
spacieuse estendue des cieux, le
solide establissement de la ter-
re, & la formatiõ de l'esprit en
l'homme. *Dicit Dominus exten-*
dens cœlum, & fundans terram, fin-
gens spiritum hominis in eo. Les-
quelles dernieres parolles Al-
bert le grand interprete de la
creation de l'ame: *quia*, dict il,
infundendo creat, & creando infun-
dit. Et le mesme authour accõ-
mode à cete interpretation le
passage sus allegué de Daud,
Qui finxit sigillatim corda eorum,
c'est à dire les ames que Dieu a
créées vne à vne. Comme s'il
difoit que l'ame d'Adã ne fut
point créée dès le commence-
ment, afin que puis apres les
autres en fussent deriuees par
succession; mais que chaque
ame est créée separement & à

part soy.

*Non animas anima pariunt, sed lege
latenti*

Fundit opus natura suum, &c. disoit Prudentius. Adam le recognoissoit bien, lors que voyant la femme qui auoit esté tiree de sa coste il se contenta de dire que c'estoit vn os de ses os, & vne chair de sa chair, & n'adiousta pas que l'ame estoit aussi de son ame, parce qu'il sçauoit bien qu'elle estoit issue d'une plus noble origine. Peut-estre ne trouuerez vous point hors de nostre propos cete consideration que l'on peut faire encore sur ce qu'en la Genese nous voyons la production des bestes brutes rapportee à des causes inferieures, comme à la terre & aux eaux, *Producant
aqua reptile anima uiuentis, & vn*

peu apres , *Producat terra animans
viuentem in genere suo, iumēta &c.*

Mais quand Dieu vient à la creation de l'hōme , il luy faict cet honneur d'y apporter luy-mefme la main , s'il faut ainfi parler, & le former à fa semblāce, *Faciamus hominem ad imaginē & similitudinem nostram.* Et pour nous donner à cognoistre que nos ames tiennent immediate-ment de luy le commencement de leur estre, il est dict en la suite de l'histoire que Dieu forma l'homme du limon de la terre, & souffla en sa face l'esprit de vie. Je sçay que quelques-uns pour confirmation de cete verité se sont aussi voulu seruir des paroles de cete mere qui en l'histoire des Macabees disoit à ses enfans *Nescio qualiter in utero meo apparuisti,*
neque

neque enim ego spiritum & animam donavi vobis & vitam : comme si elle eust recogneu que l'ame & la vie de ses enfans ne venoyent point de son estoc, ains de quelque puissãce superieure. Mais cete autorité ne me semble auoir aucũ poids pour prouuer la creation des ames, parce qu'incontinent apres il en est autant diët du corps, & *singulorũ mēbra non ego cōpegi, sed enim mundi creator*. Et toutesfois il n'y auroit point d'apparence de vouloir inferer de ce passage que les corps fussent tous les iours creez de Dieu, il ne faut donc non plus le conclure des ames. Saint Augustin en ses questions sur le vieil & nouveau testament rapporte plus à propos la loy de Moïse, qui condamnoit à mort celuy

qui frappant vne femme grosse auroit faict mourir son enfant au cas qu'il fust desia formé dedans le ventre de la mere: iugeant celuy là estre aussi biẽ homicide qui faisoit mourir vn enfant desia animé comme s'il estoit desia né. C'est l'argument du Pape Estienne cinquiẽme respondant à la consultatiõ d'vn certain Euesque, *Si ille qui conceptum in utero per abortum deleuerit, homicida est, quanto magis qui vnus saltem diei puerulum peremerit homicidam esse se excusare nequibit?* Oũ il faut entendre ces mots *conceptum in utero*, non de l'enfant conceu simplement, mais de celuy auquel desia l'ame est infuse. Et partant le Pape en la suite eust peut estre plus proprement usurpé la diction de *abortus* que

aborsus, si la distinction de Nonius Marcellus est vraye quād il appelle *aborsum* qui fit in primis mensibus, cūm conceptu exordium factum est : abortum prope tempus pariendi, tunc enim oritur (il faut ainsi lire, & nō pas moritur) quod nascitur. Il est bien vray que par les loix Romaines anciennement ceux qui faisoient mourir l'enfant deuant sa naissance estoient punis comme homicides. Et nous lisons dedās l'oraison qu'a faicte Ciceron pour Cluentius vne histoire depuis rapportee par le iuriscōsulte Triphonin, d'vne certaine femme Milesiene laquelle estant en Asie fut condamnēe à mort pour s'estre faicte auorter par medicamens à la suscitation des heritiers que le testateur auoit substituez à l'enfant dōt elle estoit encein-

te. Par les conciles aussi celuy est tenu pour homicide qui par breuuages ou autres artifices empesche vn homme d'engendrer, vne femme de concevoir, ou vn enfant de naistre. Il est bien vray dis-ie que tous ceux là pour l'enormité du crime sont sans distinction punis comme homicides, mais ils ne sont pas pourtant indifferemment homicides, ains à proprement parler. En ce cas seul auquel ils priuent de vie celuy qui l'auoit desia, sçauoir est lors que l'ame est infuse dedans le corps auquel les lineamens sont formez. Et pour cete cause Moïse auoit raison d'vser de cete distinction: *Si quis percusserit mulierem in utero habentem, & abortum fecerit, si formatum fuerit, det animam pro anima: si autem informa-*

tum fuerit, mulctetur pecunia. Car ainsi sont rapportees ces paroles par S. Augustin, & mesmes enregistrees au receuil des sacrez canons. Elles se trouuent à la verité vn peu differentes & de sens & de termes en l'Exode, où ce fragment de la loy Mosaique est ainsi conceu selon la version commune, *Si rixati fuerint viri, & percusserit quis mulierem pregnantem, & abortum quidem fecerit, sed ipsa vixerit, subiacebit damno quantum maritus mulieris expetierit, & arbitri iudicauerint. Sin autem mors eius fuerit subsequuta, reddet animam pro anima.* Mais au lieu de ces mots *& abortum quidem fecerit, sed ipsa vixerit*, il y a dedans le texte Grec, *καὶ ἐξέλθῃ τὸ πνεῦμα διὸν μὴ ἐκκοιμισθῆναι*, & egressus fuerit infans non figuratus: & au lieu de ces autres

sin autem mors eius fuerit subsequuta,
 le Grec porte *εαν δὲ ἔκγονοιζόμενον ᾖ,*
si autem figuratus fuerit. Dont il
 appert que l'intention du le-
 gislateur n'estoit point de di-
 stinguier si la mere estoit mor-
 te ou non, mais plustost si son
 enfant estoit formé ou non. Et
 partant que S. Augustin a eu
 raison de tirer cete consequé-
 ce de la loy de Moïse, que ce-
 luy qui faisoit mourir l'enfant
 au ventre de la mere, n'estoit
 condamné à mort sinon en cas
 que l'enfant fust formé: pour
 montrer qu'au parauant la
 formation du corps l'ame n'y
 estoit pas encore, & par ainsi
 l'ame n'estant donnee qu'au
 corps desia formé, on ne peut
 dire qu'elle soit conceuë au
 mesme temps que le corps, &
 deriuee d'une mesme semen-

ce. En fin comme il faut bastir la maison premierement que d'y mettre celuy qui y doit demeurer, & comme Dieu forma le corps d'Adam au parauant que d'y loger vne ame: aussi les ames, dict il, ne sont point infuses aux corps qui sont engendrez iusques à tant que les lineamens des mēbres soyent entierement accōplis. Je trouue cete consideration de la loy de Moïse encore repetee par le mesme S. Augustin en vn autre passage, dont les parolles sont aussi rapportees dedans le corps du decret de Gratian, *Quod verò non formatum puerperium Moïses vel lex noluit ad homicidium pertinere, profectò nec hominem deputauit quod tale in utero geritur.* Oū la glose apres auoir mis en auant di-

uerfes opinions touchant la
 creation de l'ame, finalement
 determine que selon nostre
 foy Dieu crée tous les iours de
 nouuelles ames, & les enuoye
 dedans des nouueaux corps,
& infundendo creat, & creando in-
fundit. Sainct Hierosme fuiuant
 cete doctrine, en tire vne belle
 cõparaison dans l'epistre qu'il
 escrit à Algasia, Ne plus ne
 moins, diët il, que les femences
 peu à peu prennent forme de-
 dans le ventre de la femme, &
 ne tient on point encore vn
 homicide commis au parauant
 que ces elemens estans accom-
 plis reçoient leurs images &
 la distinction des membres: de
 mesme le sens conceu par la
 raison, s'il ne passe iusques aux
 œuures, est comme retenu dãs
 le ventre, & peut incontinent

estre deffaiët par l'ennemy. Si vous me demandez le temps auquel precifement le corps humain fe trouue difposé à la reception de l'ame, ie pourray fans rougir confefler mō igno-
rance, & recognoiftre avec David que Dieu feul a la cognoiffance affeuree de tout ce mefnage caché qui tend à la perfection de l'enfant au ventre de fa mere. Ainfi les Hebreux ont entendu ce paffage des pfeaumes, *Non est occultatum os meum quod fecisti in occulto, & substantia mea in inferioribus terra,* c'est à dire *in utero matris*, cōme l'interpretent Rabi Abraham, Rabi David, Rabi Salomon, & quelques autres. Et puis eneo-
re ce qui fuit, *Imperfectum meum viderunt oculi tui, & in libro tuo omnes sribentur, dies formabun-*

tur, & nemo in eis. c'est à dire Vos yeux, Seigneur, m'ont veu au parauant que ie fusse parfait & formé, vous auiez desia la figure de tous mes membres en vostre idee, & la cognoissance du progres qui se faisoit par chasque iour en la formation de toutes mes parties. Ainsi donc Dieu non seulement void tout ce qui se passe en ces secrets cachots de la nature, mais encore le preuoid deuant qu'il se face: où l'esprit de l'homme en l'vn & l'autre temps est aveugle. Mais pour vous donner d'abondant vn certain tesmoignage de cete incertitude par la diuersité des opinions qui se rencontrent parmy les philosophes & les medecins, voyons vn peu combiẽ ils sont differens les vns des autres.

Straton le Peripateticien. & Diocles Carystius partiffans le progrez de cete fabrique du corps humain par nombres septenaires de iours, difoyét que quand le terme de l'accouchement se doibt rencontrer à neuf mois, les membres commencent à estre distinctement formez aux masles à la septiesme semaine, aux femelles à la fixième. Varrõ en ses hebdomades a laissé par escrit qu'au bout de la septiesme semaine, c'est à dire au quarante & neufiesme iour, tout le corps humain est parfaict au ventre de la mere. Quelques-vns tiennent que l'enfant comméce à auoir sentiment apres cinq sepmaines: & quant au mouuement, Hippocrate l'establit aux masles à trois mois, & aux femelles à

quatre. Aristote dōne le mou-
uement aux masses le plus cō-
munement vers le quarantief-
me iour, aux femelles vers le
quatre vingts & dixiesme. L'ex-
periēce plus asseuree maistref-
se de ces choses faiēt recognoi-
stre que la femme sent bouger
son enfant tantost à six femai-
nes, tantost à quatre mois, &
certains autres termes qui se
trouuent differēs non tant se-
lon la diuersité du sexe qu'elle
porte en son ventre, que selon
la force & constitutiō de l'en-
fant & de la mere. Levin Lem-
ne estime que les masses qui
doiuent naistre au bout de neuf
mois, ont toutes leurs parties
formees au quarante & cin-
quiesme iour, & les femelles
au cinquantesme apres la cō-
ception, & lors ont vie & sen-
timent

timent, combié que pour leur imbecillité ils n'ayent point encore de mouuement, ou en ayent si peu que la mere ne s'en apperçoit pas, & à l'instât de ce terme, dict il, l'ame raisonnable est infuse en ce corps. Fernel tient que l'ame n'y arriue qu'apres quatre mois, lors que le cœur & le cerueau sont parfaicts. Mais il vaut mieux laisser cete curieuse dispute aux medecins, & passer aux raisons par lesquelles ie m'efforceray de vo⁹ demonstrier la verité de cete resolution de la creation des ames que ie vous ay cy deuant confirmee par authoritez. Certainement quiconque considerera l'excelléce de l'ame en la multiplicité differente de ses operations, le discours de

la raison, l'eslancement de l'imagination, la subtilité de l'entendement, la solidité du iugemēt, la fidelité de la memoire, fera cōtrainct de recognoistre que la noblesse de son origine depend plustost de Dieu que des hommes. Et ces diuers offices qui font appliquer diuers noms à nostre ame, laquelle selon le dire de S. Augustin, *dum corpus animat vitâque imbuat, anima dicitur: dum vult, animus: dum scientiâ ornata est, ac iudicandi peritiâ exercet, mens: dum recolit ac reminiscitur, memoria: dum ratiocinatur, ac singula discernit, ratio: dum contemplationi insistit, spiritus: dum sentiendi vim obtinet, sensus*. Ces differentes fonctions, disie, nous font aucunement iuger quel en peut estre l'auteur, & nous cōdui-

font comme par la main à la reconnaissance d'une puissance supérieure. Mais afin de fortifier cete consideration vniuerselle par de plus particulieres raisons, i'emprunteray la premiere de Cassiodore. Tout ce qui subsiste, dict-il, est ou createur ou creature. Aucune substance ne peut estre tous les deux ensemble, d'autant que pour subsister elle a besoin de Dieu, & ne peut communiquer à autruy ce qu'elle n'a receu que pour soy. Il s'ensuit donc que l'ame vrayement est faicte par cete diuinité qui seule peut créer les choses mortelles & immortelles. La seconde raison est que toute production en estre se faict ou naturellement par la generatiõ, ou surnaturellement par la crea-

tion. L'ame de l'homme n'est point engendree, ny selon foy, d'autant qu'elle n'est pas composee de matiere & de forme: ny par accident, parce que l'ame estant la forme du corps il faudroit qu'elle fust produicte par le moyen de la generation du corps, c'est à dire par la vertu de la semence, ce que nous auons demonstté cy deuant estre faulx: il reste donc qu'elle soit supernaturellemēt produicte, c'est à dire creée. Que si nous luy donnōs au contraire la generation pour principe, de cete supposition s'ensuiuront deux absurditez. La premiere est que tout ce qui est engendré d'vn agent naturel est produict de quelque matiere de la puissance de laquelle il tire son estre, pource que de riē

ne se faiet rien. Partant si l'ame raisonnable est engendree de quelque matiere de la puissance de laquelle elle tire son estre, il est necessaire qu'elle soit composee, & non pas d'une substance simple, telle que nous la recognoissons. La seconde absurdité est que si l'ame estoit tiree de la puissance de la matiere, son estre seroit aussi dependant de cete matiere, & partant ne pourroit subsister sans elle. Or que l'ame puisse subsister sans le corps c'est chose tellement hors de doute, qu'aucun n'y peut contredire que quand & quād il ne nie l'immortalité des ames dont aujourd'huy chacun est d'accord. Il s'ensuit dōc que nostre ame a vn autre principe surnaturel, qui est la

création: La troisieme raison est que l'ame non seulement a son estre, mais aussi le principe de sa production, & comme disent les philosophes *non tantum esse, sed etiam fieri*. Or toutes choses qui sont de cete dernière qualité sont faictes ou de rien, & cela proprement est la création: ou de quelque substance preiacente. L'ame ne peut estre faicte d'aucune substance: ny corporelle, parce qu'elle retiendroit la mesme nature: ny spirituelle, parce qu'il faudroit admettre vne transmutation de substances spirituelles, tout ainsi que la production des choses materielles se faict par transformation de la matiere. Il reste donc à conclure qu'elle est faicte de rien, & par consequent créee

de Dieu. Et à la verité puisque communement les choses qui sont comprises sous vn mesme genre ont vne mesme sorte de production en leur estre, & que l'ame est du genre des substances intellectuelles, il s'en suit que comme les anges & les autres semblables substances n'ont point d'autre principe de leur estre que la creatiõ, aussi l'ame qui est sous le mesme genre est produicte de la mesme sorte. Et que comme la propagatiõ des nouvelles formes se faiet és elemẽs par trãsmutation, és metaux par apposition, és animaux par generation, aussi se faiet elle aux ames par la seule creatiõ. Voila ce que i'auois à vous deduire, Messieurs, sur ce dernier article, duquel comme des pre-

cedés i'espere plus d'esclaircissement par la lumiere de vos discours.

TH. Cete maxime qui vous vient d'eschapper, Que toutes choses qui sont cōprises sous vn mesme gēre ont vne mesme maniere de productiō en leur estre, me donne iuste occasion ce me semble d'en destourner la poincte contre vous mesme par vn argument que ie forme en cete façon. L'homme est animal en tant qu'il a vne ame sensitiue. Or cete qualité d'animal luy est commune avec les autres animaux, il s'ensuit donc que l'ame sensitiue de l'homme est de mesme genre avec celle des autres animaux. Et partant qu'en l'homme cōme en eux l'ame sensitiue est produiēte en son estre par la

vertu de la semence, parce que par vostre propre confession les choses qui sont d'un mesme genre ont vne mesme sorte de production en leur estre. Que si nous admettons cete conclusion au regard de l'ame sensitue, il s'ensuiura qu'elle est aussi receuable en l'ame intellectuelle, d'autant qu'en l'homme l'ame intellectuelle & la sensitue ne differēt point de substance, ains de faculté seulement. R. F. Vostre argument est subtil, mais la captiō ce me semble cōsiste en ce que vous auez vn peu trop generalement supposé comme veritable que les choses qui sont comprises sous vn mesme genre doivent auoir vne mesme sorte de production en leur estre. Ce qui n'est pas à mon

aduis vniuersellement neces-
faire, ains doit estre restreint
selon mon iugement aux espe-
ces semblables, comme font
tous les hommes entre eux, &
toutes les bestes entre elles: nō
pas estendu generalement aux
especes dissemblables, comme
feroyent les hommes & les be-
stes comparez ensemble. Car
encore que l'ame sensitue de
l'homme conuienne avec cel-
le des bestes brutes à raison du
genre, elles sont toutesfois en-
tre elles differentes d'espece,
tout ainsi que les corps qui en
sont informez. La difference
consiste en ce que l'ame des
bestes n'est que sensitue, la
nostre est sensitue & intelle-
ctuelle tout ensemble. D'où il
s'ensuit que l'ame des bestes
n'ayant rien que de sensitif, &

par consequent ny son estre ny ses operations n'estât esleuees au dessus de leurs corps, l'vn & l'autre a necessairement vn mesme principe de generatiõ, & vne commune issue de corruption. Au contraire nostre ame par dessus la faculté sensitive ayant aussi l'intellectuelle, qui rend & son estre & ses operations esleuees au dessus du corps, il s'ésuit qu'elle n'est ny engendree avec le corps ny corrompue avec luy.

P O L. Je seconderay s'il vous plaist cet argumēt d'vn autre, par lequel ie veux mōstrer que l'on ne peut establir cete iournaliere creation de nouvelles ames sans accuser d'imperfection les ouurages de Dieu. Car vne chose ne peut estre iugee parfaite à l'accomplis-

sement de laquelle defaillent plusieurs de ses principales parties. Or entre les principales & pl^e nobles parties de l'univers sont les substāces intellectuelles, sous lesquelles sont comprises les ames humaines. Si donc autāt d'ames sont creées tous les iours que l'on void naistre d'hommes, il s'ensuit que l'univers est defectueux au regard de ces parties qui journellement y sont adioustees. R. F. J'ay souuenance d'auoir veu cet argument touché par Nemefius, lors qu'il reprend Eunomius, lequel suivant les traces de Platon & d'Aristote definissoit l'ame vne substance incorporelle fabriquee dedans le corps, *ἄσῳαν ἀσώματον ἐν σώματι κτισομένην*. S'il est ainsi, diēt il, le monde n'est dōc

pas encore accompli, veu que tous les iours cinquante mille substances intellectuelles tout au moins y suruiennēt de nouveau. Et ce qui est pl^s fascheux, au mesme instant du terme de sa perfection il trouuera sa fin, les derniers hommes accomplissans le reste du nombre des ames lors que les morts resusciteront. Ce qui semble fort esloigné de raison, & semblable aux jeux de ces petits enfans qui dressent des bastimēs sur le sable, & puis aussi tost qu'ils les ont acheuez les abbattent. Mais pour resouldre en fin cete difficulté, ie respōs que pour la creation ordinaire de nouvelles ames on ne doit point estimer le monde imparfait, d'autant qu'il faut iuger la perfection de l'vniuers selō

302 DE L'ORIGINE
les especes, & non pas selõ les
indiuidus. Autrement tous les
nouveaux indiuidus qui sont
produictz de iour en iour se-
royent autant d'argumens de
l'imperfection de l'vniuers, le-
quel toutesfois nous n'estimõs
pas auoir esté moins accompli
au parauant la naissance de ces
indiuidus, pource qu'ils sont
compris soubs des especes qui
estoyent desia creées des long
temps. Or est il que les ames
humaines ne sont point diuer-
ses d'espece, mais seulemēt de
nombre: elles n'apportent dõc
rien de nouveau à la perfectiõ
de l'vniuers.

PyC. Voire mais, commēt
satisferez vous à l'authorité de
l'escriture sainte, qui tesmoi-
gne que le Createur ayant cõ-
sommé sõ ouurage en six iours

se reposa le septiesme, & cessa
desormais d'operer? Que res-
pondrez vous à sainct Augu-
stin, qui dans ses liures sur la
Genese escrit que quand dez
le commencement Dieu crea
toutes choses il crea aussi l'a-
me humaine pour l'inspirer au
corps puis apres en son temps?
R. F. Il est aisé d'interpreter
en ce premier passage le repos
de Dieu en la mesme maniere
que ie viens de distinguer ses
operations selon les especes &
les indiuidus. Sçauoir est que
comme en ce nombre de iours
il consomma la creation des
especes & non pas des indiui-
dus, aussi depuis il se reposa,
c'est à dire il cessa de produire
des especes nouvelles, mais nō
pas des indiuidus de sembla-
ble nature que les autres qui

304 DE L'ORIGINE
estoyent desia compris sous
vne mesme espeece : Puisque
mesme nous en auons ce tes-
moignage d'ailleurs, *Pater meus*
vsque modo operatur, & ego operor,
lequel outre plusieurs autres
sainct Hierosme a bien à pro-
pos employé à la decision de
nostre question en vne epistre
qu'il escrit à Pammachius cõ-
tre les erreurs de Ieã Euesque
de Hierusalem. Plus à propos
certes que ne faisoit Eunomi^o,
qui rapportoit ces paroles à la
prouidence & non pas à la
creation, & croyoit que les a-
mes estoyent faictes non par la
productiõ d'vne nouvelle sub-
stance, ce qui est le propre de
la creation : mais par la multi-
plication de celle qui estoit, ce
qui appartient à la prouidẽce.
En quoy ou il ignoroit la dif-

ference qui est notoire entre la creation & la prouidence, ou il estoit contrainct de rendre les ames mortelles. L'office propre de la creation est faire quelque chose de rien. Mais conseruer par 'la vicissitude de la propagation la substance des animaux caduques, c'est vn œuure de la prouidence. Or si les ames sont produictes par cete propagatiō *ἢ ἀλλοιογενίας* comme l'appelle Nemefius, elles seront caduques, tout ainsi que les autres choses qui ont vn pareil commencement de leur estre. De peur donc de tōber en cete absurdité, rapportons la nouvelle production des ames à la creation plustost qu'à la prouidence. Quant au passage que vous avez rapporté de S. Augustin, la source dōt

il est tiré monstre assez euidément qu'il parle en cet endroit de la formation du premier homme, duquel il dict que Dieu dez le commencement crea l'ame qu'il inspira depuis aux membres de ce corps qu'il auoit formé du limon de la terre. Mais outre ce encore est il remarquable que S. Augustin propose cet article plus tost en forme de question que de resolution, n'osant rien asseurer temerairement de ce qui ne se trouue point manifestement prouué par l'Escriture, comme il conclud luy-mesme à la fin de son discours. De là ie vous laisse à iuger quelle foy nous deuõs adiouster à la glose d'vn certain canon auquel le Pape ayant dict que l'ame sans le corps ne peut viure cor-

porellement, la glose y apporte cete interpretation *exercendo sensus corporeos : aliàs falsum est, cum antequam sit in corpore uiuat.* Il eust esté plus vray de dire que l'ame peut viure sans le corps après qu'elle en est sortie, qu'au parauant qu'elle y soit entree.

EVP. S'il est ainsi que Dieu cree les ames pour estre infuses ez corps nouuëllémét formez, trouuez vous pas qu'il en reüssisse vne absurdité, de rendre par ce moyen Dieu coooperateur aux pecheurs? A tout le moins s'il dōne aussi des ames à tant d'enfans qui naissent d'vne conionction defendue, comme d'adultere ou d'inceste, il semble aucunement favoriser les actiōs illicites, auxquelles il contribue de sa part

la production de nouvelles ames. Et cete difficulté me dōne encore ouuerture à vne autre. Car si les enfans, dira quelqu'vn, naissent avec le peché originel, il faut par consequēt cōdamner le mariage, duquel & l'acte est cause de ce malheur, & les peres & meres qui l'exercent pechent, occasionnans le peché originel en leurs enfans. R. F. Je sçay que cete premiere consideration principalement que vous auez remarquee a induict autres fois Apollinarius à croire que les ames n'estoyent point créées de Dieu, mais engendrees des parens: Et tout ainsi que nos corps sont issus premierement des corps, aussi nos ames estoyent produictes des ames de nos predecesseurs. Mais la for-

ce de cet argumēt n'estoit poit si violēte qu'elle deust le reduire à cete nouvelle inuention, & le faire chopper cōtre vn escueil en euitāt la rencōtre d'vn autre. Car certes il y a bien de l'absurdité en ce que faisant naistre nos ames de celles de nos parens il leur oste l'immortalité, puisque les choses qui sont produictes en leur estre par vne successiue propagatiō du genre naturellement sont mortelles, leur generation ne tendant à autre fin qu'à conseruer le genre des choses caduques & perissables. Mais il n'y auoit point d'absurdité à confesser la creation des ames, comme si Dieu pour cela contribuoit du sien aux conuictions illicites des adulteres ou des incestueux. Car en ces

actions vitieuses il faut con-
siderer deux qualitez diuerses;
l'une mauuaise, qui est la volu-
p. é desordonnee, & à celle là
Dieu ne coopere point: l'autre
bonne de soy, qui est l'acte na-
turel de la generation, & à cel-
le cy Dieu coopere, selon sa
coustume qui est de cooperer
à chascune des choses conue-
nablement à leur nature, aux
naturelles pour agir naturelle-
ment, aux raisonnables pour
agir librement. Mais au mal
entant qu'il est mal Dieu ne
coopere iamais. Vous me di-
rez peut estre qu'il sembleroit
plus à propos que Dieu ne fist
point l'honneur aux enfans qui
naissent hors de legitime ma-
riage de leur donner des ames.
Je respons avec saint Augu-
stin que la faute des parens ne

doit pas preiudicier à ceux qui sont à naistre, puis que ceux cy n'ont point de part au peché de ceux là. Et que cōme Dieu ne denie point sa benediction au grain mis en terre pour le faire germer & fructifier, encore qu'il ait esté desrobé: aussi ne laisse il pas d'animer les corps en la conception desquels il se fera trouué de l'offense. C'est la comparaisō de laquelle vse à ce mesme propos sainct Hierosme en l'epistre susmentionnee qu'il escrit à Pammachius, *Nasci de adulterio non eius culpa est qui nascitur, sed illius qui generat. Quomodo in seminibus non peccat terra que fouet, non semen quod in sulcis iacitur, non humor & calor quibus temperata frumenta in germen pullulant, sed uerbi gratia fur & ta*

tro qui fraude & vi eripit semina: sic in generatione hominum recipit terra id est vulua quod suum est, & receptum confouet, confotum corporat, corporatum in membra distinguit, & inter illas secretas ventris angustias Dei manus semper operatur.

Nemesius toutefoix plus crain-
 tif en ce poinct n'en ose rien
 determiner, ains aime mieux
 en rapporter la raison à la pro-
 uidence diuine qui nous est in-
 cogneuë, que tenter vne reso-
 lution perilleuse. Sinon' que
 donnant quelque lieu puis a-
 pres à la cōiecture, il iuge que
 la prouidence de Dieu qui co-
 gnoist toutes choses preuoyāt
 que ce qui doit naistre sera pro-
 fitable ou à soy ou à la vie des
 hommes, permet que l'ame y
 soit infuse, comme l'on void
 en l'exemple de Salomon issu
 de

de Salomon issu de David & de la femme d'Vrie. Quant à la seconde difficulté, ie respons que ny le mariage n'est condamnable pour la consideration qui a esté mise en auant, ny les parens ne pechent procreans des enfans. D'autant que ny l'acte de mariage selon foy, ny les personnes mariees par aucun acte ne sont cause du peché originel, ne faisant rien en cela dont le peché tire precisement son origine. Et à la verité puisque mesme en l'estat d'innocence on eust exercé le mesme acte, comme de foy n'estant determiné à autre chose qu'à la procreation des enfans, & toutesfois le peché originel ne s'en fust ensuiuy: on peut conclure aisemēt que le peché originel ne doit point

estre rapporté à cete action selon soy comme à sa cause, mais à la seule faulte d'Adam qui a infecté toute la nature.

TH. Puisque le temps me permet de rentrer encore vne fois en la lice, ie desire donner vne nouvelle touche à ce que i'ay dict n'agueres, que l'ame sensitive & intellectuelle en l'homme n'est qu'une: & fortifieray ce que i'en ay mis en auant par l'authorité d'Aristote qui dict que l'enfant cõceu au ventre de la mere est premierement animal & puis hõme. Or quand il n'est encore qu'animal il n'a que l'ame sensitive, laquelle en luy comme aux bestes brutes est produicte par la vertu active de la semence. Et combien qu'elle soit capable d'estre puis apres intelle-

Quelle, toutesfois c'est vne
mesme substance. Il s'ensuit
donc que cete mesme ame qui
n'est qu'une en nous, a mesme
origine qu'és bestes brutes,
sçauoir est la semence. R. F.
Afin de mieux iuger la force
de cet argument, permettez ie
vous prie que ie m'estende vn
peu sur l'examen de cete que-
stion qui en est comme le fon-
dement, Si l'enfant au ventre
de la mere est animal ou non.
Quelquesvns ont creu que les
operations de vie qui paroif-
sent en l'embryon au parauant
sa perfectiõ ne procedēt point
tant d'aucune ame qui soit en
luy que de celle de la mere.
Telle estoit l'opinion des Stoi-
ciens, qui nioyent que l'em-
bryon fust vn animal separé,
ains le tenoyēt seulemēt pour

vne partie du ventre de la me-
 re, qui au bout de son terme en-
 tomboit tout ainsi que les
 fruiçts tombent des arbres en
 la saison de leur maturité. Et
 comme nos Jurisconsultes en
 plusieurs autres poinçts ont
 suiuy les traditions des Stoi-
 ques, aussi semblent-ils en ce-
 luy-cy ne s'en estre pas esloi-
 gnez. Car Vlpian mesme es-
 crit que l'enfant au para-
 uant sa naissance est vne por-
 tion de la femme ou de ses en-
 trailles. Et quand Marcellus
 faiçt mention de cete ancien-
 ne loy par laquelle il estoit or-
 donné de surseoir la sepulture
 des femmes qui estoient mor-
 tes enceintes, *Quiconque fe-
 ra, diçt il, au contraire *spem ani-
 mantis cum grauida peremisse vide-
 tur.** Il ne diçt pas que c'est estei-

dre vn animal, mais seulement l'esperance d'vn animal. C'est aussi en consideration de cete esperance qu'ailleurs Vlpian a dict que celuy qui n'est pas conceu n'est pas encore animal: non pas qu'incontinent apres la conception il soit animal, mais à tout le moins dès lors commence l'on à auoir esperance du futur animal. Et quand la loy des douze tables appelle à la succession du defunct celuy qui estoit en nature lors du decez de celuy des biens duquel il s'agit, Celsus adiouste cete interpretation qu'il doit au moins auoir esté conceu dès lors, *quia conceptus*, dict il, *quodammodo in rerum natura esse existimatur*, à raison de l'esperance qu'on a de sa naissance. Ce grand coryphee des Lu-

318 DE L'ORIGINE
risconsultes Papinian apres
auoir subtilement distingué le
fruct d'un heritage & l'enfant
d'une seruante, en ce que les
fructs qui estoient meurs au
temps que le testateur est de-
cedé augmentent l'estimation
de l'heritage, & pour autant
sont imputez en l'heredité, ce
qui n'a pas lieu en ceux qui
lors n'estoyent encore meurs:
mais quant à l'enfant on ne
faict aucune distinction de
temps pour estimer la mere
d'autant plus pretieuse qu'elle
estoit proche de son accou-
chement: il adiouste cete rai-
son, d'autant que l'enfant qui
n'est pas encore né ne peut
estre dict homme. Simplicius
sur le manuel d'Epictete con-
damne de pareille faulseté ces
trois propositions, que le cui-

ure ietté en fonte seulement est vne statue, que le fruit cõ-
 ceu dans le ventre est vn hom-
 me, & que celuy qui va tous
 les iours proffitant est desia
 philosophe. Certes tout ain-
 si cõme ceux qui regardoyent
 l'aduenir ont appelé l'em-
 bryon esperãce d'animal, aussi
 ceux au contraire qui confide-
 royent le passé, ont quelques
 fois appelé l'enfant desia né
 vne partie des entrailles de la
 mere : comme Quintilian en
 vne de ses declamatiõs *Filium
 matri eripere conaris, & partem vi-
 scerum auellis.* Et Artemidore
 pour la mesme consideration
 estimoit que quand on songe
 en dormant qu'õ vomit ses en-
 trailles, c'est vn presage de la
 perte d'enfans. *καὶ γὰρ οἱ παῖδες
 σπλάγχνα λέγονται ὡς ἐν τῷ αἵματι,*

cōme il escrit en vn autre lieu. Empedocles disoit que l'enfant estant au ventre de la mere n'est point encore animal, & toutesfois qu'il a vie : que le commencement de sa respiration est à l'enfantement, lors que l'humidité superflue se retirāt faiēt place à l'air exterior qui s'introduiēt aussi tost, & occupe le vuide des vaisseaux ouuerts : qu' auparauant cete sortie le fruiēt du vêtre est partie de la matrice, ne plus ne moins que les plantes sont partie de la terre. Hierophile ne s'escartant pas beaucoup de cete opinion, laissoit bien le mouuement naturel, mais non pas la respiration, au fruiēt enclos au ventre de la mere: & tirant ce mouuemēt des nerfs cōme de leur cause instrumen-

tale, estimoit que l'enfant de-
 uenoit animal parfaict lors seu-
 lement qu'à l'issuë du ventre
 maternel il commençoit à pré-
 dre l'air. Et pour ne vous en-
 nuyer point d'vn plus long
 denombrement de ceux qui
 suiuoient ce party, ie conclu-
 ray par l'orateur Lyfias, lequel
 au rapport de Theon le sophi-
 ste disoit que l'embryõ n'estoit
 point animal, & partant qu'il
 ne falloit point condamner la
 femme qui s'estoit faict auor-
 ter. Mais l'opinion semble
 plus veritable de ceux qui tié-
 nent au contraire que l'em-
 bryon est vrayemēt animal, &
 non partie de l'animal seule-
 ment, comme faict Galien en
 plusieurs endroits, & nomme-
 ment au liure qu'il a faict ex-
 pres sur ce subiect, *ἐὶ ζῶον τὸ κατὰ*

2aspòs , où mesme il employe
 pour confirmation de son dire
 les loix de Lycurgue & Solon.
 Aussi l'opinion de Lysias n'a
 pas esté suiuite par ces Empe-
 reurs qui ont puny du bannif-
 sement (les Basiliques y adiou-
 stent le foüet) celle qui s'est
 faiët auorter. Et le passage de
 Tertullian à ce propos merite
 vous estre rapporté. *Nobis verò
 homicidio semel interdicto , etiam
 conceptum in utero, dum adhuc san-
 guis in hominem delibatur dissoluere
 non licet. Homicidij festinatio est
 prohibere nasci , nec refert natam
 quis eripiat animam, an nascituram
 disturbet. Homo est & qui est futu-
 rus , & fructus hominis iam in se-
 mine est.* Quant à ceux qui ap-
 pelent l'enfant portion de la
 mere , leur opinion n'a esté
 nō plus approuuee ny de ceux

qui decident *partum non esse partem rei furtivæ*, ny de ceux qui en inferent que l'enfant d'une seruvante desrobée conceu & né chez l'heritier du larron peut estre acquis par *vsucapiõ*, d'autant qu'il n'est pas portion de la mere. Par la mesme raisõ nos Jurisconsultes tiennēt que celuy qui a vendu vne seruvante enceinte n'est point tenu de l'euiction de l'enfant, comme estant vn animal separé, & partant non compris en la vente qu'on a faict de sa mere. De là depend la decision d'une controverse qui s'est trouuee autresfois debattue, sçavoir est si apres qu'une femme a esté baptisee durant sa grossesse il estoit besoing de baptiser encore l'enfant apres sa naissance. Et les sacrez canons ont iu-

stemment ordonné que l'enfant deuoit estre baptisé, comme ayant vne ame distincte de celle de sa mere. Je ne veux point icy vous attedier par le ramas importun de diuerses questiōs qui pourroyēt estre rapportees à ce subiect: comme de celle en laquelle Vlpian a respondu que la femme qui est accouchee en vn nauire n'est point tenue pour cela d'augmenter le prix de la voicture: & de cete autre que traictent nos interpretes, de celuy qui a tué vne louue ayant deux louueaux dans le ventre, s'il doit auoir plus grande recompense és pays où certain salaire est ordonné pour chaque loup qu'on aura fait mourir, comme à Florence dix escus, & anciennement à Athenes *ô πολῖς*

φονεύει λύκα τέκνον, τάλαντον ἐλάμβανεν: ὁ δὲ
 τέλειον, δύο. Plustoft reprenant mō
 propos ie concluray que cete
 opinion ne peut estre approu-
 uee, que l'ēbryō face ses opera-
 tiōs vitales par le moyē de l'a-
 me maternelle, d'autāt que les
 operations de la vie ne peueēt
 auoir vn principe actif exter-
 ne, mais seulement vne vertu
 interne qui cause & le mouue-
 ment & les autres aētions qui
 discernent les choses viuantes
 d'avec celles qui n'ont point
 de vie, tout ainsi que les opera-
 tions de nos sens procedent de
 la vertu qui est en nous, & non
 de celle qui est en autruy. Pla-
 ton plus iudicieusement a de-
 terminē que l'enfant enclos
 au ventre de la mere est ani-
 mal, d'autant qu'il a son pro-
 pre mouuement, & qu'il tire à

part sa nourriture dans le ventre. Mais pour retourner à ce que vous auez obiecté d'Aristote qui faiēt l'embryon successiuement animal & puis hōme, voyōs si l'ō peut en tirer la consequēce dōit il est questiō, sçauoir est que l'ame raisonnable soit issue de la semence. Certes comme en ce poinēt ie me reнге volontiers au party de S. Thomas qui n'en est pas d'auis, aussi crains ie que la raison sur laquelle il se fonde ne vous satisface pas pleinement, en ce qu'il suppose que l'ame sēsitue par laquelle l'embryō estoit animal ne demeure pas, mais à elle succede vne ame qui est & sensitiue & intellectuelle tout ensemble. Pour appuyer cete succession des ames il met en auant que tant

plus vne forme est excellente & distincte de la forme elementaire, plus elle requiert de formes moyennes pour la faire acheminer par degrez au poict de sa derniere perfection, & partant sont necessaires à cet effect plusieurs generations & plusieurs corruptions, entant que la generation de l'une est la corruption de l'autre. Dont il conclud qu'en la formation de l'homme, comme le plus accompli de tous les animaux, l'ame vegetatiue par laquelle l'embryon vit premierement vne vie de plante se corrompt, & que de sa corruption s'engendre vne ame plus parfaite, qui est la nutritiue & sensitiue, par laquelle l'embryon vit vne vie d'animal: & en fin que celle cy se corrompant de

rechef succede en sa place vne autre plus accomplie, qui est l'ame raisonnable, laquelle est enuoyee de dehors, encore que les autres, diët-il, procedent de la vertu de la semence. Je trouue cete corruption soit des premieres ames soit de leurs facultez, & la substitution des nouvelles, approuuee non seulement par ce docteur angelique, mais aussi par Auicenne & plusieurs autres qui ont pensé que la vertu formatiue apres auoir faiët son operation s'éuanouit comme inutile à l'aduenir, puis apres que la nutritiue succede, qui neantmoins aussi tost s'esteint en l'embryon pour faire place à vne autre plus vigoureuse: de rechef qu'à l'arriuee de l'ame sensitiue la nutritiue se perd, &

en fin que la raisonnable suruenant, laquelle à leur dire comprend en soy toutes les autres facultez, les precedentes s'enfuyent & luy cedent la place. Or si la vertu formatiue se retire cōme superflue apres la formation de l'enfant, qui est ce donc qui luy forme les dents long temps apres? Et en general pourquoy nous figurons nous vn ancantissement de toutes ces facultez desquelles nous voyons rester de si manifestes effects? Pourquoy ne disons nous que la vertu formatiue intermet plustost qu'elle ne perd son office, & qu'elle cesse seulement d'operer là où elle a faute de matiere? Que ne disons-nous que la nutritiue & les autres se renouellent, se renforcent, &

330 DE L'ORIGINE
se perfectionnent , plustost
qu'elles ne s'esteignent? Ainsi
le semble auoir iugé saint
Gregoire de Nyffe, accommo-
dant à ce propos la similitude
d'vn reietton mis en terre, le-
quel par la nourriture qu'il en
retire peu à peu deuiet arbre.
Que si dés le commencement
il n'a porté du fruiet, ce n'est
pas merueille, non plus que la
semence du fourment ne pro-
duiët pas incontinent des es-
pics: mais sans aucun change-
ment de sa nature acquerant
seulement tous les iours nou-
ueaux degrez d'accroissement
par la force de l'aliment arriue
en fin à l'estat de sa perfection.
Il en est de mesme, diët il, de la
formation des hōmes, esquels
selon la grandeur & les dispo-
sitions du corps l'ame faiët

successiuemēt paroistre diuer-
ses facultez: premierement de
la nourriture & de l'augmen-
tation dedans le ventre de la
mere, puis du sentiment après
la naissance, & finalement de
la raison, qui selon le progres
encore de l'age s'accroist, & de
temps en temps se rend plus
parfaicte. Entre les modernes
qui ont traitté de ce subiect, le
docte Scaliger remarque ces
absurditez qui reussissent de la
succession de diuerses ames:
Que la premiere estant estein-
te il faut que l'enfant meure, &
puis qu'il renaisse à l'arriuee
de la seconde, & celle cy enco-
re estant destruite qu'il meure
de rechef, & puis qu'il renaisse
vne autre fois à l'aduenement
de la derniere ame, ce qui est
hors de toute apparence de

verité. Dauantage il arriuera, dict il, vn accident estrange & miserable, qu'en la premiere generation ne sera pas engendré vn Cæsar Dictateur, mais vne beste ou vne laidue. Ces diuerses considerations peut-estre ont esté cause que quelques-vns ont mieux aimé admettre en l'homme la concurrence que la succession des ames, & voulans se destourner d'un precipice sont tombez en vn autre. Car introduisans vne intolerable confusion des facultez & de l'essence, ils ont estimé qu'en vn mesme corps se trouuoient trois ames différentes d'essence, d'organes, & de situation : auxquelles ils attribuoient diuerses operatiõs de vie, & establissoient le domicile de la nutritiue au foye,

de la concupiscible au cœur, de l'intellectuelle au cerueau. Mais de cete opinion resulte vne absurdité manifeste, en ce que l'animal ne seroit pas simplement vn, puis qu'il auroit plusieurs ames. Car s'il est ainsi que l'ame est la forme de l'hōme, & que la forme est celle qui donne l'estre à la chose, de la multiplicité d'ames s'ensuiura multiplicité d'estre en vn mesme subiect. Et par ce moyé si l'homme tient d'vne forme, qui est l'ame vegetatiue, ce qu'il est animal: & de la raisonnable, ce qu'il est homme: on pourra tirer cete consequence que l'homme n'est pas simplement vne mesme chose. Ouy mais, disent ils, quel inconuenient y a il d'admettre l'assemblage de ces trois ames, en for-

te que la premiere soit contenue dedans la seconde qui survient, & celle cy de rechef soit comprise dedás la troisieme? Certes il ne va pas de nos ames comme des pelleures d'oignõs qui sont enuelppees les vnes dans les autres, ou comme de ces poids de cuiure dont les plus petits sont entassez dedás la capacité des plus grands. Non, les ames ne sont point comprises les vnes dans les autres comme la forme triangulaire est contenue dedans la quadrangulaire. Chafque ame a sa forme à part qui donne vn estre propre au corps qu'elle informe, & partát establir trois ames diuerfes dedans vn mesme corps, c'est admettre trois formes en vn composé, ce qui est esloigné de toute apparen-

ce. Que faut il donc en fin res-
 fouldre? Vrayement s'il nous
 estoit loisible de tenter quel-
 que chose apres de si grands
 personnages, nous dirions qu'il
 n'est pas vray-semblable que
 l'homme ait trois ames succes-
 siues les vnes apres les autres,
 & que d'icelles les vnes ayent
 vn principe externe, les autres
 vn interne: encore moins qu'ẽ
 vn mesme corps logent trois
 ames ensemble. Et peut estre y
 auroit il plus de couleur de di-
 re que nous n'auons qu'vne a-
 me, qui est toute creẽe de dieu
 lors que les organes du corps
 se trouuent disposez à la rece-
 uoir, comme nous auons dis-
 couru cy deuant: que les prin-
 cipales facultez de cete ame
 sont seulement la sensitiue &
 l'intellectuelle: que la vegeta-

tiue n'est pas tant proprement vne ame qu'une propriété naturelle aux creatures qui reçoivent accroissement & augmentation. Car autrement les plantes qui ont cete propriété deuroyent estre appellees animaux de cete ame vegetatiue, comme les bestes de la sensitive, & les hommes de la raisonnable. En somme que ces deux facultez, encore que dès la creation de nostre ame elles y soyent par puissance, ne commencent toutefois à agir que successiuellement, à mesure que la disposition & les objets nécessaires se rencontrent. Et ainsi pourroit on interpreter ce qui a esté rapporté d'Aristote, que l'enfant apres la conception est premierement animal & puis homme. Il n'a pas
dié

diët plante, parce que tout ce qui vit en la maniere d'une plante, pour cela n'est pas plante: mais il a diët animal, de cete faculté fenfitive de l'ame: & puis homme, de la faculté raifonnable & intellectuelle. Voila ce qui m'en femble. Mais comme les plus beaux esprits n'ont point eu de honte en cete matiere de confesser leur irrefolution, auffi ne veux ie tellement m'opiniafter à la defenfe de cete opiniõ que ie ne donne lieu volontiers à d'autres que l'on me fera recognoifre mieux fondees.

POLID. Il me refte vne petite difficulté fur ce que pofant la creation des ames vous donnez à vn mefme homme deux principes diuers, & qui plus est

auec diuersité meſme de tēps, ce que ie veux monſtrer eſtre impossible par cete raiſon. De l'ame & du corps eſt faiēt l'hōme qui n'eſt qu'vn, or ſi vous ſuppoſſez que le corps eſt formé deuant l'ame, ou l'ame au contraire créée au parauant le corps, il s'eſuira qu'vn meſme hōme eſt prier ou poſterieur à ſoy meſme, ce qui ne ſe peut faire. Il fault doncq pour obuier à cete impossibilité admettre vne concurren-
ce d'origine au corps & à l'ame. Et d'autant que la premiere origine du corps depend de la ſemerice, on pourra par conſequent iſerer que par la meſme vertu l'ame eſt produitte en ſon eſtre .R.F. Sainēt Gregoire de Nyſſe faiēt vn ample

discours pour monst^rer qu
l'ame & le corps ont vn mes-
me principe de leur existence,
& luy donne l'entree par cete
raison que vous mettez en
auãt, qu'il faudroit autrement
aduouer qu'vn mesme hõme
feroit d'vne part plus ieune &
de l'autre plus ancien que soy-
mesme. Il adiouste que ce se-
roit rendre aucunemẽt imper-
faiete la puissance de Dieu, cõ-
me ne pouuant accomplir cet
œuure entier à vne fois, mais
interrompant ce semble son
labeur pour former les parties
successiuellement les vnes apres
les autres. Et puis encore il ar-
gumente ainsi, La chair de soy
n'est qu'vne matiere morte &
inanimée, & la mortalité n'est
autre chose que priuation de
l'ame. Si donc nous faisons

naistre cete chair morte auparavant l'ame, nous tomberons en ceste absurdité de rendre la priuation premiere que l'habitude. Mais laissant à part ces dernieres raisons, desquelles & vous recognoissez ce me semble assez la foiblesse, & le temps qui nous presse ne permet pas que i'en face l'examen à present, ie resouldray seulement cete principale difficulté que vous auez proposée: & respondray que si le corps de l'homme simplement & son ame simplement estoit homme, vous auriez iuste raison de conclure de cete diuersité de productions qu'un mesme homme seroit premier que soy mesme. Mais l'ame & le corps n'estans que diuerses parties de l'homme, il n'y a aucun incon-

uenient d'aduouer que l'vne soit premiere que l'autre. Tout ainsi donc que la matiere disposee seulement à la susceptiõ de la forme est premiere que la forme, mais estant actuellement parfaicte par l'aduenement de la forme qui donne l'estre à la chose, elle est ensemble avec la forme : aussi le corps en tant qu'il est disposé seulement à la reception de l'ame est premier qu'elle, & lors n'est point encore corps humain actuellement, ains seulement en puissance. Mais aussi tost que l'ame luy ayant apporté sa perfection l'a rendu actuellement corps humain, il n'y a plus entre eux de priorité ny de posteriorité de temps. La successiõ du temps est principalement remarquable en la diuersité

des fonctiōs de l'ame , comme nous auons touché cy deffus. Et le meffme fainct Gregoire en la poursuite du discours qu'il en faiet , compare à ce regard l'ame avec le corps, en ce que comme cete matiere dont le corps est composé du commencement n'est point encore aétuellement ny chair ; ny os, ny poil, ny autre chose de ce qui est puis apres distingué en la fabrique de l'homme , mais en puissance elle est tout cela: aussi combien qu'on ne reconnoisse pas incontinent en l'ame la faculté ratiocinative, concupiscible, irascible, elles y sont neantmoins en puissance, & à mesme mesure que le corps reçoit son accroissement , l'ame aussi faiet son progres, & commence à pro-

duire ses operations, premierement par la faculté vegetatiue & nutritiue, comme vne racine cachee soubs la terre: puis apres la sensitiue paroist, comme vne plante qui sort en lumiere & fleurit en son tēps: & en fin ayant acquis vn plus hault degré de perfection, elle monstre son fruit, qui est cete faculté raisonnable, laquelle encore selon la disposition des organes du corps s'augmente par degrez. Voila, messieurs, ce que nostre ame parmy les tenebres du monde a peu decouvert de son origine, & attendant qu'vn iour despoüillee de ces empeschemens exterieurs qui l'environnent elle puisse acquerir vne plus certaine cognoissance de soy-

344 DE L'ORIGINE
mesme en la contemplation
de ce miroir vniuer-
sel où l'on void tou-
tes choses.

FIN.

Fautes à corriger.

Page 5. ligne 8. *Adco*. Pag. 19. lig. 1. *αὐτῶ*.
Page 27. lig. 8. *Nemesius*. Pag. 35. lig. 4 le
premier motif. Page 41. lig. 19. *naturele*
Pag. 56. l. 1. *toutes*. lig. 2. *soub vn mesme*
Pag. 93. lig. 8 & 9. *de ce particulier*
Pag. 119. lig. 13. *παλιγγενεσίας*. P. 152. li. 13.
ἀμείστος. P. 165. l. ou comme. P. 179. lig.
derniere. *preseruees*. P. 227. lig. 1. *en cas*
Pag. 231. lig. 12. *tache*. P. 233. lig. 17. *ἀμαρ-
τλοῖ* P. 261. lig. 8 *establissons*, P. 280 lig. 13
parler en.